

**NATIONAL ASSEMBLY OF
SEYCHELLES**

Friday 24th November 2023

The Assembly met at 0903am

National Anthem

Moment of Reflection

Mr Deputy Speaker in the Chair

MR DEPUTY SPEAKER

Bonzour tou Manm Onorab. Tou travayer Sekretarya e tou piblik ki pe swiv travay Lasanble Nasyonal pou sa Vandredi le 24 Novanm.

Nou travay pandan lazournen pou dominan avek Staz Komite. Kontinyasyon Staz Komite lo *Appropriation Bill, 2024*. E i en lazournen ase sarze. E mon sel lapriyer se ki tou bann Manm i konsyan kontrent letan ki'n ganny *allocate* agree avek. E nou reste *within* letan ki nou'n ganny *allocate*.

Dan *Communication from the Chair*, mon le zis adres de pti pwen. Premyerman *Leader* Lopoziyon mon'n resevwar let lo propozisyon ki ti ganny fer – *in fact I made the proposal* ki

FPAC i set up en working group pou zot kapab etidye dosye West Coast Project.

E in fer sa let, me mon'n demande ki let i re ganny anvoye aköz *protocol* bann travay komite Lasanble ki nou ti'n tonm dakor avek, se ki *the Clerk of the Committee* ki siny sa let. E sa i garanti poudir komite savedir in zwenn. In dakor lo sa lide. Me pli enportan in annan konsansis bipartisan lo konteni sa kominikasyon. Donk mon'n demande ki a let i ganny re sinyen par *the Clerk of the Committee*. *This is the first point.*

The second point i konsern bann lenformasyon ki *Leader* Lopoziyon ti demande Minis Devika yer, lo la kantite larzan. E sa annan en *email* ki'n ganny anvoye. Mon vwar bann Manm pe *nod*. So tou dimoun in resevwar sa lenformasyon pou nou asire dan lenformasyon piblik ki sa lenformasyon in ganny *provide*.

E trwazyenm pwen ki mon oule adrese lo size *matter of privilege* Onorab Loze. A sa staz nou ankor pe *gather* bann levidans. E pou lenformasyon Lasanble, tou bann levidans ki pe ganny anmase, statement, *video footage*, mon pe demande ki sa i ganny *handle* par lofis Clerk.

So ki mon pa ganny akize konmkwa mon pe enterfer avek sa *process*. Ziska ler tou bann keksoz in fini *gather*, then i ava ganny soumet avek mon lofis. E parey mon ti'n dir zot yer, mon krwar sa i en keksoz ki pou pran en pe letan.

Me osito posib an mezir ki nou ganny bann lenformasyon mon ava enform Lasanble. Sa i 3 kominikasyon ki mon ti anvi fer avek zot bomaten. I annan Onorab Loze ki ti'n vin vwar mwan pou *raise* en *matter of privilege*. So mon ava akord ou ou -

HON JOHAN LOZE

Bonzour Mr Speaker. Mr Speaker, *part of* sa ki mon ti pe serse ou'n sorti ou'n fini dir. Akoz bomaten mon'n dir ou klerman, mon ti donn ou en loportinite pou eksplike. Be *the other half of* sa ki mon pe serse se sekirite pou nou bann Manm.

Akoz mon *Whip* letan in sorti pou defann Manm son *Caucus* li in ganny met deor. Onorab Adelaide ki'n agres *Clerk* verbalman e in agres mwan fizikman, li i *ok* pou li reste dan Lasanble li. *It is fine*.

Selman mon *Whip* in ganny met deor, akoz i le defann son Manm. So nou annan en *clear issue of* ou

annan Manm ki ou sipoze proteze ki santi zot an sekirite dan Lasanble. Mersi Mr Speaker.

MR DEPUTY SPEAKER

Mersi pou ou pwen. Onorab *Leader* Lopozisyon ou ti le lev en *matter of privilege*?

HON SEBASTIEN PILLAY

Mersi Mr Chairman. Mon pe *raise* sa *matter of privilege* akoz mon santi poudir mon *Caucus* pa pe ganny trete *fairly* anba *Standing Order*. Mon dir sa akoz konman en Manm ki'n deza ganny *named* e ganny sispann, e Mosyon ti *gladly and happily seconded by yourself* letan ou ti dan ou *Chair* - dan ou plas konman *MNA* Mont Buxton.

Mon ti ganny sispann e mon saler ti ganny koupe an gran piblik. Onorab Loze ti vini en zour bomaten, e Onorab Larue *without notice* ti kapab *move* en Mosyon, akoz zot annan en mazorite. Ankor en fwa an piblik pou sispann li.

Me par kont, Onorab Adelaide ki li in fer en fot dan en group Lasanble, kot in verbalman maltret Clerk dan en group Lasanble, apre la in montre ledwa Onorab Loze anba son nennen, li i ganny *subject* - li i ganny *subject to* en *investigation* li!

(Interruptions)

HON SEBASTIEN PILLAY

Get tolerans ki annan. Mwan mon'n fer mon pwen. Prezan sa ki enteresan Mr Chairman, ni en *apology* dan sa group Lasanble kot sa *statement* in ganny fer, nou pa'n vwar. E mwan sa ki pli konsern mwan ankor, se lefe ki prezan si ti enn lo mon kote latab ki ti'n fer sa, deswit nou ti pou'n ganny pini.

Legzanp Onorab Lemiel yer, debout pou defann son *Caucus* e li i ganny met deor! Mon problem ek sa se ki manner nou pou fer lenterpretasyon Lasanble, oubyen nou pou travay Lasanble si nou kontinyen dan sa fason.

So, mon krwar i bezwen annan aksyon ki ganny pran e ki i annan tretman egal ki ganny *afforded to* tou le de kote. E mon le met lo rikord Lasanble pou tou dimoun tande, *ok*, konman Manm *US* nou dres nou lenz tou le zour pou nou vin travay nou.

E sa komanter ki ou'n fer Mr Chairman, *was uncalled for - was bias in nature!* E pa ti devret ganny fer, aköz ou ti'n fini fer ou pwen ki nou ti'n apresye ler ou ti'n fer ou pwen lo investigasyon. E mon krwar

sa kalite tretman pa kapab kontinyen pou Manm *US* Mr Chairman.

So nou pou mentenir nou pozisyon *until* ki nou ganny sa *meeting*. Oubyen ou pran en desizyon pou protez Manm Lasanble lo kote *US*, nou pa pe partisip dan deba dan *Committee Stage*. Malerezman aköz Lasanble pe ganny *run* dan en fason ki *bias e unfair* lo kote *US*.

Mon pa dir sa bann keksoz avek plezir. Me i bezwen ganny dir e dimoun i bezwen tande. Mersi Mr Chairman.

MR DEPUTY SPEAKER

Mersi Onorab. Mon'n not bann pwen ki *Caucus US* in fer. *US* pe proteste pe sorti ...

(US Members present walked out of the House)

MR DEPUTY SPEAKER

... so mon ava les zot sorti. Aköz anba *Standing Orders* ou pa koze e ou pa kapab marse e vir ou ledò avek Chair ler i pe adrese. I en vyolasyon *Standing Orders 57*.

Donk *US* in fini ale. In annan en *alleged incident* ki'n arive i Onorab Loze *through en matter of privilege* in lev sa size *on the Floor*. Ler sa i arive in demann de keksoz li. Ki aksyon

ki Lasanble Nasyonal pou pran? E dezyenman ki lanket ki Lasanble Nasyonal pou fer?

Now pou mwan sa i en *alleged incident*. Donk nou bezwen ranmas tou bann levidans pou mwan konman *presiding officer come to a conclusion*, pou vwar si vreman son privez konman en Manm in ganny afekte ouswa non.

Konman Lezislater nou bezwen konpran ler i annan en *investigation* i bezwen annan *due process*. Dan nou *Standing Orders* toultan i *refer to sub judice* nou pa kapab enterfer avek. S

a ki mon'n obzerve, se ki US pe enterfer politikman *in the process*. Zot in lev sa size *on the Floor*. Kontinyelman mansyonn non Onorab Adelaide, ki li mon pa ankor donn li en *Right of Reply* pou *clear* son non *on the Floor*. Akoz mon pe diri ki i bezwen *go through due process*.

E alor se sa ki mon pe demann Lasanble Nasyonal, pou nou reste kalm. Fer nou travay ki nou pe fer la dan Staz Komite. Mwan konman *presiding officer*, mon pe *liaise* direkteman avek lofis Deputy Clerk pou ranmas tou bann levidans.

Me sa ki mon le enform Lasanble, se ki a en moman mon pou osi envit Deputy Clerk

pou regard sa bann levidans. Pou lir *statement* pou regard, pou ki en mannyer letan mon pran desizyon mwan konman *presiding officer* ki pou bezwen pran; me selman nou ava kapab satisfere nou lekor pou dir desizyon ki ganny pran i ganny pran baze lo fe.

E i *unfortunate* ki US pe sey met presyon politik lo mon lofis pou mon tay avek sa *process*.

Zot in vi vwar mwan dan mon biro a trwa repriz. Trwa diferan Manm. La dan Lasanble bomaten zot in vini zis pou fer polemik lo sa size ankor.

Alor la mwan mon pou dir avek *Caucus LDS*. Mon'n not lanmen *LGB* e *Chief Whip LDS*. E osi mon'n not lanmen Onorab Hoareau. Me mon pou demann nou Lasanble bann Manm ki reste la, pou nou gard latet poze. Mon pa pou donn zot laparol lo sa size.

Akoz mon pa anvi ki i annan lenterferans *in the process on the Floor* pou le moman. So *unless* i pa lo sa size, nou ava adres lezot size, me pou le moman nou respekte ki i annan *due process* ki pe arive lo *the alleged incident*. Permet lofis Deputy Clerk e mon lofis Deputy *Speaker deal with the issue*, tan ki nou pa ankor ganny levidans.

E *as we speak* malgre Onorab Loze in fini met son *statement* mwan mon pa ankor vwar sa *statement*. So mon pa konnen ki in dir. Mon pa ankor vwar *video evidence*. Mon pa konnen si in arive, si I pa'n arive. *So let us allow the proves to go smoothly*. Mersi.

Onorab LGB ti'n leva lanmen avan.

HON BERNARD GEORGES

Mersi Mr Speaker. Bonzour Madanm Deputy Clerk bann zofisye Lasanble ki la. E dimoun ki dan lakour. Mr Speaker, mon le *raise en matter of privilege* bomaten, *arising* lo sa ki nou'n vwar bomaten. So, I pa en keksoz ki'n ariv avan. I en keksoz ki'n ariv la bomaten.

So, mon pe demann ou Mr speaker pou *rule* ki nou privilez konman Manm Lasanble - e la mon pe koz lo tou le de kote latab. Pa zis lo nou kote. Me sertenman lo nou kote e sertenman pou mwan, mon privilez pe ganny abize tou le bomaten par Onorab *Leader* Lopozisyon, ki pe *raise en bann matter of privilege* ki napa nanryen ki *out of order*. Ki pe *raise bann points of order*. I pe zis retard travay Lasanble!

Nou nou'n ganny elekte pou vin isi pou travay. Nou nou pa'n vin isi pou fer politik bon

marse. E mon santi ki mon privilez konman en Manm ki anvi travay dan lentere Sesel, dan lentere sa ladministrasyon ki mon reprezante isi dan sa Lasanble, pe ganny abize, par lefe ki bann Manm *US* tou le bomaten zot pran en bann *matters of privilege e point of order* zis pou retard nou travay. Mersi Mr Chair.

MR DEPUTY SPEAKER

Mersi LGB. Onorab Arissol.

HON SANDY ARISSOL

Mersi Mr Speaker. Bonzour tou dimoun ki a lekout e tou bann Manm Onorab isi prezan. Mon'n tann ou mansyonn de pwen. Pa lo *case* ki pe anba envestigasyon. An relasyon avek *FPAC* - mon'n tande poudir ou'n dir en keksoz lo *FPAC*.

Mon anvi zis met dan rikord pou dir *FPAC* nou pa ankor zwenn nou. Bann Manm nou pa ankor zwenn. Nou pa ankor pran okenn desizyon an relasyon avek sa ki ou ti fer propozisyon.

Parske pa bliye *FPAC* nou'n sitan annan en kantite lo nou lasyet. Nou annan later *US*, ki nou ankor pe esper en larepons pou ou gete kote nou ale avek. Nou annan lezot size. So nou nou pa ankor zwenn konman en komite, pou nou

pran sa desizyon ki mon'n tann ou ou'n koz lo la.

Dezyenmman, sekirite. Ti annan en *statement* ki ti ganny fer yer par *Chief Whip* lot kote. Zot pa santi zot an sekirite. E otomatikman letan en *statement* koumsa i ganny fer mon mazine Serzan ki asiz is dan nou Lasanble, i vin en problemn.

Parski sekirite se Serzan ki responsab. E mon kontan ozordi mon'n vwar sa menm Manm ek lezot son bann koleg, zot in retourn dan sa menm Lasanble, kot zot pa santi zot an sekirite.

Savedir sa i montre poudir *statement* ki ti ganny fer kont Sekretarya enkli Serzan ki asiz la, i pa fonde. Pa fer sans. Parski zot in retournen. Savedir zot santi zot an sekirite.

Parey mwan nou tou e tou bann Minis ki antre kot Lasanble, zot santi zot an sekirite a tou moman anba responsabilite nou Serzan ki asiz isi anndan. Mon ti anvi fer sa de komanter. Mersi bokou Mr Speaker.

(APPLAUSE)

MR DEPUTY SPEAKER

Mersi Onorab. Onorab Hoareau.

HON JOHN HOAREAU

Mersi Mr Speaker. Mr Speaker mwan osi mon le *raise en matter of privilege* akoz mon krwar mon privez i ganny afekte, an vi ki bann keksoz ki *LOTO* i dir i pe dir lo lapar *LDS* antye ki la dan Lasanble.

En lensidan in ariv ant de dimoun me li i pe akiz *LDS* antye. So, mon krwar nou bezwen kondann sa. Les lenvestigasyon *due process* ganny fer. Pa bezwen akiz *LDS* antye konman en *Caucus*. Mersi.

MR DEPUTY SPEAKER

Onorab William?

HON WAVEN WILLIAM

Mersi Mr Speaker. Mr Speaker, baze lo bann enterven an ki'n fek koze. Mon anvi ganny en klarifikasyon avek ou, akoz mwan osi letan mon dres mon lenz bomaten, mon pa zis dres mon lenz pou zis vin asize koumsa menm dan Lasanble. Mon vin travay.

So, problemn la ki mon vwar se ki ti a bon ou eksplik nou isi, an menm tan piblik deor la, ler nou dan sa Lasanble ki privez, ki bor privez spesyal *Leader Lopoziyon* i ganny *stated dan Standing Order?* Akoz ou a krwar tou keksoz pou li i en

privilez. So, ti a bon ou fer sa kler koumsa ki piblik deor la i konpran, ki bor e ki kote ki annan sa privilez lo kote bann Manm? Mersi.

MR DEPUTY SPEAKER

Mersi Onorab. Bon, dabor Onorab William, Dirizan Lopozisyon son lofis i fer provizyon *for by the Constitution*. E osi *by* nou *Standing Orders*. So, i ganny regarde koman en Dirizan ki annan serten privilez, an term konsiltasyon lo bann size, par egzant Prozedlwa. Lo bann antite ki pou vin dan Lasanble konsernan Bidze. Lo keston, i ganny privilez pou anmenn PNQ.

So, i annan serten privilez ki *Standing Orders* avek Konstitisyon i donn sa Lofis. Me letan ki i *on the Floor of the National Assembly*, i napa en privilez an plis ki lezot Manm. Ki swa pou li koz dernyen, ouswa koz otan fwa ki i anvi. Ouswa koz la kantite letan ki i anvi. Non.

Sa pa ekrir okenn par ki donn li sa privilez spesyal. Me i annan bann keksoz spesifik par egzant parey ki mon'n refer ki lofis Speaker i bezwen *liaise* avek li, pou asire ki i annan konsansis bipartizan.

E ki i annan lantant ant kote Gouvernman e kote Lopozisyon, koman parti sa konteks demokratik. Ki Sesel i form parti e osi *best international practice* baze lo bann standar *Commonwealth*. *So that is where I arete*.

Onorab Hoareau, mon not ou pwen. Sa ki mon kapab dir se ki mon zis priye ankor yer mon ti pe dir sa, se ki nou konnen nou poudir nou vin travay konman Manm Lasanble Nasyonal.

Nou en louvraz parey nenport ki ki travay dan servis piblik, dan sekter prive, dan sekter *SOE*. Ouswa *non-profit sector*. Lasanble Nasyonal i pa pli spesyal ki tou lezot sekter travay. So nou annan bann limitasyon.

Nou annan etik travay, bann standar ki nou bezwen swiv. E le sel keksoz ki mon priye tou le bomaten se ki nou vini nou travay pou fer sa louvraz ki devan nou. E nou pa bezwen lev nenport size.

E ki tou le zour konmsi i vin en en latansyon, en latraksyon ki pa neser lo nou, *because we have serious at work* pou konplete.

Deza la i 9er 22 e nou pa ankor kapab konmans Staz Komite lo premye antite ki pe vin devan nou.

Lo kestyon sekirite ki Onorab Arissol in dir, mwan mon satisfise poudir *Sergeant-at-Arms* pe fer son louvraz tre byen. E yer letan in ariv sa lensidan kot *US* ti *walk out*, dan *break* zot in fer sir. I annan sekirite la ki si i annan okenn lensidan ki pou arive, zot kapab *deal* avek.

Be mwan mon pe demann bann Manm ki dan Lasanble la, pou di nou'n vin travay. Nou pa'n vin fer problem. Nou pa'n vin fer Kankan. Nou pa'n vin lager. Napa sa bann zafer.

Napa nesese pou annan krentif lo lapar okenn endividi ki lo *precinct* ki ou en staf, ki ou en Manm, ki ou e viziter ozordi. Napa nesese pou sa.

Pwen *LGB* lo *matter of privilege*; i vre ki in annan privez bann Manm in ganny afekte par sa kalite fason travay ki Lopoziyon in swazir pou travay. Mon konpran zot en pti gin dan limero, e alor zot bezwen asire ki zot koz en pe partou, pou kapab fer zot lavwa vin en pe pli for ki sa mazorite *LDS*.

E solman mwan mon ti ava zis demann Lopoziyon, pou vin en pep li konstruktiv. Vin en pe pli responsab e fer zot travay konman lopoziyon en pe pli stratezik. Mon'n deza dir

zot sa avan. E *in fact* i anmenn mwan lo pwen.

So, mon satisfise Onorab Georges, pou dir wi sa kalite *interruptions* ki Lopoziyon i fer, i *disruptive to the worst of the National Assembly*. Partikilyerman dan kontrent letan ki devan nou.

E an fet sa i anmenn mwan en pwen ki mon bezwen adrese konsernan zot protestasyon. Kestyon ki mon pe demann mon lekor la letan mon dan Sez. Eski sa protestasyon i zistifye parey *Standing Orders* i dir poudir lopoziyon ouswa menm *LDS* i kapab fer en protestasyon e kit Lasanble.

Now sa proses Bidze in ganny fer, an konsiltasyon avek lofis Lopoziyon. Lekel bann antite ki pou vini baze lo la kantite larzan ki zot ganny *allocate*.

Now prezan Bidze i enn bann travay pli enportan dan azanda anyel Lasanble Nasyonal. E nou pe get size ki konsern bann *constituents* dan distrik kot nou sorti, dan sa rol reprezantasyon.

Me pli enportan *oversight* lo bann *MDAs*. Alor eski i zistifye zot labsans? *That is the question I am asking myself*. Demande si zot labsans i zistifye. E mon pe rezerv mon

drwa pou fer en *ruling* lo zot labsans dan sa proses Bidze.

Parski zot pe servi sa pou dir tan ki napa en finalite dan sa *alleged incident* ant Onorab Adelaide e Onorab Loze, so mon vwar sa konman en lenterferans politik. E en presyon politik ki zot pe mete lo sa *due process* ki dwatet annan. E i fer mwan demann mon lekor si zot labsans i zistifye.

Mon rezerv mon drwa pou donn en *ruling* lo zot labsans, ler ki nou donn en finalite lo sa *alleged incident*, ant Onorab Adelaide ek Onorab Loze. Mersi.

Letan vreman pa dan nou faver. Ozordi Vandredi le 24, i annan en Statement ki *Caucus* Madanm ti'n demande pou fer an relasyon avek *16 Days of Activism*. E Onorab Kelly Samynadin ki sipoze fer sa entervansyon lo lapar *Caucus* madanm. Onorab Samynadin?

HON KELLY SAMYNADIN

Bonzour Mr Speaker e bonzour tou mon bann Manm koleg Onorab e tou dimoun a lekout. Mr Speaker, *sit web UN Women* i afirman ki vyolans kont bann madanm ek fiy, i enn bann pli gran estigasyon vyolans kont drwa imen dan lemond. Avek en *ratio* enn dan 3 madanm. Pou adres e ilimin li, i demann

plis ki reaksyon lo sa vyolans letan ki i pe arrive.

I demann bann solisyon proaktiv e inovativ. En lakle pou sa bann solisyon, I dan lenvestisman e dan lotorizasyon bann lenvestisman ki lit pou drwa bann madanm.

Mr Speaker, 16 zour *activism* kont vyolans bann zanr pe demare demen Sanmdi le 25 Novanm, e i pou terminen le 10 Desanm 2023 parey tou le-z-an.

I ti en kanpanya ki ti konmanse par bann aktivis kot linogirasyon *Women's Global Leadership Institute* an 1991. E i en moman kot plizyer endividi e lorganizasyon partou dan lemond, i servi bann stratezi lorganizasyon pou travay ver prevansyon e eliminasyon vyolans kont bann madanm ek bann fiy.

Paralelman avek sa, pou sipor sa linisyativ sosyete sivil, Sekreter Zeneral Nasyon z-Ini ti an 2008 lans kanpanya *Unite By 2020* pou termin vyolans kont bann madanm, ki li osi i ganny observe pandan sa 16 zour *activism*.

Son tenm pou sa lannen i *Unite! Invest To Prevent Violence Against Women and Girls*. E i pe lans en lapel anver bann sitwayen pou demontre zot sipor dan bann travay ki pe

ganny fer, pou elimin vyolans kont bann madanm ek bann fiy, par partaz bann aksyon ki zot pe pran. Pou kree en lemonn kot napa vyolans ki vize ver bann madanm.

Tenm sa kanpany pe osi lans en lapel pou bann Gouvernman atraver lemonn, pou partaz lo bann aksyon ki zot pe pran. Pou investir prevansyon vyolans kont ban zanr.

UN Women I fer resorti ki si tandans aktyel I kontinyen, plis ki 340 milyon fanm ek fiy, ki reprezant 8poursan popilasyon mondyal feminen pou viv dan lapovrete ekstrenm par lannen 2030.

Distenksyon ant bann zanr dan bann pozisyon pouvwar ek *leadership*, I kontinyelman persiste. E si progre I kontiny lo sa lavites, I pou pran ankor 286 lannen pou ariv ver legalite bann zanr dan lavi piblik.

Sa bann lenvestisman anbisye pou anplifye bann program prevansyon ek bann polisi efektif, ensi ki dan provizyon bann servis sipor pou adres vyolans kot madanm ek bann fiy, bokou pei pou *fail* pou elimin vyolans kont bann zanr par lannen 2030.

Malgre ki i annan en bezwen irzan pou fer legalite bann zanr en sikse, lenformasyon lo ki kantite zefor ki pe ganny investi pou nitraliz e anpes vyolans kont bann fanm ek bann fiy, I reste touzour limite.

I enportan pou bann madanm ek bann fiy konnen kote e ki mannyer zot kapab ganny akse ek led. Dan sa ka, mon pe demann avek bann lazans ek bann lotorite konsernen, ki travay dan direksyon pou garanti ki bann madanm ek ban fiy, oubyen okenn dimoun ki pe fer fas avek okenn form vyolans akoz zot zanr i vin pli pre avek bann kominote.

Pli spesifikman dan bann distrik. Pou travay avek bann Lotorite Distrik. Mon konnen ki Departman Zafer Sosyal, ensi ki Departman Lafanmir i annan zot travay spesifik ki zot fer. Me mon santi ki plis vizibilite i tre enportan.

Akoz sa i pou permet nou bann dimoun konnen, kote ki zot kapab ale pou zot ganny akse ek servis.

Pou terminen Mr Speaker, Akshay Kumar en *motivational speaker* sorti *Sri Lanka* ti dir "*gender-based violence destroys the peacefulness of families. And physiologically affects both*

women and children. Engaging men to prevent violence, can help restore those relationships for a better future.”

Sa 16 zour *activism* pou lit vyolans kont bann zanr i konsern nou tou. I konmans avek sakenn de nou. Annou profit sa moman pou gete ki manner nou pou *advocate* pou ki bann ki pli vilnerab, i santi zot apresye e kapab epanouir san okenn limitasyon. Mersi Mr Speaker.

(APPLAUSE)

NATIONAL SPORTS COUNCIL

MR DEPUTY SPEAKER

Mersi Onorab Samynadin. Prezan nou pou kontinyen avek nou travay pou ozordi. Mon a demann *Sergeant-at-Arms* pou met nou dan staz komite antretan ki madanm *parliamentary reporter* i al kriy delegasyon *National Sports Council*.

Mon ava dir bonzour e la byenveni delegasyon *National Sports Council*, ki dirize par Minis pou Lazenés, Spor e Lafanmir Marie-Celine Zialor. I akonpanyen par Mr Marc Arissol ki *CEO NSC*, Mrs Gyra

Nibourette ki *Director General Strategic Human Resources* avek Mrs Patricia Ciseau ki *Financial controller* dan Minister Lazenés Spor e Lafanmir.

Nou osi annan prezans 2 zofisyé Minister Finans avek nou. Sa i Mr Jude Commettant ki *Deputy Comptroller General* e manmzel Agnes Madeleine ki *Senior Finance Analyst*.

Bidze NSC i lo paz 242 a 247. Mon pou envit Minis pou fer en lenterodiksiyon apre nou pran lenteraksiyon lo *Floor*. E mon lentansyon pou termin sa sesyon 10 er bomaten parey ti'n mete dan program. Nou demann en leskiz delegasyon pou sa pti retar, akoz ti annan bann *housekeeping issue* ki nou bezwen *deal* avek. Minis *proceed* avek ou lenterodiksiyon. Mersi.

MINISTER MARIE-CELINE ZIALOR

Mersi Mr Chair. Bonzour Mr Chair avek ou lekip. Bonzour tou bann Manm Onorab prezan dan Lasanble e bonzour tou dimoun ki a lekout.

Tre briyevman Mr Chair, Konsey Nasyonal pou *Sport* i annan Mandan regilariz *sports* dan pei, pou fasilite devlopman *sport* depi nivo Spor Pou Tou ziska Spor O Nivo.

NSC I osi annan en rol pou zwe pou ede ki spor i ganny servi pou amelyor lasante e byennet nou popilasyon. E osi pou retir nou bann zenn ek zanfan dan ban move lenfliyans. Mon ti ava kontan sezi sa loportinite Mr Chair, pou enform Lasanble e popilasyon ki NSC i depan bokou lo bann lasosyasyon ek federasyon *sport*, pou zesyon disiplin sportif respektiv.

NSC in ganny en Bidze 117.413 milyon pou 2024. E sa i reprezant en logmantasyon en pti pe plis ki 3 milyon. Ouswa ekivalan 3poursan, konpare avek Bidze 2023. Rediksyon remarkab dan sa Bidze, i *goods and services* ki apepre 27.474 milyon, ki CEO apre i ava donn leksplikasyon anmezir i reponn bann kestyon.

Mon ti ava kontan pou Bidze NSC Mr Chair, mansyonn *PSIP*. Pou bann proze kapital dan sa Bidze i annan 34.68 milyon ki Gouvernman in met a dispozisyon NSC, pou bann travay lenfrastruktir sportif.

E nou pe osi ekspekte 13.616 milyon konman *foreign grant*.

E pou sa Mr Chair, mon pou profit lokazyon pou mon remerci bokou Minis Finans e Lazans Lenfrastruktir, pou ki sa lannen nou annan en pti pe par

lao 48 milyon dan nou Bidze pou lenfrastruktir, ki mon krwar mon mazine i en rikord.

Akoz nou'n get dan bann Bdize depi 2017 an montan, mon krwar 2017 ti annan zis 5 proze ki ti ganny finans dan Bidze. Savedir i en progresyon remarkab pou sa.

E avek sa Mr Chair, mon ti a kontan termin mon lentrodiksyon. Mersi.

MR DEPUTY SPEAKER

Mersi *Minister*. A sa moman i annan 14 Manm LDS ki'n endike la i fer 15. Si nou kapab demann kestyon e donn larepons dan 1 minit, tou le 15 a kapab fer. Si nou kapab fer sa. Si nou pa kapab fer sa, letan 10er i sonnen mon pou arête irespektiv sa pa kapab ganny letan demann son kestyon. Nou pou pran en vot lo sa alokasyon. Onorab Philip Arissol ou premye.

HON PHILIP ARISSOL

Mersi Mr Chair. Bonzour Mr Chair. Bonzour Minis ek ou delegasyon. Minis mon annan de kestyon. Avek bi pou atak e ilimin sa problem dopaz dan nou *sport*, eski dan Bidze 2024 i annan en alokasyon pou fer tes dopaz lo atlet pandan sezon kot zot pe pratik zot *sport*?

E an menm tan Minis, mon ti a kontan konnen si tou federasyon e bann lasosyasyon in ganny Bidze pou sa lannen apre *Zwe Des Iles*. Akoz la pou le moman mon vwar zis football ki pe pratike. Mersi.

MR DEPUTY SPEAKER

Mersi Onorab. *Panel, proceed.*

CEO MARC ARISSOL

Mersi Onorab. Bonzour Mr Chair. Bonzour tou bann Manm Onorab. Pou reponn kestasyon lo kote bann *case dopaz*, wi, si ou regard dan nou laliny Bidze, lannen pase ti napa nanryen. Sa lannen nou'n negosye nou'n nobou ganny en pti logmantasyon. Nou'n ganny en serten poursantaz larzan pou fer sa.

Nou pe fer li akoz nou'n vwar parey zot okouran i annan logmantasyon dan bann atlet ki pe teste pozitiv. So, alor nou bezwen revwar nou fason ki nou fer *screening* o nivo *NADO*, ok?

. Dezyenm kestasyon, ou'n demann mwan lo bann diferan federasyon. Mon krwar mon kontan en kantite sa kestasyon, akoz i ava en sans pou mon edik manm piblik ki la deor.

Sport li menm se bann federasyon ki fer *sport*. *NSC* i annan en manda pou *facilitate* siporte bann diferan *sport*. So

savedir si napa sport pou le moman, se pa *NSC* li menm. Me se responsabilite *the onus* i lo bann federasyon.

Me selman zis pou eklersi ou en pti pe, i annan en kantite bann federasyon la, ki zot sezon in sanze. I annan ki sezon in fini ansanm avek *Zwe Des Iles*, ok? I annan ki pe realiz zot sezon avek bann konpetisyon enternasyonal, dan zot diferan federasyon respektif.

E i annan osi ki petet annan *national team* ki'n al deor. I annan ki pe konmans *league* sa *weekend*. So, i annan en pti pe mouvman dan sa *area*. So sa en pti pe. Me selman i *the onus* i pa lo *NSC*, ok? Se bann federasyon ki fer *sport*. Mersi Mr Chair.

MR DEPUTY SPEAKER

Mersi *CEO*. Onorab Mondon.

HON TERENCE MONDON

Mersi Mr Chair. Bonzour Minis avek ou lekip. Minis, i annan en pe letan depi ki nou'n fer demann pou aranz lalimyer lo laplenn football kot lekol Takamaka, pou ki nou zenn dan distrik i kapab *practice* zot spor.

E Minis ou fek koz lo lenportans spor pou nou zenn. Eski Minis zot kapab dir nou, si zot pou kapab akonplir sa

demann dan sa Bidze lannen prosenn? E si wi, dan ki dele letan? Mersi.

MR SPEAKER

Panel, proceed.

CEO MARC ARISSOL

Mersi Onorab. Onorab, nou'n ganny en logmantasyon dan Bidze pou *maintenance* par 2 milyon ki fer nou en total 4.3 milyon antou. E ki mon'n fer, mon'n fini zwen avek bann DAs. Nou'n demann zot pou donn nou lalis priyorite. *At least 3* eleman *maintenance* ki zot ti a kontan fer dan zot distrik. E *submit* kot nou. E prezan nou baze lo sa Bidze nou a kapab *allocate* e regarde lekel priyorite.

Lo kote lalimyer nou pe revwar. Akoz nou ganny en kantite problem lalimyer. Nou pe revwar, pou nou gete si nou menm nou nou kapab ale *purchase* en bon pe lalimyer. Nou annan en teknisyen la ki'n vin vwar mwan. I pe koz mwan lo solar. Pou nou kapab regarde ki osi pou koup lo *utilities*.

E nou pe regarde si nou kapab mont *Dubai* al rode, *purchase*, stoke. Akoz sa i bann keksoz ki tou lazournen ou tande pe bezwen ganny ranplase. E zis son *labour cost* pou mete i bokou.

So, sa i bann nouvo stratezi ki nou pe sey fer. Mon pa kapab donn ou en dele letan 100poursan. Me selman petet mon mazine milye lannen prosenn pli tar nou a kapab etabli sa. Mersi Onorab.

MR DEPUTY SPEAKER

Onorab Mondon in demann zis en kestyon. *So let us take it to one question* ki nou kapab *run through maximum*. Onorab Romain.

HON GEORGES ROMAIN

Mersi Mr Chair. Minis, bonzour ek ou delegasyon. Bonzour tou dimoun a lekout. Zis en pti mo felisitasyon pou nou nouvo CEO. Mon konnen i en zenn, en dinamik. E mon kontan pou ou abilite. *Keep it up*.

Mon kestyon i lo kote *building* en *infrastructure*. Parey Minis in fer resorti i annan R48 milyon pou fer sa bann konstriksyon. Mwan mon kestyon – konpare avek 2023 ki ti zis 21 milyon. E i en ta larzan.

Mon kestyon pou Minis oubyen CEO, ki zot pe vreman fer pou fer sir ki sa bann lenfrastruktir ki ler pe ganny fer, ki vreman i vin lo sa standar, ki nou pa vwar nou ankor dan detrwa mwan oubyen lannen,

ki nou bezwen retourn lo la avek en *major maintenance*.

Ki nou'n vwar dan lepase kot in kout nou bokou larzan. Mon kestyon alors vreman Minis, ki vreman nou pou fer sir ki sa bann keksoz i ganny fer parey lo plan e *quality* parey nou dir? Mersi Mr Chair.

MR SPEAKER

Panel, proceed.

MINISTER MARIE-CELINE ZIALOR

Mersi Mr Chair. Nou'n konmanse diskisyon avek Minis Finans avek Lazans Lenfrastriktir. E nou fer *meeting* preski to le de semen. Avek tou lalis. Sirtou bann lenfrastriktir lo nivo nasyonal kot *SIA* i donn nou bann detay e bann kou.

E nou osi tou lo a menm *meeting* regard son *maintenance*. Akoz i annan en diferans ant fer renovasyon, apre pou ou *maintain* li. Pou ou pa bezwen fer sa kantite renovasyon, ler in ariv ler pou li fer. E sa i pe ganny fer. E nou ganny bokou sipor avek Minister Finans.

Minis i vin li menm sa *meeting* avek *CEO* Jitesh. E si i annan okenn lezot detay Mr Chair, mon konnen nou en pti pe kourt lo letan. Kekfwa Ms

Nibourette i en dimoun dan mon lofis, kot nou'n donn li en pti louvraz an plis. E mon remerci li pou sa.

Tou bann travayer ki pe fer louvraz an plis, pou nou kapab aranz nou bann lenfrastriktir e i swiv zot tou le semenn, avek bann Kontrakter ensidswit, pou nou kapab fer sir ki sa bann louvraz parey ou dir i lo standar.

Vwala rezon akoz nou'n ganny retar avek *tartan track* kot Stad Linite. Akoz letan nou'n regarde in tire. Letan nou'n tire in get sa base pa'n ganny fer byen. E vwala akoz nou'n bezwen plis larzan, pou fer sir sa voyaz fer sir ki *SIA* pe dir nou fer li byen.

Fer li byen enn fwa pou tou parey avek *Palais Des Sports* nou ankor lo dezyenm faz. Pe al konmanse akoz i dir ek nou non, fer li enn fwa byen. Pour ki apre i ava kout nou mwens dan long term pou nou kapab mentenir. Mersi Mr Chair.

MR DEPUTY SPEAKER

Mersi *panel*. Onorab Labrosse.

HON RICHARD LABROSSE

Mersi Mr Speaker. Bonzour Mr Speaker. Bonzour Minis, bonzour mon bann koleg isi pezan. Bonzour bann travayer

Lasanble ek tou dimoun ki a lekout.

Minis, mon ti pe al en pti pe dan menm laliny avek Onorab Romain. Mon ti annan en kestyon ki mon ti demande isi dan Lasanble, konsernan bann fasilite sportive dan pei an zeneral.

Mon konnen parey *SPPF* i kontan fer nou mazine ki nou'n ganny bef, nou bezwen ganny li ek korn. Me parfwa osi sa bann korn osi Mr Speaker, i kout pei en bon pe larzan.

So, Minis, mon ti a kontan konnen ler nou pe koze la ki kantite travay ki'n ganny fer? E ki bann fasilite sportif ki an se moman ki nou'n vin zwenn, ki nou kapab aranze, ki lo standar la pou kapab servi? Mersi Mr Speaker.

MR SPEAKER

Panel, proceed.

DIRECTOR GENERAL GYRA NIBOURETTE

Mersi Onorab pou ou kestyon. Mersi Mr Chair. Onorab, pou le moman *NSC* i annan en bon pe lenfrastruktir ki anba renovasyon avek li. Par egzamp nou annan *tartan track*, ki tre byento *civil work* pou konmanse. Parey Minis in koz lo sa *base* li menm. So, nou

bezwen aranz sa *base before we lay the track*.

Nou annan *Palais Des Sports* ki ti koule. Nou'n fini refer son twatir. La nou pe refer *toilet* avek *changing room*. Apre lannen prosenn i pou annan son trwazyenm faz pou konmanse.

Nou annan *Tennis Courts* si letan ou pase ou pou vwar poudir in konmans fer sa grate lo la, pou remet son *level* ki devret vin lo la.

La Digue nou annan twatir ki'n fini sanze. Nou annan *dormitory* La Digue ki'n fini pe travay lo la. E i pou fini boner lannen prosenn. Nou annan kot *gymnasium* ki travay tre byento pou konmanse lo la konmansman lannen.

So nou annan en bon pe travay ki sa lannen nou'n konmans fer renovasyon lo la. E i pou kontinyen. I annan ki pou kontinyen pou 2024. Apre 2024 i annan bann nouvo proze ki pa ti antre dan Bidze 2023, ki li nou pou konmans renovasyon lo la. Mersi.

MR DEPUTY SPEAKER

Mersi *panel*. Onorab Adelaide.

HON FRANCOIS ADELAIDE

Mersi Mr Chair. Bonzour Mr Chair. Bonzour tou Manm Lasanble nasyonal e tou

dimoun ki a lekout. Dabor Minis, mon demann ou en pti leskiz akoz mwan ki ti size konversasyon bomaten. E parey mon pe dir, mon pou obzerv lord ki Mr Chairman, in donner, pou mwan kapab reponn ler in ler.

Parey proverb i dir, “poul ki kakay premye posibleman li ki’n ponn. ” Me selman nou ava kit sa ler le moman apropiye i vini. Minis, mwan mon kestyon i - mon le konnen si zot annan sa lenformasyon avek zot, konbyen larzan ki zot in depanse lo spesifikman laplenn Baie Lazare depi Zanvye ziska Desanm? Mersi.

MR DEPUTY SPEAKER

Panel, proceed.

CEO MARC ARISSOL

Mersi bokou Onorab pou ou kestyon. nou annan sa lenformasyon. Me selman i pa avek nou la. Me selman mon krwar ou okouran poudir nou’n fer en bon pe travay *maintenance* dan menm distrik kot ou detrwa fwa non? Ale mersi.

MR DEPUTY SPEAKER

Ou annan klarifikasyon?

HON FRANCOIS ADELAIDE

Wi *CEO*, be selman zis mon anvi balans travay ki mon vwar in ganny fer avek larzan. Pou mwan konnen ki mannyer nou pou kapab bouz devan pou lannen prosenn. So mon ti vremen enterese pou ganny sa. Mersi.

CEO MARC ARISSOL

Ok. Onorab, parey mon’n dir nou’n fini fer en *meeting* avek *DA*. Nou ava pas sa lenformasyon. Donn ou 3 priyorite nou ava *allocate* sak distrik avek petet konbyen larzan nou santi nou pou donner, apre nou ava fer ou konnen. Zis *liaise* avek nou lofis. Mersi.

MR DEPUTY SPEAKER

Mersi *panel*. Onorab Labonte.

HON ANDY LABONTE

Mersi Mr Chair. Bonzour Minis avek panel. Mr Chair, permet mwan pou konmanse pou mon remersye Minis, *CEO NSC*, ensi byen ki Oswald Kilindo e *PS* Jean Louis ki pa la. E osi madanm Theresa Francourt ki nou annan en bon kolaborasyon travay ansanm.

So, mon kestyon i baze lo wages and salary. Lo basic pay kot mon’n vwar I annan en logmantasyon sibstansyel -

almost 100poursan, kot i sorti 4.1 milyon pou vin 8 milyon.

An relasyon avek *program 2* kot devlopman *sport* ki Minis ti dir *CEO* pou eksplike, kot I sorti 58 milyon pou vin 27 milyon. E Mr Speaker, mon konnen letan pa dan nou faver. Me i enportan ki nou rekonnet nou bann *sportsmen*.

Mon anvi osi felisit 4 atlet ki sorti dan *African Open 2023 Brazilian Jiu Jitsu Championship*. Ki zot i sorti avek – James Carpin avek 2 meday lor; Shane Deroy Chang-Seng avek en medal lor. E Mateo Marie Annie avek en *silver*. Avek Jean Paul Labonte avek en *silver*. So, mon pou dir zot *congratulations* e kontinyen lo sa bon semen. E mersi.

MR SPEAKER

Panel, proceed avek larepons.

CEO MARC ARISSOL

Mersi Onorab pou kestryon. Onorab sa logmantasyon ki ou'n vwar R3.1 milyon in vin avek bann nouvo *recruitment* ki nou bezwen fer. Mon krwar detrwa fwa mon'n vin dan Lasanble mon'n koz lo kapasite. Nou mank kapasite.

E mon vwar mwan annan de ler pe fer en kantite *micromanagement*. Nou annan bann pos tel konman Asistan

Chief Operation Officer, System Support Manager, Direkter, Sports Science, Direkter High level, Cleaner's Corporative ki pe vin anba NSC. Nou annan apepre 15 zot. So, sa i sa logmantasyon ki ou'n vwar dan *wages and salaries*.

Par kont sa *decrease* par apepre R27 milyon ki ou'n vwar dan *goods and services*, i sa i akoz *Zwe Des Iles* ki ti la lannen pase,. Me la sa lannen nou napa en *game* lo sa lanpler kot pe pran apepre 600 dimoun. Mersi Onorab.

MR DEPUTY SPEAKER

Mersi *panel*. Onorab William.

HON WAVEN WILLIAM

Mersi Mr Chairman. Bonzour Minis avek ou delegasyon. Mr Chairman, mon ti a kontan demann Minis mon vwar ki i annan 1.5 milyon renovasyon bann lenfrastruktur. Me i pa dir ki bor si dan bann kominote ouswa santral lavil.

Mon anvi konn en pti pe zot plan vizavi renovasyon *NSC Hall* Grand Anse Mahe. Akoz mon pa vwar gran aktivite ki pe pase. E mon anvi konn en pti pe si i annan okenn larzan pou ganny depanse lo sa *NSC Hall* avek ban lezot lenfrastruktur ki tonm anba zot Departman. Mersi.

MR DEPUTY SPEAKER

Proceed panel avek larepons.

CEO MARC ARISSOL

Mersi Onorab pou ou kestyon. Onorab, i vre petet nou napa – nou bezwen prioritize bann diferan lenfrastruktir. E nou bezwen get bann ki pou fer plis lenpak. Parey *Palais Des Sports* akoz nou annan bann *upcoming games*. Par egzanp parey *CJSOI* ki pe vini, sa i pran priyorite.

Me selman *in terms of maintenance* parey mon pe dir ou, nou'n *allocate*. Nou'n dir ek bann distrik donn zot priyorite. So si sa i en konsern pou ou, nou ava gete ki kantite ki nou kapab sey vwar pou nou nou *maintain*.

E nou deza pe al travay lo en *maintenance plan*, pou tou bann distrik. E osi en *renovation plan* letan tou sa bann lenfrastruktir i fini. *Ok?* Mersi Onorab.

HON MICHEL ROUCOU

Mersi Mr Speaker. Bonzour a tous. Minis, mon kestyon i se dan le pase nou'n vwar bokou konplent. An term fason ki bann lenfrastruktir dan distrik i ganny *clean* lo kote bann netwayaz.

E nou pe gete ki provizyon zot in fer dan Bidze la, pou fer

sir ki bann lenfrastruktir bann *maintenance* lo kote *cleaning*, i ganny fer lo en nivo en pti pe pli byen. Mersi.

MR DEPUTY SPEAKER

Panel, proceed.

CEO MARC ARISSOL

Mersi Onorab pou ou kestyon. Onorab sa ti osi en pwen letan nou'n zwenn bann *DA*, sa ti premye pwen ki nou ti diskite. Kot nou pe sey vwar o nivo distrik - sirtou pou koup zerb lo laplenn - si nou kapab ganny bann kontrakter ki dan distrik zot menm, *ok?*

Parey zot konnen, i annan serten – avan sa *Local Government* ki ti responsab serten laplenn. E i fasil letan sa *DA*, akoz i sorti dan menm Minister. Me la zot bezwen *call* kot *NSC*, enformen. I vin en pe lenkonvenyans.

So ki nou nou pe sey fer pou fer sir ki i *bridge* en pe dan sa gap, *the ease* pou fer keksoz marse, nou dir annan bann kontrakter dan distrik, ki prezan sa Kontrakter nou pou swiv *procurement by the way*.

Nou ti'n mal fer li akoz nou ti'n dir bann *DA* donn nou 3 dimoun dan sak distrik. Me nou pa santi petet sa i pou anliny avek *procurement*. Nou pe dir si i annan 10 dimoun,

submit ek nou anba kot NSC prezan.

Nou pou fer sa *meeting* pou nou kapab selekte *the lowest bidder*. Si par egzanp laplenn Anse Boileau i ariv R5000 mil nou gannyen. Sa dimoun nou donn li en kontra pou en lannen.

Me selman ankor en fwa nou bezwen mazine poudir petet dan konmansman lannen, zerb i ganny koup en fwa. Ver Desanm kot i annan plis lapli, zerb i koup de fwa.

Prezan nou kapab donn li en pti kontra.

Prezan sa *DA* li, letan i bezwen koup zerb i tay kot sa dimoun kontrakter dan son distrik. Apre i enform nou *at the same time*. E sa i a fer keksoz en pti pep li fasil.

Akoz sa i en *issue* sa. Akoz tanzantan mon ganny e kantite *call*. Prezan mwan mon bezwen sey rod fason mannyer. I annan aktivite Sanmdi, Vandredi mon ganny *call*, so mon krwar sa i ava ede pou adres sa *issue*. Mersi Onorab.

MR DEPUTY SPEAKER

Onorab Loizeau?

HON NORBERT LOIZEAU

Mersi Mr Speaker. Bonzour Minis ek ou delegasyon. Mr Speaker, mon anv demann

Minis eski NSC i annan fason ki zot *generate* larzan zot? Akoz mon vwar kot *Sails Training Scheme* i annan bato ki vin aranze; ki ganny lwe avek bann endividi.

Ti menm annan bann landrwa en dimoun ti pe fer *fiber glass* lanmenm la. Bato i ganny vann. E si Minis ti kapab dir nou si zot *generate* larzan, ki petet kapab enkorpor dan Bidze.

Apre an pasan ki plan pou *Freedom Square*? Napa *changing room* sirtou pou bann *fiy* ki vin servi sa *venue*. Mersi.

MR DEPUTY SPEAKER

Panel, proceed.

CEO MARC ARISSOL

Ok, mersi bokou Onorab. Onorab lo kote *Sails Training Scheme*, parey zot konnen nou'n fek fini fer en odit. Pou nou sey regarde. E baze lo sa odit nou'n pran serten aksyon. Sa landrwa in fermen, pou nou revwar tou bann *SOPs*. Nou'n dekouver poudir i en landrwa ki'n *very poorly manage*.

I annan en kantite *non compliances*. Par egzanp i sipoze en landrwa ki nou ganny en reveni. Me selman letan napa bon rikord, napa bon fason fer keksoz, i pa'n fasil. Sanmenm sa ki nou pe re ferm

li pou nou re organize. Pou nou fer sir ki reveni I antre dan kont Gouvernman, *ok?*

Lo kote bann aktivite ki pe ganny fer la, nou konzwentman pe travay avek lotorite *enforcement* kot Lanvironnman, pou nou regarde, akoz bann dimoun ki pe fer bann aktivite la zot annan en *gentlemen agreement*. Napa en *formal agreement*.

So nou pou pran bann mezir nesaser. Selman mon pe les bann Lotorite konsernen, pou zot pran sa desizyon pou ed nou pou *clear* sa landrwa e met en pti pe lord. Mersi Onorab. Prezan mon pou pas ou avek Ms Gyra pou lot kestyon. *Ok, Minister.*

MINISTER MARIE-CELINE ZIALOR

Mersi Mr Chair. Mersi Onorab pou ou kestyon. Zis en pti keksoz mon anvi azoute konsernan sa *Sails Training Scheme*. Toultan mon vin dan Lasanble, mon vin koz lo sa kantite netwaye, sa kantite travay ki Gouvernman avan in kite avek nou dan *sports*.

Sports I pa lo son zenou li. Ou a krwar ti plat ater. E I enn parmi sa bann dezord ki nou'n vin zwenn. Ki gran mersi mon kontan I annan en Manm in felisit *CEO*. Zenn *CEO* ki'n vini.

Ki pe bezwen pran letan fer sa bann travay. Be fer, li drwat. Fer li byen avek tou lotorite konsernen ki'n fer ki nou bezwen fermen. Dapre nou'n bezwen ganny sipor finans avek menm lapolis tou, pou nou kapab fermen.

E *even* fer en bon *investigation* osi, ki bann lezot aktivite *illegal* posibleman petet, ki pe pase dan *sports*. E sa pa nou ki'n vin fer sa. Nou'n vin zwenn sa la. Me selman nou bezwen pran sa kantite letan.

Tanzantan mon ganny en loportinite Mr Chair, pou nou eksplike sa kantite louvraz ki nou bezwen pe fer. E i zis enn sa *Sails Training scheme*. I annan ankor ki nou pe bezwen travay lo la.

Zis pou enform Lasanble osi Gordon *Square*, i annan en *public private partnership* ki ti an diskisyon, pou ki en dimoun i vini i fer parey ou pe dir son plan i ti annan pou li osi tou fer en *changing room* pou tou le de. Fiy avek garson.

E dan Bidze pou sa lannen nou pa'n mete. Me si sa partenarya i annan en pe mon mazin en travay ladministrasyon lo kote sa dimoun. Pou travay avek li, pou li fer pou nou kapab posibleman. Me si non nou ava regarde ki mannyer nou nou

ava fer alokasyon dan Bidze pou nou. Akoz nou konnen poudir i en konsern. Mersi Mr Chair.

MR DEPUTY SPEAKER

Onorab Samynadin.

HON KELLY SAMYNADIN

Mersi Mr Chair. Minis, mon kestyon i pa lo lenfrastriktir. Mon vwar en *allowance* dan *subprogram 2 - regional sports development*. Mon vwar i annan sa *allowance for part time lecture* ki'n sorti 36 mil an 2023 in ariv 200 mil pou 2024.

Eski nou kapab ganny en pti leksplikasyon lo sa logmantasyon silvouple? Mersi.

MR DEPUTY SPEAKER

Panel, proceed.

CEO MARC ARISSOL

Mersi Onorab. Onorab, sa ki ou'n vwar la konman *part time lecture* nou'n met – sa i ganny mete pou de keksoz. Pou bann *training* ki nou fer.

Nou pe egzaktaman la *empower* bann federasyon, *ok*, pou zot kapab debout en pti pep li for. Akoz nou fasiliter nou. Nou pa fer *sport*, me selman nou bezwen siport bann federasyon.

E parey ou kapab vwar i annan enn de pti *issue* parfwa

lo *leadership*. Lo petet mannyer nou pe ankouraz zot osi pou zot fer bann proze. Pa depan lo sa larzan sa *grant* ki Gouvernman. Akoz nou bezwen donn zot bann *training*.

So sa in ganny mete pou la, pou sa *purpose*. Nou annan osi en lot *training* ki nou pe *plan* fer, pou bann dimoun ki fer bann legzersis dan distrik. Sa i tonm anba *community sport*.

So sa nou pe travay osi avek *UNISEY*. Pou fer sir ki sa bann pti aktivite, par egzanz bann dimoun ki fer legzersis la i ganny fer byen e i ganny akredite par *SQA*. Mersi Onorab.

MR DEPUTY SPEAKER

Onorab Naidoo?

HON SATHYA NAIDOO

Bonzour Mr Chair. Bonzour Minis ek ou delegasyon. Zisteman an relasyon avek bann federasyon, ki rol *NSC* pou kapab asire ki bann federasyon i ganny met in *check*, pou fer sir ki zot delivre ver zot manda?

Nou vwar - mon kapab sit en federasyon ki a mon avi mon santi ki sa *Chairperson* pe fer e bon travay. Par legzanp *Tennis*. Nou vwar sa madanm pe pouse pou ki tennis i annan bann lavansman.

Nou'n vwar lo kote *weightlifting* tou resaman in annan en desizyon administrative. Me i annan pa mal federasyon, ki pa pep ran zot responsabilite. E an retour zot pe negliz bann sportsman, bann atlet ki tonm dan sa disiplin sportiv.

E apre piblik an zeneral ki pa realize poudir sak federasyon i annan son responsabilite. I tant pou met blanm lo Minis ek *CEO*. Alors *going forward*, ki mannyer eski nou kapab asire ki tou bann federasyon i *deliver* ver zot manda? Mersi.

MR DEPUTY SPEAKER

Panel, proceed.

CEO MARC ARISSOL

Onorab, mersi pou kestyon. Mon krwar nou tou nou konsernen lo la. Akoz mon'n asiz en kantite – parfwa mon tann en bann konplent avek bann atlet. Ki nou pe fer? *NSC* li menm li i pa kapab mel an okenn federasyon.

Se letan i annan konplent par egzantp bann atlet i vini, zot al kot *Youth Department*, kot zot fer zot konplent. Me ankor en fwa, nou pe travay osi avek bann atlet ki parfwa dan zot Konstitisyon si keksoz pa pe mars byen, zot annan zot drwa

zot. Pou fer en *vote of no confidence* lo sa *Chairman*. *Ok?*

Me sa bann atlet pa pe ganny *empower*. Zot pa konnen. Zot pa konpran. So nou pe targete lannen prosenn, nou bezwen fer en sesyon osi avek bann atlet. Pou zot konnen ki zot pozisyon.

Ki *power* zot annan dan zot federasyon. Akoz nou pa kapab toultan nou vwar en dimoun in la *for so long, ok* e zot kontinyen krwar poudir personn pa kapab dir zot nanryen. *Ok?*

Mon pa pe target okenn federasyon. Mon pe koz laverite. I annan federasyon osi kot zot fer sport vin politik. Zot fer keksoz pa marse, ki apre Gouvernman i ganny blanmen.

Mon konn detrwa, me selman i annan en bon pe federasyon ki pe fer en tre bon louvraz ki mon felisit zot. Mersi Mr Chair.

MR DEPUTY SPEAKER

Mersi *panel*. Bon, dan sa dernyen 25 minit i annan 11 *MNAs* ki'n demann kestyon. I reste ankor 4 *MNA* lo lalis. Eski mon ganny Lagreman Lasanble ki mon *push* letan en pti gin, so nou manz dan pou *SNYC*, so ki sa 4 *MNAs* a kapab ganny sans demann zot kestyon. Eski mon ganny Lagreman Lasanble pou

sa? *Ok very good.* Mon ava kriy Onorab Hoareau.

HON JOHN HOAREAU

Mersi Mr Chair. Mr Chair, mwan mon kestyon i baze en pti pe lo *weaknesses* ki Minis in mete dan Bidze, pou *financial management* lo kote bann federasyon. An se moman par egzant kot Lasosyasyon Naze, i annan en pe problem, kot bann pti klib i santi ki sa larzan ki zot gannyen konman *grant* pou bann federasyon pa pe dekoul direktman kot bann zenn manmay ki pe aprann naze pou ganny sa nouvo zenerasyon nazer pli tar.

So an di-z-an sa ki NSC pe fer pou *build up capacity* lo sa kote, pou fer sit ki sa bann federasyon i annan serten *guide lines* ki zot *abide to*. E osi larzan i ganny *triple down* ziska kot i merite. Mersi.

MR DEPUTY SPEAKER

Panel, proceed.

CEO MARC ARISSOL

Mersi bokou Onorab. Onorab, parey mon'n dir oparavan, NSC menm si nou pe met bann mezir. Nou'n travay avek *public account management* pou nou konmans met bann mezir en pti pe strik. Ki letan nou donn sa

bann federasyon *grant they are accountable*.

Akoz nou'n vwar i annan en mank *accountability*. Larzan parfwa pa ganny *spend* dan sa *area* ki sipoze. I ganny fer dan lezot keksoz.

E sa ki enteresan parfwa mon tann bann dimoun ki lo Komite Egzekitiv dan en komite ki *call* mwan ki dir mwan ki pe pase. Ou konpran? Ki fer mwan en pti pe *worried* aköz larzan *taxpayers' money* pe ganny servi, i bezwen ganny servi *accordingly*. Pa dan lezot keksoz.

Me ankor enn fwa la se - mon pa pe *pass the buck*, me se nou parey nou pe fer nou *empowerment* - nou'n koz lo bann *vote of no confidence*. Pou zot kapab *deal* ek zot bann dimoun. Me se lotorite ki *deal* ek sa. Se *Registrar*. Kot zot al anrezistre e zot ki kapab deklar sa federasyon *noncompliance*.

E ki la i a bezwen annan en *dissolve of* sa federasyon e en lot i ava ganny fer. Se *Registrar* ki pou responsab sa. Sinon pa NSC, aköz nou pa enterfer dan federasyon. Mon a pas en pti kou ek Minis pou fer en pti adisyon.

MINISTER MARIE-CELINE ZIALOR

Mersi Mr Chair. Mersi Onorab, pou kestyon. zis en pti azoute ki mon anvi azoute se ki, nou fer – nou pa enterfer me selman nou - parey Angle - nou *intervene*. Nou fer. Akoz nou kontan la ki bokou bann atlet bann lezot dimoun dan kominote, i annan en kantite konfyans la kot *NSC*. Zot vini ler zot alert nou nou bezwen fer li formal. Zot bezwen ekrir en let formelman.

E nou regarde ki mannyer nou kapab fer negosyasyon avek bann lasosyasyon osi. Nou'n fer en kantite. Pa mal. Ou war en kantite keksoz arive kekfwa dimoun pa konnen. Se nou kot *NSC* sirtou la avek nou nouvo *CEO*, ki'n fer pa mal negosyasyon ant atlet; ant bann diferan Komite Egzekitiv.

Me selman kantmenm nou ganny kritike, pou dir nou pe enterfer. ler in ler pou enterfer nou bezwen enterfer. Mersi Mr Chair.

MR DEPUTY SPEAKER

Mon ava envit Onorab Monthy.

HON RICHARD MONTHY

Mersi Mr Chair. Bonzour Minis. En pti mo lankourazman pou *CEO*. Mon konnen ki sa louvraz pa fasil ou'n pran en lorganizasyon avek bokou *challenges*.

Zis donn nou en pe leksplikasyon lo ler bann atlet i al pran par dan bann konpetisyon deor, kote sa finansman i vini? Eski tou sa finansman i sorti direk kot *NSC*?

Oubyen I annan bann lezot form finansman ki zot kapab *tap into* pou zot gannyen? E ki *NSC* pe fer, pou fer sir ki sa i ganny fer dan latransparans ki napa manboulouk dan sa bann tranzaksyon koumsa ki deroule? Mersi.

MR DEPUTY SPEAKER

Onorab, mersi pou kestyon. I tou depan. Parfwa ler zot al lo bann *training camps* si par egzanp la par egzanp pou *Zwe Des Iles* ki fek pase, se Gouvernan i *fund* sa. Me selman zot osi annan en kantite *sponsorship* ki zot kapab gannyen. La avek sa lentrodiksyon *charity certificate*.

So, i pe ede ki *at least* bann federasyon zot kapab pa depan antyerman lo Gouvernman. Zot osi ganny lezot lasistans. Mon'n koz lo *public accounts management*, nou pou bezwen, mon santi.

Akoz letan mon'n vini mon'n demann en kantite kestyon. Letan larzan i ganny

donnen ek en federasyon, mon bezwen konnen ki pe ganny fer ek sa larzan. Me mon ganny dir petet ek bann staf entern pou dir non, non ler nou donnen nou donn zot nou.

Be mwan mon pa tonm dakor ki *taxpayers' money* i zis ganny donnen. E sanmenm sa ki nou pou bezwen konmans revwar. Akoz i annan lezot landrwa kot larzan donnen, mon pa pou al an detay. Me serten federasyon pa pran li. Akoz petet laba zot fason i vremen strik pou ou kapab servi sa larzan. Nivo *accountability* i o.

Savedir nou bezwen revwar nivo *accountability* osi kot NSC. E sanmenm sa ki nou pe travay avek *public accounts*, pou fer sir ki *every penny, every cent* nou kapab *account for* letan nou donn en federasyon. Mersi.

MR DEPUTY SPEAKER

Mon ava envit Onorab Woodcock.

HON WAVEL WOODCOCK

Mersi Mr Chair. Bonzour Minis ek CEO e tou manm delegasyon. Mon keston i – pou konmanse mon le konnen ki kantite travay pe ganny fer par NSC lo plizyer bann fasilite sirtou lo Mahe.

Me mon konsern i plizoumwon lo Praslin. Praslin i prodwi bokou atlet. Bann bon atlet. E pou bokou lannen bann fasilite menm bann atlet ou kapab dir in ganny en pe neglize. E bokou bann fasilite lo Praslin i vremen dan bann move, move leta.

E nou'n fer plizyer visit avek Minis ek CEO Praslin. Me mon bezwen dir, mon en pti pe dezapwente ler mon get dan Bidze 2024, mon pa vwar okenn Bidze pou okenn renovasyon lo okenn fasilite.

Tou bann – ler mon pe get dan Bidze mon vwar dan bann fasilite an 2025. Lo *sailing office* 1 milyon, lo Stad Amitie ki vremen bezwen serten travay lo la i pou 2025.

E bann proze ki mon pe vwar Minis, *Palais Des Sports* i pou 2026. *Combat Sport Complex* i pou *Judo* avek *Karate* i pou ankor 6.5 milyon pou 2026.

So, mon santi ki napa ase lanfaz ki pe ganny mete lo bann fasilite *sport* lo Praslin. Petet i annan sa 10 milyon pou lenfrastruktir *sport infrastructure*, petet si zot kapab konsider *at least* serten travay lo enn de bann fasilite ki pli bezwen. Mersi bokou.

MR DEPUTY SPEAKER

Panel, larepons.

MINISTER MARIE-CELINE ZIALOR

Mersi Mr Chair. Mersi Onorab pou ou konsern. Nou partaz menm konsern avek ou. se pou sa rezon letan nou ti submit Bidze i ti 2024 li. Sirtou kot sa *sailing training centre*.

E nou'n ganny en lasirans avek Mr Commettant pou nou kapab re organize pou nou kapab 2024, Mr Chair, mon anvì dir avek Onorab, nou pou mete lenfrastriktir. Sirtou kot sa *sailing* la, pou nou re organiz priyorite. Re priyoritize ki definitivman nou fer lo Praslin.

E nou pe get dan posibilite osi pou konmans premye faz sa *multi purpose* osi ki nou'n vizite lo Praslin. Nou pa pou kit Praslin deryer Mr Chair. Mersi.

MR DEPUTY SPEAKER

Dernyen entervenans lo sa *heading*. Onorab Arissol.

HON SANDY ARISSOL

Mersi Mr Speaker pou akord nou sa dernyen pti letan ki reste, pou nou kapab adres bann size. Mon anvì fer kler poudir lo kote *LDS Caucus*, nou tou nou la pou nou vot lo saler, *allowance*, gratwite, trezyenm mwan saler tou bann travayer kot *NSC*. Pou nou fer ki lannen

prosenn zot garanti en saler konman bann travayer. E nou pe fer sa dan labsans bann Manm parti *US*.

Mon anvì felisit Minis pou tenir pa large lo ou desizyon an relasyon avek rezilta dopaz ki antre. E in aport fri. E pou sa Minis felisitasyon!

Menm sa bann kritik lo ou *PNQ* ki ti ganny anmennen mon siport ou lo la. Parske sete sa ki ou ti pe ekspekte an retour, letan ou'n serye dan ou lapros.

Dezyenman, mon anvì felisit *CEO* pou travay ki ou pe fer. Sa netwayaz ki annan kot *NSC*, sirtou laba lot kote kot mon'n tan Onorab Loizeau pe dir. Ki ti enportan parske mwan osi ler mon ti fer mon pti legzersis laba, mon ti vwar enn de keksoz drol. Felisitasyon.

Pou annan kritik. Pou annan menas. Me pa pran sa serye. Kontiny ou travay parske se sa ki nou anvì dan *LDS*, bann keksoz konkret an relasyon avek nou pei.

Mon senp pti kestyon Mr Chair, se an relasyon avek bann benefis ki bann atlet i gannyen. Par egzanp mon'n aprann poudir i annan en *childminding* ki mon'n tann koz lo la dan Lasanble.

Mon'n tann en lot lo *loss of earning*. Bann ki ganny *High Level*. Eski sa bann peyman ki

ganny fer kot NSC, i annan en Polisi ki atase avek? Oubyen zis bann peyman ki pe ganny fer baze lo, akoz i ti abitye gannyen alor nou kontinyen donnen? Mersi bokou.

MR DEPUTY SPEAKER

Panel, larepons?

CEO MARC ARISSOL

Mersi Onorab. Parey mon'n toultan dir letan mon'n antre mon pa'n ganny okenn Polisi *at hand*. Me selman i annan serten Polisi parey pou *High Level* si sa dimoun ki responsab sa Departman, li i ti annan kopi mon'n nabou gannyen.

Me lo kote *childminding*, i ti for lo bann direktiv ki'n ganny donnen oparavan. E pou nou fer peyman prezan nou ti bezwen.

Sanmenm sa ou vwar sa bann retar. Enn se ki bann dimoun letan in anvoy sa laplikasyon pa ti annord. Savedir parey mon'n eksplike pa tro lontan, se ki letan nou'n ganny bann laplikasyon.

Annou get par egzanp en dimoun ki pe ganny peye *loss of earning*. E normalman *loss of earning* zot pey R500 par zour. E pou en dimoun kapab zistifye poudir i *self-employed*. Pou nou kapab pey ou ou bezwen annan ou *TIN number*. Ou bezwen

anna ou *license registration*, SRC - ou *letter* ki zistifye poudir ou annan en biznes.

Me i annan en kantite dimoun – bann atlet ki'n anvoy zot *request* akoz zot pe ganny peye zis koumsa menm. E sa i ti bokou. I ti bokou kantite ki ti arive kot mon lofis. E mon'n bezwen fer tournen. Akoz mon pa kapab zis pran *taxpayers' money* donn *left right and center*. Sa i pa akseptab.

Menm si mon'n ganny en kantite kritike mon kontan parski mon pe fer en keksoz ki byen. Mersi.

(APPLAUSE)

MR DEPUTY SPEAKER

Mersi.

MINISTER MARIE-CELINE ZIALOR

Mr Chair, si ou permet mon ti ava azoute akoz Onorab in demann lo Polisi. E se sa ki CEO in bezwen fer. In bezwen asize prezan rod konsiltan tou. Rod bann dimoun pou ekrir Polisi. E se sa ki mon ti pe dir dernyen fwa, mon ti vin devan Lasanble lo travay administrasyon.

Akoz osi ti annan bann atlet ki ti'n merite dan lepase, ki pa'n zanmen gannyen akoz ti napa. Nou'n rode kot NSC napa

rikord. La nou kapab montre zot tou rikord. Tou limero idantite, tou dimoun. E konbyen in gannyen.

Avan sa, non, mon krwar ti zafer politik mon kontan ou. Mon pa kontan ou. E ganny servi pou ser serten dimoun, ouswa pou donn serten dimoun. Vwala ki nou ti pe eksplike, nou fer li drwat pour ki tou dimoun ki merite i annan en Polisi. Nou bezwen ed nou bann dimoun ki dan lekip nasyonal ki sakrifye.

Akoz *sport* Sesel, pa ankor ariv lo en nivo profesyonnel pou ganny peye. Savedir ou bezwen sa sipor. I en sipor ki nou fer pou nou donn bann atlet. Nou fer sir ki tou dimoun ki merite. Akoz si ou pa fer li koumsa bann ki merite i ganny kit deryer li. I pa gannyen.

E bann ki abitye ganny anba latab nenport ki fason, wi, e se sa ki nou ganny kritike. Be mersi bokou pou zot sipor *Caucus LDS*, nou vreman apresye pou ed nou dan sa traze ki nou pe fer, pou nou fer sa.

E mon ti a kontan pou dir tou Mr Chair, ki mon krwar sa latmosfer politik avek *sport* nou kot nou lofis kot *CEO* osi. E nou ganny bokou dimoun ki la pe vin donn sipor en kantite. Lokal, pareyman ki

enternasyonal ki anvi devlop kapasite.

E avek sa Bidze la sirtou avek Finans, ki pe ed nou. E *Cabinet* e Prezidan ki donn bokou bokou sipor *sports* dan pei. Nou, nou napa okenn dout poudir la nou bouz ver lavan avek sa. Mersi Mr Chair.

MR DEPUTY SPEAKER

Mersi bokou panel. E zis pou mwan enform Lasanble dan sa dernyen 36 minit, 36 minit nou'n demann nou 16 kestyon. E *on average* 1 kestyon e larepons 2 minit 40 segonn. Mwan mon anvi konman *presiding office* la felisit *Caucus* parski sa kalite konsantrasyon.

(APPLAUSE)

MR DEPUTY SPEAKER

E latansyon lo travay ki nou merit pe fer dan sa *Committee Stage* dan Lasanble. E pou nou kapab *turn up in the morning and be productive* lo lapar nou bann *constituents* dan nou rol *oversight*, e nou rol reprezantasyon.

Donk, ler in arive prezan pou nou pran en vot lo *National Sports Council* ki son Bidze i trouve lo paz 242 a 247 pou en sonm 117 milyon R414 mil. Mon ti ava demann tou Manm ki an faver pou endike

silvouple? Mersi. Okenn Manm ki kont? Mersi. Vot lo *National Sport Council* pou en sonm 117 milyon R414 mil, i annan 20 Manm ki'n vot an faver. Napa Manm ki'n *abstain*. Napa Manm ki kont. Baze lo la kantite Manm ki prezan dan Lasanble Nasyonal e sa i zis *Caucus LDS* sa vot in pase par inanimite.

I reste mwan pou mwan remerci panel ki'n zwenn Minis pou Lazenés Sport e Lafanmir Madanm Marie-Celine Zialor. Sa ti konpri *CEO NSC* Mr Marc Arissol, Mrs Gyra Nibourette ki *Director General Strategic and Human Resource* e osi *Financial Controller* dan Minister Lazenés Sport e Lafanmir Mrs Patricia Ciseau pou zot partisipasyon.

Bann ki pe kit nou mon ava swet zot bonn kontinyasyon. Mon ava demann *parliamentary reporter* pou apel lot delegasyon. E sa i sorti kot *Seychelles National Youth Council*.

SEYCHELLES NATIONAL YOUTH COUNCIL

MR DEPUTY SPEAKER

Mon ava dir bonzour e *welcome* panel sorti *SNYC Seychelles National Youth Council* ki fek zwenn nou. Zwenn Minis Zialor lo *head table* ansanm avek Mr

Commettant. Sa i *Chief Executive Officer SNYC* Mr Albert Duncan e Mrs Patricia Ciseau ki avan i ti lo *side table* aprezan i zwenn nou devan.

I *Financial Controller* dan Minister Lazenés Sport e Lafanmir. E sa enn sesyon i pe ale ziska 11er. Donk nou *breaktime* i sanze. Nou ava envit Minis pou lentrodiksyon e nou ava pran bann lentervansyon zis apre sa. *Proceed Minister*.

MINISTER MARIE-CELINE ZIALOR

Mersi Mr Chair. Briyevman mandan Konsey Nasyonal pou bann zenn son manda i konm swivan;

1. Pou sofgard byennet bann zenn Seselwa.
2. Pou fasilite e promouvwar devlopman bann zenn atraver ledikasyon. Program prevansyon e sansibilizasyon.
3. Pou anmenn laspirasyon bann zenn lo nivo nasyonal e enternasyonal. E pou zwe en rol kle, pou asire ki tou zenn i annan loportinite pou epanouir.

SNYC i pa en Lazans Mr Chair, ki zis fer aktivite lwazir pou bann zenn. Me i responsab pou ki tou size ki annan lenportans

nasyonal, i ariv kot nou bann zenn. Pou ki zot ava kapab fer zot kontribisyon pozitiv pou zot pei. Se rezon akoz sa kanpanny *hashtag # POZITIVITE TOULEZOUR* in konmanse. E mon ti a akontan remersye e felisit tou bann Manm *Caucus LDS* ki'n pran par dan sa kanpanny.

Bidze ki nou pe demann Lasanble pou aprouve Mr Chair, pou *SNYC* i ariv en total 22.366 milyon, ki reprezant en logmantasyon 7poursan ki mon krwar i ase konsiderab. Ouswa 1.156 milyon konpare avek lannen pase. E avek sa mon ava konklir mon lentrodiksyon. Mersi Mr Chair.

MR DEPUTY SPEAKER

Mersi *Minister*. *SNYC* son Bidze i lo paz 135 a 241. Mon ava envit Onorab Naddy Zialor pou ou kestyon.

HON NADDY ZIALOR

Mersi Mr Chair. Bonzour Minis. Bonzour *CEO* ek ou lekip ki lo *panel*. An premye lye, permet mwan felisit *SNYC* pou sa nouvo dinamizm ki zot pe anmennen dan Konsey. E konman en manm *MYCC* zot konn tre byen ki nou travay etrwat kolaborasyon.

Having said that, mon pe regard dan zot *current*

challenges dan *budget book*. Zot in fer resorti ki zot depan bokou lo *Local Government*, pou ki sa *Scheme animators* i kapab ganny met an aplikasyon lo nivo kominoter. Pou ki bann program e proze i tous zenn direkteman.

So, mon kestyon baze lo sa Bidze ki zot annan. E baze ankor enn zot *major achievement* pou annan *young animators*, ki fason zot konman *SNYC* zot kapab senkroniz sa de keksoz, pou *overcome* sa defi ki zot pe rankontre lo nivo kominoter? Mersi.

MR DEPUTY SPEAKER

Panel, proceed.

CEO ALBERT DUNCAN

Bonzour Mr Chair. Bonzour tou Onorab. Onorab, mersi bokou pou ou kestyon. Wi sa in vremen en *challenge* an term nou bann klib lenter. So nou enn nou bann stratezi, se pou devlop bann klib lenter lo nivo distrik. Lo nivo rezyonnal.

So en kontrent nou ti pe gannyen, lo konmansman lannen ziska la, nou'n kapab devlop apepre 32 klib lenter.

Me selman sa ti pe ganny siporte atraver sa *Animators Scheme* parey ou'n nonmen. Be ler ti annan en *hold* lo la, mon krwar akoz kantite laplikasyon

ki zot ti pe gannyen, sa in met en pe retar avek nou bann klib lentere.

So dan Bidze ki la, nou'n vremen met bokou lanfaz lo met resours dan program, dan aktivite ki pou pous sa bann klib lentere.

Parey ou ti pe gete dan *new spending*, i annan en Bidze pou sa bann fasilitater. Sirtou pou *drive* bann program dan bann *YSB*, dan bann *youth hub*. Osi dan *program 2* i annan en lot Bidze, mon krwar apepre R200 mil. Sa i pou bann *consultancy fees*. Pou travay avek bann lezot fasilitater, ki vremen spesifik dan bann program lazenes.

Zis pou donn ou en legzanp, parey anba nou bann program pou lar, nou pe travay avek Tania ki ti en artis ki'n retournen. An term *drama* Curt Lagrenade.

So bann dimoun ki spesyalize, ki kapab vremen ganny langazman sa bann zenn. Nou annan sa bann Bidze pou angaz zot. E pou *drive* sa bann klib lentere, e pou *drive* sa bann program.

E menm ou pou vwar dan nou Bidze *consumables* osi. Sa in monte pou nou kapab siport la kantite lazenes ki nou ekspekte angaze dan sa bann klib lentere tou. Mersi.

MR DEPUTY SPEAKER

Mon aprezan kriy Onorab Bastienne.

HON DESHIELA BASTIENNE

Mersi Mr Chair. Bonzour Mr Chair. Bonzour Minis ek ou delegasyon. Minis, mwan mon ti a kontan demann en kestyon lo kote Perseverance. Vi ki dan Perseverance nou napa en fasilite. Malgre tou sa zefor ki nou'n seye.

E i annan sa *building* ki'n fermen pou en bon pe letan ki nou ti fer en konversasyon lo la ek *CEO*. Pa bokou letan pase ansanm ek *DA*. Nou ti a kontan konnen ki kantite letan ankor ki pou pran, pou zot kapab fer en travay lo sa *building*?

Akoz dan Perseverance bokou zenn pe vin devan *actually*. Ki zot annan serten talan. Zot ti a kontan partaz avek zot bann lezot koleg zenn. E zot pe rod en landrwa apropiye pou zot fer en serten keksoz.

Alor mon ti a demann zot kan ki nou ekspekte ki sa *building* omwen keksoz a konmans fer lo la silvouple. Mersi.

MR DEPUTY SPEAKER

Panel, proceed.

CEO ALBERT DUNCAN

Mersi Onorab pou kestyon. Dernyen konversasyon ki nou ti annan avek *DA*, mon krwar ti annan serten lekipman anba sa proze konsil, an term *computer*. Me selman nou ti'n fini devlop sa *MOU*. Mon krwar ti annan serten travay *maintenance* tou ki bezwen ganny fer.

An term parey pou met *aircon* ler nou pe met bann lekipman *IT*. Me selman nou'n deza devlop bann program ki nou anvi fer laba.

So, mon krwar petet sa i en keksoz ki nou ansanm avek *DA*, nou kapab *touch base*. Pou zis fer sir ki nou konn lekel ki pe fer kwa.

Akoz mon krwar dapre konpran, dapre nou dernyen konversasyon, se ki nou ti pou vin *run* program dan sa bann *building*. Me selman lo kote *maintenance* ti pou tonm plito lo *Local Government*. Me selman nou kapab re gete re diskite. Mersi.

MR DEPUTY SPEAKER

Onorab William.

HON WAVEN WILLIAM

Mersi Mr Chairman. Mon anvi demann avek *CEO* Lazenés, mon anvi sey konpran en pti pe. Akoz Grand Anse Mahe, mwan mon pa vwar *the youth worker*.

So, mon anvi konnen eski *youth worker* i lo nivo rezyonnal? Eski i annan en zour ki i dan distrik?

E dezyenmman, letan mon pe regard manda ki zot annan, eski i annan en legzersis ki'n ganny fer, pou idantifye bann diferan groupman zenn dan distrik? Avek zot bann swe, pou kapab vreman konpran e fer en program? An menm tan, met an plas en komite lazénés ansanm avek Lotorite distrik. Mersi.

MR DEPUTY SPEAKER

Panel, proceed.

CEO ALBERT DUNCAN

Mersi Onorab pou kestyon. E sa I en keksoz ki pa zis dan Grand Anse ki mon'n observe depi konmansman lannen. Se pou sa ki an Out, nou ti fer e *workshop* avek *Local Government* avek *SNYC*, pou eksplik byen manda *SNYC*.

Apré sa nou'n zwenn preski tou bann diferan *MNA*, diferan *DA*. E nou'n devlop en *action plan* pou sak distrik baze lo spesifisite, demografi avek *profile* lazénés.

Petet avek Grand Anse nou pa'n ganny ase sa sans pou asize pou zwenn. Be selman nou'n devlop en plandaksyon pou Grand Anse. E sa i dan

lanmen *DA*, kot li prezan i asize i met son *input* ladan, avan nou finalize. Me zisteman bann stratezi i pou fer bann program *outreach* kot nou al dan kominote. Nou angaz ek sa bann zenn.

Gete ki lentere zot annan. Kwa ki zot anvi fe, r enkli zot osi dan nou program nasyonal. Akoz nou bezwen ganny en poursantaz zenn dan sak distrik, ki pe partisip dan nou program nasyonal.

So i annan en plan lo nivo distrik. Lo nivo rezyonal tou. E sa i en plan 6 mwan, ki nou pou *review* ansanm apre 6 mwan. Ki nou kapab mezire e aziste sifo. Mersi.

MR S DEPUTY PEAKER

Ou annan klarifikasyon?

MINISTER MARIE-CELINE ZIALOR

Mr Chair, si ou permet, mon ti ava kontan zis – akoz mon'n dir sa dan mon lentrodiksyon pou met en pti git plis lanfaz, lo sa ki Onorab Grand Anse Mahe pe koz lo la.

Ou konnen i annan konfizyon. I annan en kantite konfizyon lo manda *SNYC*, depi ler nou nou'n vini. E nou pa kapab kontinyen avek en keksoz ki ti pou en sistenm oparavan. E ki petet i pa adres

- i pa adres vre devlopman e lepanouisman zenn Seselwa.

SNYC i en *Council*. Mon'n eksplike. I pa en lazans dan bann kominote pou organiz aktivite, sirtou dan lepase pou aktivite politik. Nou depolitiz li e nou anvi ki li osi - par egzanp i annan bann group, bann zenn profesyonnel ki dan bann diferan kominote nou'n fer en pti resers pou rode oli zot. Pou donn zot platform pou zot.

Zot ki bezwen pran kontrol e organiz nenport ki platform - nenport ki aktivite dan zot bann kominote, dan zot bann rezyon. Ki i pa en zafer ki sa i dekole, i sorti zis Gouvernman.

E Gouvernman li ki annan lotonomi, lo kwa ki i fer avek tou sa bann diferan distrik. E sansan i vin en zafer *one-way street*. Nou nou anvi ki avek lepanouisman bann zenn avek en kote lanmen, ou pe dir ek zot vin bann *leaders*. Vin epanouir.

Lot kote lanmen nou pa kapab zis kontrole, ouswa pa donn zot sa sans Mr Chair pou zot fer sa. Nou nou ankouraze. I annan en kantite ki vin devan tou; bann diferan regroupman pou bann zenn pou zot menm zot pou zot kapab vin devan. E vin donn lanmen pou zot rod zot bann klib lentere parey *CEO* in dir.

E lezot size akoz *SNYC* i annan en rol enportan, ki in ganny negligize pandan en kantite lannen li. I annan en kantite bann size nasyonal, ki si nou anvi sanz sa zenerasyon par egzanp la lo prevansyon, lo sa bann *social ill*; prevansyon lo nivo vyolans dan nou pei, i sa bann responsabilite nasyonal ki i pou bezwen pou en pe letan pou nou kapab al fer.

E nou'n negligiz en group profesyonnel ki 18 an ziska 30 an ki'n ganny negligize en kantite avek *SNYC*. E nou'n fer pa mal aktivite ansanm avek Departman *Youth and Sport*. Sirtou sa lannen pou rod zot.

E mon kontan i annan enn mon'n *attend*. Lasal ti plen e zot in vin ek pa mal bann lide zot menm. Pou zot ale.

Me nou bezwen donn zot en pti pe plis bagaz avek en pti pe plis platform e sipor, pou zot kapab zot menm ale e vin bann *leaders* dan zot bann distrik.

E nou travay Mr Chair, i kontinyen 2024 avek sa Bidze. Mersi.

MR DEPUTY SPEAKER

Onorab, ti pe rod osi son *youth worker* kan i dan son distrik?

CEO ALBERT DUNCAN

Wi, zisteman dan sa plan ki nou'n devlope avek *DA*, i annan

en *schedule*. Nou napa en *youth worker* pou sak distrik.

Selman i annan en *schedule* avek son dat dan sa *action plan* ki *at least* de fwa dan en mwan - 4 fwa dan en mwan. E si i annan bann programm oubyen bann aktivite spesifik, zot kapab zwenn pli souvan.

MR DEPUTY SPEAKER

Ou annan klarifikasyon?

HON WAVEN WILLIAM

Mersi Mr Chairman. Mon pa ti'n ganny sans met mon klarifikasyon. Mon anvi konnen avek *panel* kan ki sa programm ti ganny devlope avek kominote Grand Anse Mahe? Akoz *I am not aware of it*.

E mon konnen poudir zot ti pou *set up* en *meeting*. Be *meeting* pa'n kapab *set up*. Akoz ki arive se ki mwan mon konsernen akoz, *I am so* mon kapab dir enterese avek devlopman bann zenn. Mon pa pe vwar keksoz. Mon bezwen bous trou parfwa.

So, mon anvi konnen poudir si mon pe vot Bidze pou pey en dimoun pou *run* bann programm, e enn petet eksplik Lasanble ki vreman rol sa *regional youth worker*. Akoz si nou pa konn rol kanmarad, nou kapab mal enterpret keksoz

petet blanmen. Kan nou pa devret pe blanmen.

So, i bon nou konnen poudir egzakteman, si i annan en *youth worker* dan la rezyon *what is his or her role?* Ou konpran?

Letan nou'n konpran sa nou ava pli kapab travay ansanm. Akoz mwan si mon konpran mon rol mon pa konpran lot rol, nou kapab pe mont lo lipye kanmarad.

So *once* ki mon konnen, akoz ler mon pe vot lo en Bidze, sa dimoun pe ganny peye en saler mon ekspekte ki i delivre. Mon pa bezwen al rod li avek lanmes goni, kan i annan bann zenn la ater ki nou anvi okipe. Mersi.

MR DEPUTY SPEAKER

Panel, zot annan leksplikasyon?

CEO ALBERT DUNCAN

Ok, wi. Parey mon'n dir nou'n zwenn dan 26 distrik apepre 19-20. I domaz nou pa ankor kapab zwenn. Me selman dan labsans sa *meeting*, nou'n devlop keksoz touzour pou zot kapab regarde. Mon mazine nou kapab asize apre pou nou diskite lo la.

Be selman sa *program officer* li son rol, i pou angaz lazennes. Ok, i vin parey en

fasilitater. I vin parey en *bridge* dan kominote avek *Council*. Avek kot *Council* nou vin sa *bridge* avek Gouvernman.

So, i la pou asiste tou. Bann program ki nou annan. Be selman li i spesyalize dan lazennes *or anything* ki annan pou fer ek lazennes, i sipoze la, pou donn son sipor.

Wi, nou annan kapasite resours bann defi. Be selman i en keksoz osi ki nou'n enkli dan Bidze, pou *build up* lo kapasite. Pou donn zot sa bann *skills*, sa bann *tools* ki kapab fer zot travay pli efikas.

So, mon *look forward* pou nou kapab zwenn, pou nou pas lo sa plan ansanm byen an detay. Mersi bokou.

MINISTER MARIE-CELINE ZIALOR

Mr Chair, si ou permet, mon ti a kontan profit loportinite pou mwan lans en lapel avek nou bann zenn Seselwa. Nou bann zenn ki annan kapasite ki annan parey Onorab William, ki annan en leker pou son bann koleg zenn.

Pou zot pa esper *SNYC* tou. Pou zot i vin devan dan bann distrik. Kot zot bann *DAs*. Ouswa kot *SNYC*. Zot annan bann program zot anvi fer dan zot distrik, lo baz kominote. Vini nou pou siporte.

Nou nou anvi ki zenn la i pa zis asize aprann *leadership*. I fer bann proze. I fer bann program zot menm. Se sa ki sa *regional* dimoun i fer li. I rode ki lentere ou annan e vini e donn zot en pti pe kapasite, *skill*. I annan ki'n fer. I annan en kantite ki'n fer. E nou anvi ki dan tou distrik.

E nou pe fer resers. *CEO* pe fer pe regarde kote ki en pti pe *dormant*, kote ki pa tro tro bon. Pou nou kapab regarde. Be selman parey in dir nou osi resours lo kote parey sport lazenes osi devlopman sa bann dimoun pa'n fer *training*. Pa'n donn zot. la prezan ki nou pe komanse.

E nou ganny sipor la en kantite avek bann dimoun an deor ki pe vini. Parey Tania parey lezot dimoun ki pe vini dousman dousman, pou ede pou ki i ava – nou osi nou vremen anvi ki sa i desann lo nivo kominoter.

E nou garanti Mr Chair, poudir nou pe fer tou sa ki dan nou posib pou nou kapab fer sa. Me selman nou anvi angaz kominote, ki bann dimoun dan kominote, komans pran *ownership* zot bann distrik. Bann zenn ki kapab fer li. Zot pouse nou a donn lanmen redi. Mersi.

MR DEPUTY SPEAKER

Mon envit aprezan Onorab Samynadin pou son kestyon.

HON KELLY SAMYNADIN

Mersi Mr Chair. E bonzour delegasyon *CEO SNYC*. Mon vwar dan zot *major achievements* ki zot in site, ki zot in asiste; “*Assisted with writing of the youth policy.*”

Mon konnen tou resaman ti annan en *meeting* konsiltativ ki ti ganny fer avek bann zenn profesyonnel. E mwan osi konman en zenn Manm Lasanble mon ti ganny sa lenvitasyon e mon ti asiste.

E sa ki mon ti a kontan konnen se kan ki sa nouvo Polisi pou vin an fors? E ki bann sekter priyorite ki zot pe fokalize ladan?

Mon konnen ti annan dan sa *previous policy* zot ti pe fokaliz lo plizyer sekter; parey drog, later, lakaz, lasante, ledikasyon. Ki bann sekter priyorite ki zot pe fokalize dan sa enn nouvo *policy*? Mersi.

MR DEPUTY SPEAKER

Panel, larepons.

MINISTER MARIE-CELINE ZIALOR

Mersi Mr Chair. Polisi avek Departman *Youth and Sport*, Mr Chair, si ou permet kekfwa si

Onorab kekfwa i kapab anmas son kestyon pou Lendi, letan PS Jean Louis a koz lo bann detay, organize avek li. Mersi Mr Chair.

MR DEPUTY SPEAKER

Donk, nou ava bouz lo lot kestyon. Onorab Roucou.

HON MICHEL ROUCOU

Mersi. Eskize. Mersi Mr Speaker. Bonzour Minis, lekip antye, CEO. Bonzour spesyal zabitan Mont Fleuri ek tou dimoun ki pe ekout nou.

Minis, mon kestyon i al en pti pe parey pou Onorab William. Ou konnen, zot in dir poudir se ki bann zenn i annan bann ankadrer dan distrik. Bann zenn vin devan.

Me selman ki nou vwar, se ki i annan bokou bann zenn ki petet ki zot annan bann lekip ki diferan lo kote *sport*, kiltir lot lot. I annan bann zenn ki dan distrik ki zot pa afilye avek okenn lezot - avek bann lezot tim *sport*. Zot dan en kwen zot tousel zot.

Me selman ki nou vwar, se ki Sesel i annan en pratik li. Si ou annan en komodite ki ou anvi vann, ou bezwen fer promosyon. Konmsi fer konnen piblik kwa ki ou annan.

Me ki nou vwar, parey Onorab William in dir,

problenm ki nou pe vwar se ki nou pa pe vwar sa bann dimoun pe fer sa promosyon pou nou konnen.

Mwan mon pa vwar mon. Mon pa vwar. Mon vwar zis bann tim *sport* ki la dan distrik. Zot sey ankadre enn de bann zenn. Ki mon vwar ki vreman byen. Mon vwar Mis Allison ki i annan son tim danse. Me bann larestan nou pa pe vwar.

Zot pa pe ale dan kominote pou zot vann sa ki zot annan avek zenn. Mon annan en zenn fiy kot mwan, mwan. Mon pa vwar personn vini pou promot bann lezot keksoz ki pou tir bann zenn.

Akoz zenn ozordi, i pa anmiz parey zenn mon letan. Keksoz in sanze. Sa ki mwan mon fason anmize ki mannyer mwan mon ti fer mon pa kapab al dir avek en zenn konmela. I pa parey.

So ki nou anvi, se ki si NSC i kapab pous en pti pe bann ki zot dan sa domenn, pou zot antre en pti pe dan bann kanton, bann kominote. Ki zot ava al rod sa bann zenn. Mersi.

MR DEPUTY SPEAKER

Panel, mon envit zot pou larepons?

CEO ALBERT DUNCAN

Mersi Onorab. Mon toutafe dakor avek ou i bezwen annan plis langazman, plis vizibilite. E sa osi nou'n fer ler nou'n ogmant kantite program, kantite aktivite.

E sirtou sa lannen, si nou pe get lo kote statistik i annan apepre 4 mil zenn ki'n angaz dan nou bann program, bann aktivite. E sa i reprezant apepre 23% popilasyon zenn. So sa i nou *baseline* pou sa lannen.

E parey mon pe dir dan nou plan, nou'n target *at least* pou 40% laznes. So definitivman vizibilite bann program *outreach* kot nou al dan kominote. Sa i dan nou plan. E pas zis sa.

I ou konnen zenn i *online*. Zenn i lo *social media*. So, sa bann stratezi osi atraver nou bann *capacity building* ki nou bezwen fer. So parey ou pe dir zenes in sanze li.

So nou bann stratezi osi i bezwen sanze. E i bezwen annan sa dyalog ki vreman enportan pou konnen kwa ki zot anvi. Kwa ki pou angaz zot.

So, "*Nothing for the Youth without the Youth.*" E sa definitivman i dan tou nou plan ki nou pe devlope. E mon asire avek sa Bidze avek sa bann nouvo program, nou pou ganny plis Langazman zenn.

E nou pou vwar kote sa bann statistik i monte. Langazman i monte. Me selman pa zis pourvi zot dan en aktivite. Me selman bann program ki annan en lenpak. Ki ed zot dan sa tranzisyon *from childhood to adulthood*. Sa i vreman enportan pou nou. Mersi.

MINISTER MARIE-CELINE ZIALOR

Petet zis pou azoute Mr Chair. Zis pou mwan kekfwadonn en ptigit plis motivasyon, lasirans pou Onorab Roucou. Nou'n diskit longman avek PSB avek Finans lo revwar ki mannyer Bidze i ganny servi.

Lo sa kote pou lezot dimoun an deor, vin kot Minister an antye. Akoz kapasite. Si nou ti kapab tou distrik annan en dimoun e fer sa kantite parey nou pe demande, Onorab, mon mazine wi, e mon krwar ti a fer plezir tou dimoun. Malerezman i annan bann lezot size nasyonnal osi ki nou a pe neglize.

E si nou pa fer atansyon, nou nou bann zanfan; nou bann pti zanfan demen Sesel. Nou pou annan en responsabilite ki nou pan pran ki nasyonnal. E nou pou neglig

sa. E i annan bann keksoz ki nou pou bezwen.

E lo nivo *Cabinet* kot nou pe ekoute. E pou nou kapab met sa. E resours i pa bokou pou nou kapab. Me selman ou mwen nou'n ganny 7% ogmantasyon, pou nou kapab travay avek larestan bann dimoun.

Par egzanp si ou konnen dan Mont Fleuri, ou annan bann dimoun ki ou asire, ou garanti i kapab travay avek bann zenn, ki ava vin kot *SNYC*. Ki ava ede, ou fiy ouswa lezot bann dimoun pou ganny en serten klib, nou'n deza pe konmans fer avek bann zanfan.

Dan vakans sirtou avek Ledikasyon. Nou pe fer pou larestan osi. Nou'n rode lekel tou bann klib kot registrar ki'n rezistre. Mon lofis in fer travay rod zot pou regarde ki mannyer ansanm ek *Local Government* ek Ledikasyon, nou kapab travay pou ofer ki zot pli vizib.

Kot prezan dan bann kominote ki pa prezan. I en travay ekstrememan delika. E akoz ou pe koz sirtou akoz zenn i 15 an.

E 15 an i pa ankor larz mazer osi tou. E i annan bann ek Sosyal e tou sa bann lazans nou bezwen travay avek pou fer sa.

Nou konmanse regarde ki mannyer larzan dan Bidze i kapab ganny servi pou nou kapab travay avek bann dimoun pou konmsi dan le media 2024, pou annan pli parey ki ou a pe demande.

So si kekfwa, sa i en pti soulazman Mr Chair pou Onorab. Mersi.

MR DEPUTY SPEAKER

Mon pou aprezan envit Onorab Labonte.

HON ANDY LABONTE

Mersi Mr Chair. Minis, mon kestyon i baze lo ou *current challenges*. Kot i spesifye premye menm "*limited infrastructure or facilities available for program and activity for youth.*"

So, mon krwar ou konnen lo ki laliny mon pe ale. Mon ti a kontan petet, en kestyon ki mon'n deza demande oparavan, Kan eski sant *Youth* pou ganny retournen avek lazenes? E an relasyon avek sa ler mon get ou manda.

Mon war poudir ou osi enkli byennet fizik e spirityel. So petet ki pe ganny fer vreman pou ankouraz sa bout spirityel? Akoz nou war poudir i annan en mankman. E mon pou pran sa loportinite osi pou mon remersye *CEO*.

Ki nou annan bon kolaborasyon travay. Enkli Miss Dalibet Jolicoeur, Mr Simon Barra, Mis Lita Onezime, Mis Mari-May Larue avek Madanm Joanita Solana ki nou pe fer bon travay ansanm. Mersi.

MR DEPUTY SPEAKER

Panel, larepons.

CEO ALBERT DUNCAN

Ok, wi. Mersi Mr Chair. Mersi Onorab. Wi, problemm lenfrastruktir, wi. Akoz par egzanp ler nou pe vin ek sa bann nouvo program, nouvo aktivite, nou pe ganny plis lazenes ki anvi partisipe.

So restren lo par egzanp *youth troop* landrwa pou *practice*. I annan bann zenn i anvi fer bann keksoz *outdoors*. So wi, nou *Youth Center* ti pou pli ideal. La kot nou ete *Sacos Tower* i en pe kontrent lo kote kantite program ki nou pe *run*, e *availability* lazenes ki apre lekol.

So enn ler i en pe kwense lo sa kote. Lo kote spirityalite, wi. Sa i en keksoz ki nou enkli dan bokou nou bann program. Me selman nou annan en programm spesifik, pou li ki apel *Connect*. Ki konekte bann diferan relizyon, diferan denominasyon, dan en fason

pou bann zenn zwenn ansanm pou koze lo en lot platform.

Pou zot koze. Pou zot *come up* avek bann solisyon. Bann dyalog. Pou nou kapab propaz sa spirityalite partou. Me selman i en programm fransman pou dir ou nou kapab fer bokou plis avek.

E sa Bidze mon krwar i pou permet nou avek bann fasilitater. Avek plis keksoz, ki nou kapab fer pou vreman devlope dan sa lanplè ki sipoze ete.

MR DEPUTY SPEAKER

Onorab Loizeau?

(Off-Mic)

CEO ALBERT DUNCAN

Youth Center.

MR DEPUTY SPEAKER

Anrn *Youth Center* kan pou retourn avek lazenes?

MINISTER MARIE-CELINE ZIALOR

Mersi Mr Chair. Mon krwar sa i - nou parey mon ti dir oparavan avan dan Lasanble, nou pa kapab donn dele letan akòz i Lasante. Nou bezwen osi pa zis-*Cabinet* in fini prononse poudir wi sa i pe retourn avek.

E dan Bidze Lasante i ti annan en provizyon pou fer

renovasyon avan-ler zot rann nou. E ki Finans pe regarde sa si pou reste kot Lasante ouswa pou vini pou regard kan, i pou depan lo Lasante.

Selman nou pe fer bann negosyasyon avek PS, kot son lofis avek PS Lasante, pou regard en plan aksyon pou konnen kan ki zot pou sorti. Akoz nou pa kapab zis- Zot osi avek zot bann mon krwar *supply* ladan. Zot bezwen rod en landrwa pou zot mete.

O moman ki zot fer sa, definitivman nou pe rebran sa center. E nou pe mazin dan 2024 avek Bidze osi, I annan provizyon pou *maintenance*. Me selman i kot Bidze Lasante. Mersi Mr Chair.

MR DEPUTY SPEAKER

Onorab Loizeau

HON NORBERT LOIZEAU

Mersi Mr Speaker. Bonzour nouvo delegasyon. Mr Speaker, mon kontan tan Mr Duncan dir tou sa bann keksoz ki SNYC pe fer. E mwan konman en paran mon azour ek sa.

E mon anvi la avan mon demann mon kestyon, dir ek bann paran, *involve* ek zot zanfan zot osi, pou zot konn sa bann keksoz. Pa kit zot zanfan tousel. E pa esper SNYC vin devan zot laport.

Zot osi zot kapab vini, vin partisipe. E mwan mon anvi remersye SNYC pou sa pti sesyon. Sa ti annan en enteraksyon, ki ti annan avek bann zenn Losean Endyen ki ti'n fek fer. E mwan mon garson ti ganny sans partisipe. E i byen kontan. Ti en zoli keksoz ki ti ganny fer. E alors mon felisit zot pou sa.

E mon kestyon i relye avek zenn. Minis, vi ki i annan bann dimoun - bann dimoun zot pa zenn. me selman zot annan en pti larzan en pe eleve, ki vwar sityasyon ki zenn pe pas ladan. Alor deside anmas sa bann zenn.

E la mon pe refer avek Mr Simeon Port Glaud. Ki li in anmas en group zenn anviron 30 zenn. Akoz in vwar ki dan Port Glaud i annan en bann labi sibstans ki pe arive. In anmas sa bann zenn. E in form en klib. Me selman i pe ganny difikilte. I pe ganny bokou difikilte pou *operate* akoz i pe servi son resours pou li pou li kapab fer sa.

Ki annan dan zot Bidze? Eski li i kapab tap ladan? Vi ki i pe *deal* ek zenn. Ouswa eski i annan alokasyon ki zot zot kapab ed li? Si zot le son nimeron kontak, mon ava fer zot gannyen. Mersi.

CEO ALBERT DUNCAN

Mersi Mr Chair. Mersi Onorab. E zisteman sa i bann *partnership* ki nou pe rode. Nou anvi ankouraz sa ki pli vye pou *reach back*. Pou ed sa zenerasyon ki la. So, wi, i dan nou Bidze.

Konmsi nou'n fer monte sa Bidze lo *consultancy fees*, fasiliter petet. Si sa travay i anliny avek nou manda, avek nou bann program, definitivman nou kapab ed li. Nou kapab ed li avek lozistik.

Nou kapab ed li osi pou konekte li avek lezot lazans e lezot zenn e lezot loportinite. So, mon ti ava kontan petet apre sa sesyon ou kapab donn mon son nimer. Mon ava *call* li direk e nou ava *set up* en *meeting*. Mersi bokou.

MR DEPUTY SPEAKER

Mon ava prezan apel Onorab Labrosse.

HON RICHARD LABROSSE

Mersi Mr Speaker. Byenveni delegasyon SNYC dan Lasanble. Mr Speaker, mwan avek SNYC mon en pti pe dezapwente dan mon distrik. Lafason ki zot dezapwentman i vini, i annan en pti pe konfizyon. I pa vreman SNYC, en?

I annan ki la mon ti a kontan Minis, i donn mon en

langazman. Ler mon pe get lo zot *current challenges*, zot in mete ladan kot mon konfizyon i ete egzaktman. Kot sa bout Minister Gouvernman Lokal kot i antre. Kot parfwa i annan en pti pe retar ki vini ler pou annan bann aktivite ki vini.

Kot la i annan bann- Ou konnen nou menm kot i arive. Kot ou pa konnen kote laport ou pou al tape. Enn i dir lot - lot i o dir lot. Minis, eski ler nou pe al vot pou sa Bidze la ozordi pou SNYC.

Eski ou kapab konfyè avek mwan si i annan okenn konversasyon ki per dan Cabinet oubyen avek Minister konsernen ki SNYC i ganny son 100poursan lotonomi pou li kapab organiz aktivite pou lazenes?

Kot SNYC i vin sa sel organizasyon, ki ler pou annan en keksoz pou fer lazenes nou al kot li. Swa ki konsern aktivite; swa ki konsern devlopman lazenes. Swa ki konsern *anything to do* avek lazenes.

Konmsi nou ava annan en *one-stop shop* kot nou pa pou bezwen vwar nou pe al ankor kot nou sorti kot en Minister, sot kot en Minister.

Kot sa dan li menm parfwa i anmenn dekourazman osi,

pou partisipasyon lazenes dan kominote. Mersi Mr Speaker.

MR DEPUTY SPEAKER

Panel mon envit zot pou larepons.

MINISTER MARIE-CELINE ZIALOR

Mersi Mr Chair. Mr Chair, mon krwar sa i en pwen manke nou pou bezwen dezagree lo la. Mon pou pas laparol en pti kou apre avek *CEO*, pou li dir ki travay pe ganny fer avek *Local Government*.

Akoz mwan mon konnen ki'n plizyer *meeting* pou zot diskite e regarde ki mannyer bann kolaborasyon. Zafer mon krwar fot ki nou fer dan oparavan.

Nou bezwen aprann sa zafer lazenes. Lazenes li i annan en parti dan Bidze tou dimoun. Parey nou annan lazenes avek Lekonomi Ble. Lazenes avek Lagrikiltir. La nou annan lazenes avek Lantreprenarya, bann kolaborasyon ki bezwen fer.

I pa lazenes pa kapab en zafer zis *SNYC* sa. I parey nou krwar lasante i en zafer Minister Lasante. Nou tou nou responsab pou nou lasante. E nou nou form par, nou noun dir taler avek *sports* ki nou pe zwe

en rol pou redwir obesite pou lasante Sesel.

Akoz nou pa kapab kit sa zis en zafer Minister Lasante. E la letan nou pe regard ki mannyer Gouvernman pe travay, armonize avek kanmarad en pti pe pli byen, e mon kontan. 2023 nou'n fer progre.

Nou annan ankor akouz nou bezwen montre nou bann dimoun ki mannyer pou travay ek kanmarad diferan antite.

Ki lazenes i pa kapab zis en zafer zis *SNYC*. I bezwen en travay kolaborasyon serye. Akouz i nou fitir lavenir Sesel demen. I pa kapab avek en antite 22 milyon. I bezwen dan Bidze tou dimoun.

E nou sanmenm sa travay kot *SNYC* kot nou pe konmans fer avek departman osi pou koz lo la Lendi. Lo pou fer sir ki i annan en – E mon krwar Onoran Samynadin in konmans koz lo la - ki i annan bann konponan lakaz e later pou bann zenn. Bann keksoz koumsa.

Ki pou lafanmir eksetera ki pou vreman enportan. E ki pa regard *SNYC* koman en lazans ki zis fer aktivite dan bann distrik Mr Chair. Mon konnen i kre en pe konfizyon. Akouz ler ou pe sanz keksoz dan de dernyen lannen in kree.

I pou vin en pti pe pli kler li anmezir nou al ale Mr Chair. Mon demann Lasanble pou siport nou lo sa kote, pou vin en pti pe pli pre. Nou osi nou ava fer sa pa. Vin en pti pe pli pre pou nou konpran kanmarad en pti pe plis.

Mon krwar kekfw a I mank en pti git kominikasyon lo sa kote ki nou ava aranze. Me selman nou pou bezwen ki pa reste zis en zafer *SNYC*. Mon krwar nou pou fer en fot si nou fer sa.

Me selman bann travay ki'n ganny fer ek *Local Government*, sa mon ava les *CEO*. Kekfw a i ava zis briyevman eksplike. Mersi.

CEO ALBERT DUNCAN

Mersi Mr Chair. Mersi Onorab. Zis pou retourn *back* lo sa ki mon ti dir en pe pli boner, nou *recognize* dan nou stratezi *youth work*, nou bezwen tou nou bann *anchor organizations* ki tous lazenes. Pou nou kapab fer en zefor ki annan en lenpak.

Enn bann *partner* kle ladan i *Local Government*. Defayans ki nou'n vwar parey mon'n dir, ler nou'n fer tou sa *meeting* dan tou sa distrik avek tou sa *DA* ek *MNA*, ki kominikasyon i en problem. Par ler sa *DA* pa konnen lekel sa *program officer*.

Oubyen zot pa- Zot pa ti fer keksoz dan en fason *structured* ki nou kapab mezire. So, sa nou'n address atraver sa plan atraver kominikasyon. Me selman atraver lannen, mon'n vwar bokou *success stories* ansanm avek *Local Government*.

Semenn pase nou ti annan aktivite *Pointe Larue* avek *MNA Cascade*, pou *recognize* bann *young fathers*. Les Mamelles osi nou'n ganny sans lans en *Lakademi Basket*.

Ki pa zis *sport* me selman i enkorpor bann keksoz *empowerment*, *nutrition*. Par egzant *MNA* pou *St Louis* osi, dan son nouvo batiman in idantifye en lespas ki kapab vin en *hub* dan sa rezyon. Kot nou kapab devlop nou bann program.

So koumsa mon vwar sa bann *partnership*, sa bann *leakages* i fer travay annan plis lenpak. Akoz ler nou pe *pull* resours ansanm, nou kapab fer plis keksoz. Mersi Mr Chair. Mersi Onorab.

MR DEPUTY SPEAKER

Nou pou aprezan pas laparol avek Onorab Romain.

HON GEORGES ROMAIN

Mersi Mr Chair. Bonzour *CEO*. Mwan mon kestyon i vin ver ki

nou konnen ki dir lontan sak distrik ti annan en zofisyé. Mon konnen pou rezon bidzeter, i pa fasil. E la mon krwar sa dimoun pe reprezant en rezyon. E mon konnen nou'n deza enterakte *CEO*.

Lo nivo distrik nou ti koz en pti pe fortman lo la. E mwan, menm mon ti pe sizer avek *CEO* ki lo nou komite distrik, nou ti anvi met sa zenn lo nou komite. Ki ler nou fer nou aktivite i annan en bout ki annan pou fer ek zenn.

At least nou ganny son bout ki li i konpran teknik lo kote zenn. E alors mon kestyon vremen lo la Minis, mon konnen i annan keksoz pou fer ek bidzeter vremen. Mon kestyon i eski zot pe travay avek bann lezot *stakeholders*?

Parey ozordi nou vwar bokou bann gran lorganizasyon i vin devan kot zot adopte, oubyen zot travay pros ek bann antite.

Ki zot ede en pti pe annan de ler lo kote finansman. Ki sa i kapab ed zot, aköz nou konnen dan tou keksoz i annan en kou. E larzan i zwe en gran rol pou kapab anmenn nou bann aktivite.

Eski zot pe travay vremen ek bann lezot *stakeholders*, pou kapab ede pou zot *attend* zot obzektif? Aköz mon konnen

travay ek zenn parey enn de manm in fer sorti i pa fasil. E sa i mon kestyon Mr Chair.

MR DEPUTY SPEAKER

Panel, proceed.

CEO ALBERT DUNCAN

Mersi Mr Chair. Mersi Onorab. Definitivman, sa nide pou annan zenn lo sak komite, mon krwar i en stratezi ki tou distrik i devret adopte. Aköz ou pou ganny sa *input* direk *from* lazenes.

Lo kote bann *partnership* an term finans, wi. Sirtou avek *private sector*, en kantite nou bann program, en kantite keksoz ki nou'n fer nou'n ganny siport avek *private sector*. Aköz nou kapab vann zot sa nide ki nou anvi fer. So, i annan *private sector*. I annan *civil society*.

Se sa enn bann *pathways* pou sa bann klib lentere, pou devlope pou vin bann asosyasyon ki zot osi zot kapab ganny zot *funding*. Aköz i annan en kantite *funding* enternasyonal, ki pa pou vin direk kot Gouvernman.

Me selman i al direk kot bann lazenes. Selman si zot in form en group zot in anrezistre. E i annan *charity certificate* tou konmela. So, sa osi i for parti nou bann *empowerment* pou sa bann klib lentere.

Ki zot kapab debout lo zot prop lipye e atrakte sa bann *funding*. Akoz i annan en kantite lorganizasyon, en kantite lakonpanyen prive ki pare pou ede. *It's part of their corporate responsibility*. Mersi Mr Chair. Mersi Onorab.

MR DEPUTY SPEAKER

Ou annan klarifikasyon?

HON GEORGES ROMAIN

Mr Chair, zis en pti anpasan mon ti anvi mansyonnen ki mon ti a kontan konnen CEO atraver ou Minis felisit zot Lasanble Zenn e sa *process* ki manner sa ti ganny fer e vremen dan latransparans e vremen enpresyonnen zot zenn *Speaker* manner zot pe travay. Mon vremen apresye ler mon get zot. Mersi Mr Chair.

MR DEPUTY SPEAKER

Mon swete zot in tann ou. Onorab Woodcock?

HON WAVEL WOODCOCK

Mersi Mr Chair. *‘POZITIVITE TOULEZOUR’*. Mon pou konmanse par felisit Minis e nouvo CEO ki zot in tir politik dan SNYC. Pou premye fwa dan nou listwar, bann zenn Lasanble Lazenés in ganny elekte par bann etidyan dan zot lekol.

Mon pou osi remersye Minis e CEO e osi ou bann direkter, pou re ouver plizyer bann *regional service bureau* lo Mahe, Praslin e La Digue. E byento La Digue i annan en alokasyon bidzeter R6 milyon pou an nouvo *Youth Service Bureau*.

E pli gro remersiman pou sa *Youth Service Bureau* ki fek ouver Praslin. Son lokasyon i ideal. Annefe demen menm i annan en aktivite, en *Youth Service Bureau - Fun Day*, karaoke, *video game*, *board game*, *table tennis*, *Happy Hours*.

E bann zenn i vremen kontan sa landrwa e sa lokasyon. So mersi bokou CEO ek Minis pou donn nou sa landrwa.

Mon kestyon i lo sa- Mon apel vizit ki MYCC ti fer. SNYC, nou ti zwenn avek CEO, kot sa landrwa kot zot ete la SACOS i pa *conducive*.

E mon kontan pou vwar ki byento pe retourn English River. Mon vwar en alokasyon bidzeter R3 milyon pou *extension* e renovasyon lo sa sant.

Mon kestyon, anler kot zot ti ete zot pa ti kapab ofer plizyer servis. Zis mon pe demande, ki bann nouvo servis ki zot anvizaze donner ler zot retourn

dan sa sant English River?
Mersi.

Zis an finisyon Mr Speaker, mon osi anvi remersye Raina ek Mis Nelle nou *program officers* lo Praslin pou sa bon travay ki zot pe fer. Mersi.

MR DEPUTY SPEAKER

Mersi. *Panel*, lo nouvo servis ler zot retourn Riviere Anglaise.

CEO ALBERT DUNCAN

Mersi Mr Chair. Mersi Onorab. Sa i pas zis lo nou kote ki pe *come up* avek sa bann nouvo program. Me selman i en prosis konsiltasyon ki nou'n konmanse avek lazenes osi. Pou demann zot kwa ki zot anvi vwar laba.

Ti annan en kantite keksoz. Akoz i annan zis an deor *Youth Center*, i annan en ta lespas ouver tou. Kot i annan bann *outdoor activities* ki nou kapab fer. Parey bann kanpe.

Me selman en keksoz ki nou'n realize, ler nou konsilte avek lazenes; Se ki ou konnen SNYC lontan tanzantan ti i plito bann keksoz fizik.

Me selman i annan en kantite zenn ki anvi bann lezot keksoz, parey bann platform pou diskite.

At least parey bann lespas kot nou kapab *house* lazenes; kantite keksoz pou fer avek

teknoloji. Kot zot annan bann lekipman kot zot kapab vini.

Parey si annan *video editing*. *Music studio* ki zot bezwen sa lespas, sa trankilite. Landrwa pou *network* e plizyer ankor. Mersi.

MR DEPUTY SPEAKER

Dernyen entervenans lo sa *heading* se Onorab Sathya Naidu.

HON SATHYA NAIDOO

Mersi Mr Chair. Bonzour Minis ek *CEO*. Mersi pou sa lapros ki ou'n annan vizavi tou bann Lotorite distrik atraver pei. I regretab ki bann oparavan pa kapab pran en tel linisyativ.

Parfwa ou demann ou lekor akoz ki nou an retar, vizavi bann demars pou nou kapab vremen fer bann perse neser dan kominote.

Selman plito tar ki zanmen. An relasyon avek bann *Youth Service Bureau*, ki kantite *Youth Service Bureau* ki zot annan pou le moman ki annan loperasyon? *What is the cost factor* pou zot kapab zer en *Youth Service Bureau*?

E eski zot annan en *blueprint* pou ki dan lenstans St Louis, nou pe sey fer bann demars neser pou nou kapab etabli enn. Me pou ki lezot distrik osi, otan ki annan

potansyel kot zot annan lokasyon konvenab pou ki zot osi kapab ouver pou zot dan fitir.

MR DEPUTY SPEAKER

Mon ava envit *panel* pou larepons.

CEO ALBERT DUNCAN

Mersi Mr Chair. Mersi Onorab. Bann *Youth Service Bureaus* ki nou annan oubyen, mon pli kontan servi sa *youth hub* plito. Akoz lontan konmsi konotasyon se pou donn servis *photocopy*. Be i plis ki sa konmela.

I en landrwa kot nou *network*. I en landrwa kot nou *empower* lazenes. I en landrwa pozitiv. So sa nou annan Anse Royale ki nou ti re ouver an Fevriye. Ki pe mars vreman. *Footfall* i apepre 100 ekek lazenes tou le semenn. Nou annan Praslin. Nou annan La Digue.

So, the cost factor involved dan en *YSB* i tou depan son *area*. Par egzanp ou pou annan bann *utilities* parey kouran, delo. E ou pou vwar dan nou Bidze, nou'n fer provizyon pou fer ogmantasyon dan *goods and services* ki kouver kouran.

Akoz nou realize osi ki lazenes i 18 an a 30 an. So, i annan sa bann *young*

professionals ler zot fini travay 5er. Ou pa kapab zis ferm en *hub* 5er. So nou bezwen get en pe nou bann *opening hours* ki osi annan en lenpak lo kou.

Ou annan ou bann *staff* osi ki la. Esi bann *staff fulltime*, bann fasilitater, bann animater ki vini ki *run* program. Bann lekipman i en fakter. *Internet* tou. Dan nou Bidze osi nou'n fer logmantasyon dan nou laliny Bidze pou *internet*.

Akoz zenn pa anvi sa bann *computer* partou. Nou vin ek nou prop *device*. Selman nou oule en bon koneksyon *internet*. So, sa i bann- I pou napa en *fix cost* pou tou. Me selman i depan lo sak rezyon.

E bann servis osi ki nou ofer normalman nou fer en pe resers. Nou al parey dan bann pos-segonder, oubyen nou al dan kominote. Nou rode kwa ki zenn pe rode.

E nou swiv en pe bann keksoz ki marse dan lezot *YSB*. *And it's trial and errors* ziska ler nou ganny *the right balance*. Mersi Mr Chair. Mersi Onorab.

MINISTER MARIE-CELINE ZIALOR

Mr Chair, si ou permet. Mon ti a zis kontan azout en pti bout lo la. Dayer mersi bokou, pou ou bann sipor ki nou gannyen pou nou bann aktivite ki nou pe

refer, re vwar li avek lazennes ek *SNYC*.

Vi ki ozordi osi nou pe konmanse. Nou, nou pa'n kapab ale. Mwan aköz mon'n vin la. Pou konmans 16 Days *Activism* kot *gender-based violence* kont vyolans.

Nou annan program ki nou'n konmanse avek *SNYC* ki nou pe *link* kot *Secretariat* ek mwan pou avek bann leköl pos-segönder nou'n fer tou. Preski tou. Pou nou fer sesyon prevansyon kont vyolans *genre*.

E nou pe fer pou nou regarde. Aköz i konmans depi ler zot konmans pwente, parey nou dir an Kreol. E zot konmanse, konmans form fanmir byen boner, apre zot fini pos-segönder kot nou bann program.

Ler mon pe koz lo bann lenportans size nasyonäl, mon ti ava anvi tous lo la osi tou. E avek *SNYC* nou'n konmanse avek kolaborasyon enternasyonäl lo re - *redefine*, redefenir maskilinite avek nou bann zenn garson.

Pou konnen ki savedir ou maske linite. E aköz bann avek probasyon prizon. Nou bann *statistic* ki nou gannyen. Aköz nou ganny *statistic* en pe partou. Apre *statistic* avek lasante lo mantal. Lo kantite

problenm ki Dr Maloulou i tre konsernen in dir ek nou.

Lo nou bann zenn avek zot lasante mantal. E kantite *attempted suicide* ki annan. Lakantite osi tou sa bann krim vyolan *genre*. Me selman osi bann larestan krim ki sirtou nou bann zenn garson i *involve* ladan.

Mon pa bezwen mansyonn labi sibstans ki'n desote. Nou koz bokou lo drog. Me i annan lalköl osi en kantite. Ki mon profite avek Lasanble la avek sa Bidze, kot nou kontan ki *Cabinet* in revwar pou donn nou en logmantasyon 7poursan. Pou nou kapab fer bokou sa bann travay prevansyon an 2024.

Pour ki nou bann zonn Seselwa demen pou travay for. Debout o bor bann madanm, enkli nou pa bliy nou bann zenn fiy Seselwa. Nou ava annan en popilasyon, en bann dimoun ki bokou pli pozitiv dan zot bann swa, zot bann aktivite ki zot fer pou kontinyen anmenn nou pei devan. Mersi Mr Chair.

MR DEPUTY SPEAKER

Mersi *Minister*. Sa in anmenn nou lafen nou enteraksyon avek *Seychelles National Youth Council* pou zot Bidze, ki trouve 235 a 241.

Sonm ki pe ganny propoze pou zot Bidze pou 2024 i 22 milyon R376 mil. Mon ti ava kontan demann tou bann Manm ki an faver pou endike silvouple? Mersi. Okenn Manm ki kont?

Vot lo alokasyon pou *Seychelles National Youth Council* pou en sonm R22 milyon 376 mil, i annan 20 manm ki'n vot an faver. Napa manm ki'n *abstain*. Napa manm ki'n vot kont. E baze lo kantite ki prezan dan Lasanble Nasyonal e sa i zis *Caucus LDS*, sa vot in pase par linanimite.

(APPLAUSE)

MR DEPUTY SPEAKER

I reste mwan pou remersye *panel* ki'n zwenn Minis Marie-Celine Zialor la bomaten. Sa i bann zofisye sorti kot *Seychelles National Youth Council* ki ti konpri Mr Albert Duncan ki Sef Ekzekitiv SNYC. Osi Madanm Patricia Ciseau ki *Financial Controller* dan Minister Lazenés, Spor e Lafanmiy. E nou osi remersye partisipasyon zofisye Minister Finans. Nou pou *adjourn* la. Nou pou rebran travay 11:30.

E letan nou retournen nou pou zwenn bann zofisye sorti kot Komisyon Elektoral, donk

nou ava *adjourn* e nou rebran travay 11 zer edmi.

(BREAK)

ELECTORAL COMMISSION

MR DEPUTY SPEAKER

Welcome back tou dimoun nou kontinyen avek Staz Komite lo *Appropriation Bill, 2024*, prosen antite ki pe vini se Komisyon Eleksyon. Mon ti a demann *parliamentary reporter* pou apel *panel* e sa antite son Bidze i lo paz 122 a 128.

Mon ava dir bonzour e *welcome panel* ki fek zwenn nou, bann zofisye sorti kot *Electoral Commission*. I dirize par Madanm Manuella Amesbury ki *Chief Electoral Officer*.

I osi annan Madanm Rose-Marie Richards ki *Finance Manager*, Manmzel Sheena Boniface ki *Chief Registration Officer* e Madanm Verona Joubert ki *Human Resource Manager*, ki lo *side table* ansanm avek zofisye sorti kot Minister Finans, Manmzel Madeleine e Mr Commettant, i devan avek *panel, Deputy Comptroller General*.

Ki nou fer la se ki nou demann Madanm Amesbury pou fer en *brief introduction* e

apre nou pran komantr, keston, enteraksyon *from the Floor. Please proceed.*

CHIEF ELECTORAL OFFICER MANUELLA AMSBURY

Bonzour Mr Chair, *thank you.* Bonzour Mr Chair, Manm Onorab e tou dimoun a lekout.

Komisyon Eleksyon in ganny etabli anba lartik 115(1) Konstitisyon. Lartik 115(2) i fer provizyon ki dan performanson fonksyon.

Komisyon Eleksyon pa ganny dirize ou kontrole par okenn personn oubyen lotorite. Anba lartik 116 Konstitisyon, Komisyon Eleksyon i annan sa bann fonksyon swivan;

I responsab pour fer e siperviz rezistrasyon voter, eleksyon ek *referendum.* I bezwen pe kontinyelman revwar balizaz bann distrik elektoral kot Mahe ek Praslin I ganny divize, an prenan kont lartik 112(3).

I bezwen kontinyelman pe vwar bann fason fer, ki enkli bann prosedir tel ki koman finansman, divizyon ek lavertisman bann kanpany politik pandan eleksyon ek *referendum* anba Konstitisyon.

Delivre bann lezot fonksyon dapre sa ki'n ganny preskri dan konstitisyon ouswa okenn lezot Lalwa, e osi bezwen

revwar bann Lezislasyon ki gouvren bann size elektoral e fer rekomandasyon avek Gouvernman.

Pour lannen *2023, pour lannen 2024, Komisyon pe ganny en Bidze 19.3 milyon. Sa i en logmantasyon 3.6 milyon konpare avek Bidze revize 2023 ki ti 15.7 milyon.

I enportan note ki bidze ki ti aprouve pour 2023 ti en sonm 20.3, *sorry*, 20.3 milyon. Pour sa sonm 3.6 milyon, logmantasyon i konm swivan;

Wages and salaries – R427 mil.

Good and services 3.1 milyon.

Anba program 1, 1.4 milyon pour *Electoral Commission* kapab host 26th Annual General Conference of the SADC.

Bidze ordiner anba *goods and services*, anba program 1, in war en *increase* R889 mil e program 2 pour *Electoral Services*, i annan en *increase* R771 mil.

Mr Chair, aprezan nou'n pare pour pran okenn keston. Mersi.

MR DEPUTY SPEAKER

Mersi Madanm Amesbury. Donk lasal i ouver prezan pour enteraksyon avek bann Manm,

mon apel Onorab Wavel Woodcock.

HON WAVEL WOODCOCK

Mersi Mr Chair. Mon kestyon I baze lo zot *major achievement in 2022 and 2023*. Trwazyenm pwen se “*establish the Delimitation of boundaries Committee, to carry out the exercise as mandated in the constitution*.”

Mon kestyon se, si zot kapab donn en pti pe detay, ki zistans sa travay delimitasyon balizaz elektoral in arive? Mersi.

MR DEPUTY SPEAKER

Mersi Onorab. *Panel?*

CHIEF ELECTORAL OFFICER MANUELLA AMESBURY

Mersi Onorab. Parey tou dimoun I konnen, komite in fini ganny etabli, bann manm in fini ganny - bann manm pe travay. I annan, a sa pwen manm in fini, manm komite in fini prezant en rapor avek Komisyon e...

Nou’n annan en *delay with regards to* bann konsiltasyon ki nou ti anvi fer. Sa *delay* i en *delay* teknik, apre osi I annan pou fer avek lefe ki parey nou’n deza dir avan, nou ti mazin pou *recruit* en dimoun *Senior Electoral Support*

Manager, kot en gran konponan son louvraz ti pou fer avek delimitasyon.

Me malerezman nou pa’n ganny laprouvasyon pour nou kapab *recruit* li sa lannen ki la. Nou’n ganny enformen avek PSB ki i annan en *job evaluation* pe ganny fer le 26 Novanm, e zis apre sa ki nou pou kapab *proceed* avek sa legzersis. Nou note ki rapor ki nou bezwen *submit* i an Zanvye 2024. Nou’n konmans ganny kontak avek nou *main stakeholder*.

Par egzanp nou pe organize pou fer nou premye *meeting*. Nou pe organize kot nou premye *meeting* kot pou annan parti politik e avek bann MNAs zot menm. E la kot nou ete ziska prezan. byento zot ava tann *from* mwan. Mersi.

MR DEPUTY SPEAKER

Mon aprezan envit Onorab Monthy pour kestyon.

HON PHILIP MONTHY

Mersi Mr Chair. Bonzour nouvo *panel*. Kestyon i baze lo premye *bullet point, major achievement 2022-2023*. Zot in *achieve* en *ranking 44 out of 179 countries for electoral democracy*, e zot in dir ki sa in endike ki *score* in *improve substantially*.

Si ou ti kapab dir nou ki ti nou *score* oparavan e kwa ki’n

ganny fer ki sa *score* in *improve* lo nivo demokrasi parey zot in mete? Mersi.

MR DEPUTY SPEAKER

Mon envit *panel* pour larepons.

CHIEF ELECTORAL OFFICER MANUELLA AMESBURY

Mersi Onorab. Sa pwen ki la nou'n tir dan '*DIDEM*'. *DIDEM* I fer raport lo demokrasi *worldwide* e nou'n prezant li ladan ki mannyer in dir. *Unfortunately*, i pa'n fer referans avek bann *score* avan, me selman in montre bann pei kot in annan en gran *improvement*.

E Sesel li, i annan lezot kategori, me selman nou nou'n fer referans *mainly* avek *electoral democracy*.

Sa I an rezilta en kantite travay ki'n ganny fer. Par egzanp nou pou war bann relasyon avek parti politik, vote li menm li, bann *meeting* konsiltativ eksetera, ki'n arive ek bann rekomandasyon 2017 *recommendation of political parties, etcetera*. I en travay *overtime* ki'n ganny, ki fer ki Sesel in ganny sa *ranking*. Mersi.

MR DEPUTY SPEAKER

Ou annan klarifikasyon Onorab.

HON PHILIP MONTHY

Zis klarifikasyon Mr Chair. Donk, sa I vedir la fason ki eleksyon pour ganny organize Sesel, i pe vin en legzersis plis transparan, plis demokrasi e ki donk i pa vedir napa okenn lespas pour ki, i annan okenn trik, okenn vol eleksyon a lavenir ki pou arive. Eski sa I vedir sa? Mersi.

CHIEF ELECTORAL OFFICER MANUELLA AMESBURY

Mersi Onorab. Nou pe *translate* li, enterpret li dan menm fason. Zis pou fer referans avek sa ki sa rapor i dir, i dir, *the largest number of countries making democratic progress over the last 10 years, in Sub-Saharan Africa*, in fer referans avek Sesel, *Malawi, Gambia*. Vwala. *Thank you*.

MR DEPUTY SPEAKER

Onorab Labrosse.

HON RICHARD LABROSSE

Mersi Mr Speaker, mon a swet labyenveni mon osi Madanm Amesbury avek ou lekip.

Mr Speaker, mon kestyon pour madanm Amesbury, mon'n vwar ki dan son liv Bidze in fer sorti dan son *current challenges*, ki i annan *delay* dan *submission of final report*

from *National Bureau of Statistics, (NBS)*, e mon ti a kontan mazin en pe dan lefitir osi ler mon pe demann sa kestyon, madanm Amesbury.

Si kot Konmisyon Eleksyon, oubyen bann Bidze ki zot gannyen oparavan, zot pa pe vwar li en fason ketfwa pour zot annan enn pti pe plis zot lendepandans.

Konmsi par egzanp bann lenformasyon sirtou, mon pe mazine bann non bann dimoun, konmsi zot ti ava annan zot seksyon pour zot kot zot a kapab pli enn pti pe pli an devan, pour zot pa vwar zot dan *delay*.

Sirtou eleksyon I en keksoz ki ganny konsidere konman en keksoz enportan dan la demokrasi ek pei.

Apre mon dezyenm kestyon, Mr Speaker, mon vwar dan zot plan stratezik 2024-2026, zot pou *submit* sa *boundaries report* la, ki zot ti fer, e ladan mwan mon ti a kontan konnen Mr Speaker, vi ki, mon pe mazine kekfwa si sa travay in fini ganny fer.

Akoz la mon anvi konnen si Kordgard Mont Fleuri pour dan en sel distrik parey, aköz konmela i dan 2 distrik; i dan Plaisance kot son bout resepsyon I tonm Mont Fleuri, kot kaso I tonm Plaisance.

Kot Basen Larme, - en striktir ki parey en *swimming pool* 50 met ki bout 25 met I tonm Mont Fleuri, lot bout 25 met I tonm Plaisance. Konmsi nou ava annan enn pti pe plis annord dan sa bann travay li menm. Mersi Mr Speaker.

MR DEPUTY SPEAKER

Mersi. *Panel*, larepons?

CHIEF ELECTORAL OFFICER MANUELLA AMESBURY

Mersi Mr Chair, mersi Onorab. Larepons pour ou premye kestyon, wi. Komisyon ti komisyonn *NBS* pour fer sa *census* le 9 Fevriye 2022.

Ti annan en legzersis *population census* ki ti pe al ganny fer *anyway*, alors *the commissioning was* ki aköz nou pa ti ganny Bidze nou mem pou nou fer en *voters census* apar; e *the ideas was* sa ki sa *population census* i ganny fer ansanm avek sa *voters census*.

E nou'n ganny *official report*. Nou'n resevwar *data census*, le, *on August this year* e *Official Report* nou'n gannyen le 10 Oktob. So, *the commissioning was for the data to be submitted 6 months after the conduct of the census*.

Nou pran kont poudir *NBS* in fini eksprim serten konsern ki zot menm zot, zot in gannyen

with regards to the census. E ki mannyer nou Lalwa i ete, i dir avek nou koumsa nou, letan en *census* I ganny servi, i ganny fer, *then* nou servi sa *data*.

E *the main reason* parey mon'n dir boner, akoz ki nou ti bezwen *commission NBS* pou fer, i ti en problem bidzeter li menm. Mersi. Sa i pou kestyon limero 1.

Kestyon limero 2, mon pa pou kapab donn ou detay aprezan, parey mon dir ou I annan louvraz ki komite teknik in deza fini fer, in prezant avek Komisyon, e nou pour annan *meeting, meeting* konsiltativ kot pour annan bann parti politik ek bann *MNAs* osi pou *attend*, e la kot Komisyon i ava fer prezantasyon e apre la nou ava *cool* lo zot *main stakeholders*. E byensir apre i pou annan *meeting* konsiltativ. Mersi.

MR DEPUTY SPEAKER

Ou annan klarifikasyon Onorab?

HON RICHARD LABROSSE

Wi, Mr Speaker. Mersi Madanm Amesbury pour ou 2 larepons byen detaye ki ou'n donn mwan, so savedir la nou ava espere ki Kordgard Mont Fleuri I ava tonm Plaisance e Basen Larme osi a tonm Plaisance. Mersi Mr Speaker.

MR DEPUTY SPEAKER

Mon ava envit Onorab Larue, pou demann son kestyon *please*.

HON FLORY LARUE

Bonzour Mr Chair. Mersi Mr Chair, Bonzour Madanm Amesbury ek ou *panel*.

Mon ti a kontan premyerman remerci ou avek ou tim, pou fer ki komisyon ozordi in vin enn ki kredib, e enn ki endepandan e mon krwar sa Seselwa, pep Seselwa antye I vreman, vreman fyer.

Mon ti a kontan regard 2 pwen dan zot *current challenges*, mon vwar limero 1 i dir zot annan en *absence of a permanent headquarters*, e mon pa vwar dan sa Bidze kot sa i ganny adrese.

Eski ou kapab dir nou ki konversasyon ki pe ganny fer avek Gouvernman, pour zot trouv en lofis permanan, pour zot kapab fer zot louvraz la avek eleksyon ki pe vini e avek *future elections* osi, ki zot annan en biro stab ki dimoun i kapab idantifye avek.

E dezyenman, dan *current challenges*, zot in dir ki zot annan *inadequate trained cohort of electoral officers for future elections*, e ankor avek eleksyon ki pe vini dan 2 an, ki

si sa ki zot kapab fer avek sa Bidze, pour ki zot kapab annan en lalis dimoun ki kredib pour travay konman *electoral officers* pour sa enn eleksyon e fitir eleksyon? Mersi.

MR DEPUTY SPEAKER

Mon ava envit *panel* pour larepons *please*?

CHIEF ELECTORAL OFFICER MANUELLA AMESBURY

Mersi Onorab. Mersi pour ou konpliman. E pour larepons ou kestyon, *regarding* nou *permanent headquarters* depi en pe letan, nou pe koz avek gouvènmman lo la, nou pe eksprimen. Sa Merkrede ki la nou al devan *Cabinet*, e *Cabinet* in pran en desizyon pour *relocate*, pour *assign* sa *Steel Building* ki Mont Fleuri, konman *the headquarters for Electoral Commission*, pour sa Eleksyon 2025 ki vini.

Nou ti'n kontakte *Office Accommodation Committee*, e la le neser in ganny fer. Nou pe mazine pour nou *relocate* o pli vit posib. *Most probab...* - nou pe konmans fer bann laranzman avek *Office Accommodation ...e hopefully by February* lannen prosenn, nou pou'n fini enstale.

Sa i *with regards to headquarters*. Ou lot kestyon i

lo, wi, *"inadequate trained cohort of electoral officers for future elections"* Sa Bidze in pran konsiderasyon *training* pour *electoral officers*, me pa zis *electoral officers*. nou rapel Lalwa ti amande in 2020, ki i annan *deputies as well*, e osi bann *assistant electoral officers*. Ki fer ki nou deza pe koz avek nou bann *electoral officers*.

Nou'n preski etabli lalis *staff* pour tou le 26 *electoral areas* enkli nou bann *special stations*. E ki nou pe fer la an Fevriye, nou pe organiz *meeting*. Zanvyè, Fevriye, nou pe organiz *meeting* avek bann *EOs* e la kot nou pou konmans *recruit* bann *process*.

Ler mon pe dir ou *recruit* bann *process*, i annan premyerman nou bezwen regard dan li menm li *existing staff* si lekel ki pou vini... I annan en *evaluation process* ki'n ganny fer lannen pase, kot la bann *EOs* in evalye zot bann *staff* ki'n travay avek zot, e zot in fer rekomandasyon pour bann *deputies* ganny promosyon koman *electoral officers*.

E an Fevriye, Zanvyè *next year*, nou anvii finaliz sa *process*. *At the same time* nou pe travay lo kontra; nou pe finaliz zot bann kontra ki zot

pou sinyen letan zot vini. So, sa Bidze ki la in pran kont.

Aprè nou annan en gran lalis *training* pour zot. Nou *training* osi byensir pour baze lo bann amannman ki ganny fer, ki Komisyon pe travay lo la mennen e ki pou ganny fer.

Akoz *once* ki amannman i ganny fer i afekte ki mannyer loperasyon i ganny fer dan stasyon. Savedir nou annan provizyon pour Bidze *training as well*. Mersi.

MR DEPUTY SPEAKER

Ou annan klarifikasyon, Onorab?

HON FLORY LARUE

Mersi Mr Chair. Wi, mon annan en klarifikasyon. Mon ti a profite osi pou dir pep Seselwa, lala moman pour zot kapab partisip avek *Electoral Commission*, ki fer ki nou annan nou en eleksyon endepandan e kredib an 2025.

Savedir bann ki pa le enterfer ek politik, me ki le fer en vre travay pour zot pei, zot kapab vin devan e partisip avek *Electoral Commission*.

Mon ti a kontan demann Madanm Amesbury, si i kapab spesifye lekel *building*? Mon pa'n byen konpran kote *building* zot pe bouze. Mersi.

MR DEPUTY SPEAKER

Klarifikasyon lo la *panel*.

CHIEF ELECTORAL OFFICER MANUELLA AMESBURY

Mersi Onorab. I apel *Steel Building*, sennla ant Minister Ledikasyon avek *SIT, SITE* Mont Fleuri. Mon krwar I zonn. Ale, *thank you*.

MR DEPUTY SPEAKER

Mon ava envit Onorab Kelly Samynaden.

HON KELLY SAMYNADIN

Mersi Mr Chair. Bonzour *panel from Electoral Commission* e zofisye Finans.

Mon'n not serten logmantasyon mazer dan zot Bidze ki enkli premyerman *consumables*, sorti 100 mil and 2023 pou ariv 516 an 2024; apre dan *overseas subsistence allowance* sorti 152 mil an 2023 pou ariv 317 an 2024.

E dan *domestic subsistence allowance* sorti R20 mil an 2023 pou ariv 675 mil an 2024. Eski nou kapab ganny en lesplikasyon lo sa bann logmantasyon silvouple? Mersi.

CHIEF ELECTORAL OFFICER MANUELLA AMESBURY

Mersi Onorab. Pour sa *consumables, yes, you are right*.

Sa en gro parti I annan pou fer avek sa AGC, sa *annual general conference*, ki nou sipoze pe fer Sesel lannen prosenn. San menm sa ou war sa logmantasyon e li I annan en Bidze 1.4 milyon ki'n ganny *allocate pour sa* levennman li menm li. Lot kestyon?

MR DEPUTY SPEAKER

Overseas ek domestic subsistence allowance.

CHIEF ELECTORAL OFFICER MANUELLA AMESBURY

With regards to overseas, Komisyon Eleksyon i annan bann lobligasyon konsernan obzervasyon e nou'n pran kalandriye SADC lo eleksyon ki dan larezyon. E letan mon pe koz lo obzervasyon, i annan keksoz ki'n sanze la.

Ki mannyer SADC pe *train* bann dimoun avan i annan 2 faz obzervasyon. I annan sa *pre-election observation*, kot la ou ale ou evalye *the state of readiness* sa pei ki pe fer eleksyon.

Apre ou al pour en 2 semenn, apre ou retournen e apre ou al *for the election time* li menm li. Apre nou'n pran kont lefe ki SADC in osi pe *train*, pe *train* bann dimoun dan *long term observation*.

Menm si nou'n met sa Bidze la i enportan pou, nou'n ganny sa bidze, I enportan pou mansyonnen ki sa sonm ki nou ti'n demande *with regards to the requirement of ECF-SADC, and SADC* li menm li nou pa'n ganny *allocate* avek.

E *even now* lamazorite fwa nou bezwen swazir ant le de lekel ki pour *attend* akoz i pa posib pour nou *attend* tou.

Apre lot pour *domestic* I annan pou fer avek, wi, i osi tonm dan sa AGC. Li i annan pou fer avek transpor, apre akomodasyon pour bann partisipan. Vwala, mersi.

MR DEPUTY SPEAKER

Mersi *panel*. Onorab Naddy Zialor.

HON NADDY ZIALOR

Mersi Mr Chair. Bonzour Konmisyoner avek ou lekip ki lo *panel*. Mon annan, baze lo ou Bidze, eski ou annan okenn provizyon ki pe ganny fer, pour *improve* ou *website* pou fer li enn pti pe pli *user friendly* e donn plis lenformasyon avek piblik?

Epi I annan serten parti ki *non-compliance*, kwa ki pe ganny fer pour tir zot lo *register* konman bann parti politik? Mersi.

**CHIEF ELECTORAL OFFICER
MANUELLA AMESBURY**

Mersi Onorab. Wi, *with regards to* nou *website*, i annan en legzersis ki pe arive la mentnan, kot i annan serten sanzman mazer ki pe arive lo la.

E byensir piblik pe ganny enformen *once* ki i fini konplete. I annan serten sonm peyman pe ganny fer pour nou kapab *upgrade* li, *from* ki mannyer i ete la.

Si ou al lo la ozordi ou pou war poudir i annan serten keksoz ki'n ganny azoute konpare avek ki mannyer i ti ete, so i en louvraz ki *ongoing*.

Compliance of political parties. Nou annan nou 8 *registered political parties*, ladan zis 5 ki *compliant*. I annan 3 ladan ki I annan 2 ki annan *case* Ankour. Alors, letan parti i annan *case* Ankour Komisyon pa kapab touse, bezwen esper sa *case* Ankour fini e apre li i ava le nesaser.

Apre i annan en lot kot Komisyon in fini enform li, pou dir le nesaser pe ganny fer pou fermen. Mersi.

MR DEPUTY SPEAKER

Ou annan klarifikasyon Onorab.

HON NADDY ZIALOR

Yes. Baze lo larepons ki ou'n donn nou, ou'n dir nou i annan 2 parti politik ki an se moman zot annan *case* Ankour, e zot pa kapab ganny touse. Me *come to the election*, eski baze lo zot *Act* sa 2 parti pou annan drwa partisip dan *next coming election*, si sa *case* i ankor aktiv Ankour? Mersi.

**CHIEF ELECTORAL OFFICER
MANUELLA AMESBURY**

Onorab, menm si mon dir ou sa 2 parti i annan *case* Ankour, nou komisyon nou annan nou rikord. Tou le-z-an bann parti politik i konnen, i annan bann let ki ganny anvoye kot zot, pour zot kapab *comply*. Pour zot kapab *comply* avek sa ki *Political Parties Act* pe demande.

Alors determinasyon lo eleksyon i depan en kantite *with the compliance standard*. Mon pa kapab pronons mon lekor la, *at this point in time*, aköz mon konn desizyon lakour. Selman *rest assured* po dir nou, nou annan nou *policy* an plas ki nou sivre. *Thank you*.

MR DEPUTY SPEAKER

Mersi *panel*. *Unless* si I annan okenn lanmen ki mon'n manke. Non, i pa paret. So napa ankor lezot enterven an *on the Floor* ki'n endike, swa zot annan en kestyon lo sa *heading*. Donk, sa

in anmenn nou lafen enteraksyon avek Komisyon Eleksyon. Zot Bidze i trouve lo paz 122 a 128 pou en sonm R19 milyon 316 mil.

Mon ti ava demann tou manm ki an faver pour endike silvouple? Mersi. Okenn manm ki kont? Mersi *Deputy*.

Vot lo *Electoral Commission* pour en sonm R19 milyon 316 mil i annan 20 manm ki'n vot an faver, okenn manm pa'n *abstain*, okenn manm pa'n vot kont. Baze lo lakantite manm prezan dan Lasanble Nasyonal ki antyerman *Caucus LDS*, sa vot in pase par linanimite.

(APPLAUSE)

MR DEPUTY SPEAKER

I reste mwan alor pour remerisi *panel* ki'n zwenn nou la bomaten, sorti kot Komisyon Elektoral dirize par Madanm Manuella Amesbury ki *Chief Electoral Officer*, i akonpannyen par Madanm Rose-Marie Richards ki *Finance Manager*, Manmzel Sheena Boniface ki *Chief Registration Officer* e Madanm Verona Joubert ki *Human Resource Manager*.

Nou ava osi remerisye Mr Commetant e Manmzel Madeleine ki sorti kot Minister Finans pour akonpany nou.

Donk, nou pou *adjourn* la, nou pou rebran travay 2 zer apre midi. E letan nou retourn nou pou zwenn delegasyon sorti kot *Seychelles Human Rights Commission*.

Donk, nou ava *adjourn* e nou ava rezwenn 2 zer apre midi.

(BREAK)

SEYCHELLES HUMAN RIGHTS COMMISSION

MR DEPUTY SPEAKER

Bonn apre midi tou dimoun. *Welcome back* pou nou kontinyasyon travay dan Staz Komite lo *Appropriation Bill, 2024*. E prosen antite ki nou pou zwenn se *Human Rights Commission*. Mon ti ava demann *parliamentary reporter* pou apel delegasyon.

E Bidze Human Rights Commission i lo paz 130-134.

Mon ava dir bonn apre midi e welcome delegasyon ki fek zwenn nou, pe dirize par Mr Elvis Julie ki *Chief Executive Officer*. Ki akonpannyen par Manmzel Karen Jean-Baptiste ki *Senior Finance Officer*, Mr Winsley Cedras, ki *Senior Investigation Officer*.

Nou touzour annan le 2 zofisye Minister Finans ki avek

nou. Sa se Mr Commettant *Deputy Comptroller General* avek Manmzel Madeleine ki *Senior Finance Analyst*.

Donk, la ki nou pou fer, nou pou envit Mr Julie pou fer en *brief* l'entrodiksyon lo *Human Rights Commission*. E apre sa i ava swiv par enteraksyon avek *panel*. *Proceed*.

CEO HUMAN RIGHTS COMMISSION ELVIS JULIE

Bonn apre midi tou Manm Onorab. Bonn apre midi Deputy Speaker. E tou dimoun ki pe ekout nou ozordi apre midi. *Seychelles Human Rights Commission* ti ganny formen an 2018 par en *Act*. E i annan sa manda pou li met 2 keksoz prensipal ki i annan dan son manda, se pou promot e protez *Human Rights*.

Sa i enkli pou fer bann investigasyon, angaze dan medyasyon konsilyasyon, negosyasyon, fer rekomandasyon pou adopsyon bann mezir progresiv pou promosyon drwa imen;

Devlope, kondwir e zer lenformasyon e program ledikasyon. E osi sirvey lenplimantasyon e konplayans bann konvansyon rezyonnal e enternasyonal ki annakor avek lobzektif sa Komisyon. *You want me to proceed further?*

MR DEPUTY SPEAKER

Ou'n fini? Ouswa ou...?

CEO HUMAN RIGHTS COMMISSION ELVIS JULIE

Mon'n eksplik an prensipal nou manda ki nou annan.

MR DEPUTY SPEAKER

Ok. Alright, very good.

CEO HUMAN RIGHTS COMMISSION ELVIS JULIE

Mersi bokou.

MR DEPUTY SPEAKER

You're welcome. So, aprezan nou ava ouver lasal pou enteraksyon. E mon kriy Onorab Zialor.

HON NADDY ZIALOR

Mersi. Bonn apre midi Mr Chair. Bonn apre midi tou bann dimoun ki lo panel. Mon pou al direk dan detay Bidze pou *Seychelles Human Rights Commission*.

Mon vwar 2 logmantasyon ase signifikan, konpare avek sa lannen ki nou ladan. Sa i pou zot *office building* avek zot *acquisition of furnitures*. Eski zot kapab donn nou Lasanble en leksplikasyon vizavi sa logmantasyon? Mersi.

MR DEPUTY SPEAKER

Mon envit *panel* pou en komantr.

CEO HUMAN RIGHTS COMMISSION ELVIS JULIE

Mersi Manm Onorab. Mon ava *allow* mon *Senior Finance Officer* Ms Jean-Baptiste pou reponn sa kestyon silvouple.

MR DEPUTY SPEAKER

Please *proceed*.

SENIOR FINANCE OFFICER KAREN JEAN-BAPTISTE

Mersi Onorab pou ou kestyon. Sa bann logmantasyon i plizoumwenn akòz nou *rental*. Ou pe koz pou sa *office building*? Si ou ti kapab spesifye si an term *rent* oubyen pou sa lot pou *maintenance*. Ki anba *office building* silvouple.

HON NADDY ZIALOR

Sorry. Anba *maintenance and repairs, office building*. Apre anba *minor capitals acquisition of furnitures*.

SENIOR FINANCE OFFICER KAREN JEAN-BAPTISTE

Mersi. Pou sa *office building* anba *maintenance and repairs*, i akòz ler nou ti antre dan sa *building*, i annan detrwa *partitioning* ki nou'n fer. E i annan ankor detrwa pti reparasyon ki nou anvi fer

pandan sa bann lannen ki pe vini. So, nou pou bezwen konmsi en larzan adisyonnèl pou sa.

CEO HUMAN RIGHTS COMMISSION ELVIS JULIE

Eskiz mwan, si mon pou azoute lo sa pwen, letan nou ti pran sa batiman - sa morso dan sa batiman *Pension Fund*, i pa ti'n ganny *design* dan en fason pou li fer en lofis pou en sel lorganizasyon.

I ti'n ganny *design* pou fer bann pti, pti morso pou diferan lorganizasyon. Me avek sityasyon kot nou ti bezwen lespas, e nou *urgency* pou nou komans met an plas nou bann mekanizm, nou ti war li ase ideal pou nou antre dan sa batiman.

Me avek lespri ki gradyelman o firanmezir, nou a kapab fer serten pti modifikasyon *to the existing structure - internal structure*, ki a *suit* nou *needs* en pti pe pli byen.

So, therefore sa *increase* ki nou pe demande se egzaktman sa. Pou nou kapab fer bann pti, pti travay pou nou kapab amelyor nou bann *facility*.

MR DEPUTY SPEAKER

Mersi *panel*. Mon ava envit Onorab Labonte?

HON ANDY LABONTE

Mersi Mr Chair. Bonn apre midi Mr Julie, avek ou *panel*. Mr Chair, mon kestyon i baze lo ler ki Mr Julie in fer son lentrodiksyon. In dir 2 zot manda prensipal se pou protez e promet drwa imen. So, i en keksoz ki mon krwar i vreman, vreman enportan.

E ler mon get zot *strategic priorities*, zot dezyenm *strategic priorities* i dir, “*monitor national, international human rights standard and accessible mechanism for addressing the human rights violation.*”

So, si petet Mr Julie, ti kapab dir nou, dan ki fason ou pe mazin fer sa? Sirtou ler nou pe koz prensipalman bann *minority group*, ler nou pe koz *LGBTQ*, ki zot ankor pe lager pou serten drwa ki zot santi zot pa pe gannnen?

Apre pwen limero 4 osi, ki koz lo “*produce advisory report and study and review government policies and propose unwritten law.*”

So, vi parey ou okouran, dan ki fason kekfw a ou pe mazin fer sa, i annan en Lalwa kot konsernan *Hate Crime Legislation*. Eski i annan serten travay ki ou pe fer avek *Attorney Zeneral* pou get sa bann Lalwa,

ki konsern *human rights*? Sa i mon 2 kestyon. Mersi.

CEO HUMAN RIGHTS COMMISSION ELVIS JULIE

Mersi Onorab. Mon a sey reponn ou 2 kestyon. Prensipalman enn nou manda se pou *monitor* bann norm ek standar nasyonal e enternasyonal. Sa an partikilye avek sa 9 konvansyon ek *Treaties* ki Gouvernman Sesel in sinyen avek bann lorganizasyon enternasyonal.

Nou, nou annan en *monitoring role* ladan. E nou partisip dan sa *UPR report* kan nesesite i ganny demande. Nou pe osi travay avek *Department of Foreign Affairs*, ki zot *owner* sa bann *Treaties*.

E nou konpran ki *Cabinet* in pran en desizyon pou pas en pe sa bann diferan *Treaties* avek zot *respective agencies*. I annan en demars ki pe deroule, kot nou pou travay osi avek sa bann diferan *agencies* pou nou kapab esey travay ansanm pou *monitor*.

Lo kote - Onorab si mon kapab reponn ou kestyon lo pe koz en pe lo bann *marginalized group*, si mon konpran byen? I annan nou program ledikasyon ki'n *very robust*.

E pou fer konpran sa lannen ki'n pase, sa lannen

2023, nou'n angaz nou an *run 28 sesyon across the country*. Various diferan group lasosyete.

Sa i enkli bann dimoun *disabled*, bann zanfan lekòl, bann diferan group dan lasosyete. Nou'n travay avek NGOs; nou'n *conduct session* avek bann group ki petet zot santi zot tonm dan sa kategori *marginalized group*.

Parey bann reprezantan LGBTI osi, in partisip dan bann sesyon avek nou, avek lespri pou nou kapab kontinyen konpran sityasyon ki ep pase dan pei. E *provide* gidans ek sipor e ledikasyon sa bann diferan group lo zot bann drwa.

Nou'n fer bann sesyon pou bann dimoun *disabled*. Parey nou dir mon annan en *whole list of* bann diferan group ki nou'n zwenn ki nou'n vwar, ki mon kapab port dan latansyon *the Assembly upon request*.

MR DEPUTY SPEAKER

Mersi *panel*. Mon ava envit Onorab Roucou pou ou kestyon.

HON MICHEL ROUCOU

Mersi Mr Speaker. Bonn apre midi tou dimoun. Bonn apre midi nouvo *panel*. Mr Speaker, mon oule dir en bonn apre midi spesyal Ms Karen Jean-

Baptiste en zenn dan mon distrik.

Mr Chair, mon kestyon i an term, si zot kapab dir avek mon eski sa responsabilite ki zot annan, kantite travay ki zot annan, eski zot santi ki zot annan ase *manpower*? Ki zot pe fer?

Si non, ki zot pe fer pou zot kapab atrakte bann zenn profesyonnel pou *join* zot lekip? Ki sa i ava ed zot dan sa travay ki zot pe fer. Mersi.

CEO HUMAN RIGHTS COMMISSION ELVIS JULIE

Mersi Onorab. Onorab, pou fer resorti depi ler *Commission* in komans son travay, annefe an 2020 ler sa Komisyon ti'n fini ganny *set up*, nou pe travay avek 13 *staff*. E letan nou'n fer nou *estimation* lo an getan nou manda, e vwar bann responsabilite e bann lobligasyon ki sa komisyon i annan anver Lepep Seselwa, nou'n vwar poudir nou total dimoun ki nou pou bezwen pou travay avek i anviron 32.

E ozordi nou pe koz nou dan 2023, nou ankor pe travay avek sa menm kantite group dimoun anba menm Bidze. Sa i en kontrent dan li menm. I en *challenge* si oule dir dan li menm, akòz nou pe travay avek en *very limited* mendev.

I annan diferan laspe Komisyon drwa imen ki mon kapab *be honest*, dir ki nou pa pe aborde dan lafason ki nou sipoze dapre nou Lalwa pe aborde, zisteman aköz nou napa ase dimoun.

I annan serten *areas* kot nou konpran, nou tande ki i annan bann *human rights violation*. Par egzanp lo kote *employment*, ki nou ti ava vremen enterese pou nou komans fer serten investigasyon, serten *monitoring* dan sa laspe, dan sa domenn.

Nou pa trouv nou kapab komans en travay ki nou pa pou kapab *maintained*. Me *view of the fact* ki nou napa sifizaman dimoun pou ed nou pou desarz sa responsabilite.

So, wi sa i en kontrent. E i fer 3enm lannen ki nou pe demande ki nou ganny en pe plis sipor lo kote resours omen. Me *unfortunately*, pou rezon bidzeter ankor enn fwa nou pa'n kapab ganny sa lasistans.

MR DEPUTY SPEAKER

Mersi *panel*. Mon pou pas laparol avek Onorab Samynadin. Mersi Mr Speaker, bonn apre midi *panel*. Mon kestyon i an referans avek latab 4 lo paz 133. Mon ti a kontan konnen aköz ki verifikasyon

bann *rights base laws*, pa ganny sitye koman *outcome indicator* lo sa latab. Mersi.

CEO HUMAN RIGHTS COMMISSION ELVIS JULIE

Eskiz mwan Onorab. Eski ou ti kapab repet en pti kou ou kestyon silvouple?

HON KELLY SAMYNADIN

Mon ti a kontan konnen aköz ki verifikasyon bann *rights base laws* i pa ganny sitye lo sa latab koman en *outcome indicator*? Mersi.

CEO HUMAN RIGHTS COMMISSION ELVIS JULIE

I annan en travay ki *Attorney* zeneral ki plizoumwen *handle* bann *basic laws*. Nou, nou louvraz se firanmezir ki nou resevwar bann konplent. E osi firanmezir ki nou fer nou bann vizit, par egzanp dan bann *places of detention*, dan bann lezot landrwa ki nou vizite ek bann konplent ki nou pran;

Kan nou vwar neseseite pou annan serten sanzman, amelyorasyon avek serten Lalwa, nou toultan diskite sa lo nivo *Commission*.

E apros Biro *Attorney* Zeneral pou nou kapab vwar, ki manyer sa i kapab ganny adrese. Me selman ou kestyon pe demande aköz ki nou pa'n

met li lada?. Se ki letan nou get nou manda, nou pa vwar li *entirely* direkteman enn nou bann responsabilite koman en Komisyon.

MR DEPUTY SPEAKER

Mersi *panel*. Mon ava pas kestyon avek Onorab Arissol.

HON SANDY ARISSOL

Mersi Mr Chairman. Bonn apre midi Mr Julie avek ou lekip. Mon anvi letan nou pe get manda *Human Rights*, ki koz *to promote and protect human rights*. Me letan mon pe get an menm tan zot *current challenges* premye;- *“unable to setup the commission to fully achieve mandated activities due to limited resources.”*

Mon ti a kontan kekfwa demann zot, ki bann difikilte ki zot pe fer fas avek an relasyon pou zot kapab zisteman koz pou zot *fully achieve* zot manda, pou ki zot kapab desarz zot responsabilite?

E lo menm laliny letan mon'n tann Mr Julie taler, in dir bann program travay ki zot in fer en pti pe partou, partou, ou'n mansyonn osi lekòl. Mon anvi demann ou - parski souvandfwa letan nou koz drwa imen, toultan dimoun i ganny lenpresyon fodre ou'n ganny

bate, ou'n ganny torture, alor ou vin devan kot drwa imen.

Me mon anvi demann ou ki travay zot pe fer, an relasyon ek bann garson ki dan segonder. Ou konnen poudir bann garson dan segonder zot ganny diskriminen, konpare avek bann fiy an relasyon avek zot seve.

Tou garson segonder, i ganny forse, imilye, denigre tou le bomaten kot baro lekòl, parske i bezwen trounen al koup son seve, dapre groser soz ki donn li laba.

Me bann fiy, zot lib pou penny fannen, penny anmare, penny pti lake, tres anler, penny kanboul. So, sa pou mwan i en diskriminasyon; en drwa imen kont en garson ki okip byen son seve.

E pa bliye dan Lekòl Prive Sesel pa anpese bann garson kit zot seve long, oubyen okipe byen, parske seve pa anpes en dimoun aprann.

So, ki travay ki ou biro pe fer avek Bidze ki nou pe donn ou, zisteman avek Minister Ledikasyon pou nou komans sansibiliz Minister Ledikasyon, an relasyon avek drwa imen, pou dir bann garson zot annan menm drwa parey sa fiy an relasyon avek son seve *as long* ki i annord, i prop e i pa pe

afekte li an relasyon avek son *study*.

Ki keksoz in transformen ozordi pe bouze. So, pou nou osi kapab al dan sa letap kot bann garson pa ganny *harass* lo zot drwa koman bann imen. Mersi bokou.

CEO HUMAN RIGHTS COMMISSION ELVIS JULIE

Mersi Onorab pou ou kestyon. Si mon kapab reponn sa enn kestyon avan, apre mon a reponn sa enn apre. Nou travay avek lekol, i en travay ki ase konpreansif. Me selman i pa'n ganny targete *towards any specific group*.

Wi, mon pou dakor avek sa ki ou'n dir Onorab. Akoz mwan osi mon'n deza en ansennyen, e mon konn byen sa ki ou pe dir, ki i annan sa *marginalization of tretman* pou garson avek fiy dan lekol vizavi par egzanp ou'n donn nou seve.

E sa i en *area* ki ti pou enteresan pou nou al en pe pli profon ladan. *To be honest with you*, nou pa'n nou'n tous an zeneral tou *gender across the board*, tou zanfan, tou diferan group dan lekol lo bann *basic human rights* ki *related* avek *children*.

Me selman sa i en *area* ki mon panse i ti a nesese. Nou pa'n deza resevwar en konplent

actually sorti kot en paran, ouswa kot okenn *parties* pou dir nou poudir zot zanfan pe ganny *marginalized* aköz son seve.

Normalman si nou ti'n ganny en konplent, kekfwa nou ti'n *take up*. Me selman nou pou ankouraz dimoun osi si sa i pe arive, pou raport kot nou biro, e nou ava *investigate properly* ki pe arive.

E ler nou fer nou bann *outreach program* dan lekol, sa i ava en keksoz ki nou avan kontan pou nou adrese.

Lo kote *challenges*, parey mon'n dir boner nou *main challenges* se resours imen. Nou annan lekipman, i pa en gro problem. E nou pe travay malgre nou resours imen i limite.

Par egzanp letan pou al vizit bann kaso, nou annan zis en *monitoring officer*, e i en madanm. E ler pou al vizit prizon nou annan zis en *monitoring officer* en madanm. Nou pa kapab anvoy en madanm tousel al vizit en tel fasilite.

So, ki arive, nou *combine effort*. Nou pran en dimoun dan legal, en lot dan *monitoring*, dan *investigation*; nou *form teams* pou nou kapab fer sa travay. Nou pe fer sa travay, nou pe ekrir bann rapor. Me selman

nou ti pou kapab fer pli byen, e fer li pli *robust* avek en pti pe plis mendev si sa i posib.

MR DEPUTY SPEAKER

Mon ava envit Onorab Arissol pou kestyon.

HON PHILLIP ARISSOL

Mersi Mr Chair. Mon kestyon i koumsa. Lekel sa bann *targeted groups* ki HR pe refer lo la dan *contributing indicators*, latab 4 pwen limero 1, lo paz 133? Ki konponan spesifik zot Bidze 2024 pe kouver sa program? Mersi.

CEO HUMAN RIGHTS COMMISSION ELVIS JULIE

Ok. Ou pe koz lo latab 4 (1)(a) an desandan? Ok, anfen bann *target group* ki nou pe travay avek mon kapab dir bokou i bann *duty bearers*.

Bann *duty bearers* savedir bann dimoun ki dan lenstriman leta ki annan sa responsabilite pou enplimant bann drwa dan pei.

Prensipalman nou pe travay bokou avek lapolis, pou fer sorti poudir pou komanse i pa ti sitan byen. Me in annan en gran, gran amelyorasyon. Nou annan en tre bon relasyon avek par egzanp Minister Zafer Entern.

Kot nou pe travay etrwatman avek lapolis, nou donn *training* lapolis, nou partaz rapor ansanm. Nou diskite e nou pe fer parey avek Departman Imigrasyon osi, kot pa mal nou ti annan en pe konplent ki ti'n vini.

E nou osi ganny en tre bon korperasyon Departman Prizon. Sa bann *office bearers* mon kapab dir ti nou *main challenges*, akoz bokou nou bann *complain*, lamazorite nou bann konplent i vize ver sa bann lorganizasyon.

Me osi nou pe travay avek bann lezot Minister; par egzanp Minister Lanvironnman, Minister Lanplwa, e bann lezot *bodies* ki nou vwar sa nesese pou nou komans fer en pe travay avek zot. E *so far response* mon kapab dir, i tre, tre pozitiv e *positive looking for the future*.

MR DEPUTY SPEAKER

Mersi *panel*. Mon ava envit Onorab William.

HON WAVEN WILLIAM

Mersi Mr Chairman. Mr Chairman, mon ti a kontan premyerman mon *welcome panel* devan. Mon anvi sey konpran pou sa Bidze ki nou pe al donn zot la, letan mon pe get anba bann *challenges* an menm

tan *strategic priorities*, mon pe vwar ki zot pe koz lo bann *duty bearers* avek bann *right holders*.

E mon krwar lanfaz pe ganny mete lo ledikasyon. Me mon anvi konpran si zot in annan en program, akoz si napa program *awareness* en pti pe *robust*, dimoun pa pou kapab egzakteman kapab konpran sa ki zot pe dir ladan.

So, an menm tan mon vwar poudir zot pe ganny problemm avek bann diferan lazans, korperasyon. So, ki zefor anplis ki zot pe al mete pou kapab enn;- entansifye lo *education programs*?

E an menm tan ki bann lezot lapros zot pou pran? Akoz ki arive se ki ler ou regarde preski tou le-z-an, zot pe vin avek menm keksoz ki zot pe met devan nou. E prezan i pou bon pou nou konpran poudir be *ok, year 1, year 2* nou'n fer sa. Me *year 3* kwa ankor anplis ki nou pe al fer pou kapab vreman anmenn sa *awareness* dan popilasyon? An menm tan angaz avek bann *MDAs*?

Par egzantp, i ti pou enportan konpran si par egzantp zot *Human Rights Commission*, avek Biro *Ombudsman* avek bann linyon avek bann lezot - menm Lasanble osi i defann *human rights*. So, eski i annan sa *synergy approach* or

intelligence approach ki zot pe mazin lo la? Mersi.

CEO HUMAN RIGHTS COMMISSION ELVIS JULIE

Wi. Pou reponn, wi, Onorab. Mersi pou ou kestyon. Nou travay i en travay kontinyel. E nou lapros se anmenn tou dimoun lo menm *footing*. Lo menm *level of understanding* lo konpran nou rol koman en *Commission*. Me lo bann *duty bearers* pou zot konpran zot rol osi.

Sa i *crucial*, e nou'n vwar poudir i annan pa mal difikilte an term konpran par bann *duty bearers*, kote zot rol i komanse, kote zot rol i fini; kan ki zot donn lenformasyon *Human rights Commission*, ki kalite lenformasyon zot donner, eksetera. In ariv de ka kot nou'n ganny refize serten lenformasyon osi.

So, nou bezwen kontinyen travay ek sa bann lorganizasyon. Pou nou fer zot konpran nou Lalwa, fer zot konpran ki mannyer nou fonksyonnen. E pou nou kapab travay pli byen ansanm, olye travay kont kanmarad.

Akoz a lafen dizour tou sa ki nou pe fer se pou benefis Sesel nou pei. E en pei ki ganny gete byen avek lize drwa imen, i en pei kot lemonn antye i

rekonnet. Rekonnet. li tre byen. E sa zefor i kontinyen.

Parey mon dir nou'n komans *build up* bann *partnership* partou avek bann diferan lorganizasyon. Nou pou *intensify* sa, sa lannen. Sa lannen i annan bann serten group ki nou pa ankor ganny sans vwar, ki nou pe mazine pou targete.

Par egzamp Lasanble Nasyonal in ganny, nou ti komans en travay *sometime back*. Me nou le *fall back* lo sa travay en pe pli solidman, pou nou travay pli byen koman 2 *entity* Leta. Pou nou kapab sof gard e promot drwa imen dan nou pei.

MR DEPUTY SPEAKER

Mon pou aprezan apel Onorab Larue pou kestyon.

HON FLORY LARUE

Bonn apre midi Mr Chair. Bonn apre midi *panel*. Mon ti a kontan retourn en pe dan zot manda ki zot in mete dan Bidze. E zot dir ki i enkli lenvestigasyon bann konplent e angaz dan *mediation*, *reconciliation* ek *negotiation*.

Mon ti a kontan demann zot dan lannen 2023, si zot kapab dir nou konbyen ka ouswa rapor zot in gannyen ki relye avek sa manda pandan sa

dernyen lannen bidzeter, pou nou regarde kekfwa *on average* kwa ki zot pou *deal* avek an 2024?

E osi lefe ki nou'n annan en kantite sityasyon, ouswa keksoz ki piblik in dir lo rol larme dan lapolis konzwent, eski zot kapab dir nou si zot in resevwar konplent spesifikman dan sa kantite ki zot in gannyen? Zot in ganny ka konplent spesifikman lo rol larme, angaze avek ansanm avek lapolis. Mersi.

CEO HUMAN RIGHTS COMMISSION ELVIS JULIE

Mersi Onorab. Mon pou permet nou *Senior Investigator* Mr Cedras pou reponn premye parti ou kestyon. E sa kestyon lo larme mon ava reponn apre silvouple.

MR DEPUTY SPEAKER

Please proceed Mr Cedras.

SENIOR INVESTIGATION OFFICER WINSLEY CEDRAS

Bonn apre midi Onorab. Mersi pou ou kestyon. Pou 2023, nou'n ganny nou 24 konplent an zeneral pou 2023. E nou pa ankor ganny - nou'n gannyen konplent *against police*. Me nou pa'n ganny sa lannen nou pa'n gannyen spesifikman ki *involve*

bann keksoz militer bann zafer koumsa, en?

Nou'n ganny an zeneral, me selman nou annan nou *inquiries* ki nou'n ganny nou... Les mwan fer en pti diferans si ou permet mwan - ant nou annan nou sistenm i apel *inquiries*. Kot parey nou ti eksplike konplenan i vini nou ekout zot. E zot koze nou ekout zot, e nou diriz zot dan sa *mechanism* apropiye konsernan sa ki zot pe met devan.

E si i konsern en konplent, nou anrezistre nou pran zot konplent nou anrezistre direk. Oubyen si zot annan en *mechanism* ki zot pa ankor fini konplete, nou ankouraz zot al dan sa *mechanism*, fini anmenn zot bann laprev, zot bann papye.

Prezan si zot satisfè kot zot in ale, zot pa retourn kot nou oubyen zot donn nou en *call*, zot dir nou zot in fini satisfè. Si zot pa satisfè, zot retourn kot nou, nou anrezistre sa konplent.

E la si zot permet mwan, mon a fer ladiferans ant konplent avek *cases*. *Human Right Commission* pa *deal* avek *cases*. *Cases* se lapolis ek Lakour. Akoz nou annan en *quasi-judicial authority* nou, nou *deal* avek *complaints*. I

annan en diferans ant *complaints* avek ki lapolis i pran, e *complaints* ki *Human Rights Commission* i pran, ok?

Nou, nou pa pou fer en *case as such* ki pou fini parey dan en *criminal cases* ki pou al Ankour. Nou fer *complaints* kot nou'n servi *systematic system*, kot nou kapab adres sa sityasyon dan sa bann landrwa.

En legzanp par egzanzp, si en serten lenstitisyon i annan bokou konplent ki pe vin kont li tanzantan. Nou bezwen donn li en pti *wake up call*, pou dir gete la i annan sa alors dres ou. I annan sa, i annan sa, i annan sa, i vin koman en *systemic*.

E an menm tan, nou ed sa konplenan kot nou ekout li, nou donn li sa siport psikolojik. I vremen - koman enn sa bann dimoun ki lo sa *field* pou fer sa pandan sa pres 3 an – 3 an, pe al lo 4 an mon lo *Human Right Commission*, i annan konplenan ki vini zi si annan ki plere.

Nou annan *tissue* dan nou biro pou eswiy zot larm avek plere. I annan ki vremen zot in eksplik mwan tou sa bann keksoz. Ler zot sorti la dan sa staz *inquiry* mon pe koze - zot in fini satisfè. Zot in vid zot leker zot tou sa ki zot ti annan zot in met deor, zot in ganny dimoun ki pou ekout zot.

Prezan i annan la ki fini lanmenm la zot dir msye, mon'n satisfè ou'n byen ekout mwan zot kontan. Swa i annan ki donn ponnyendmen, bann keksoz koumsa, byen satisfè.

Me i annan ki ler i fini son *inquiry*, nou vwar poudir be sa i konsern pou ou al kot en lot *mechanism*, still mon pou ekout li.

Me selman apre nou kapab *advise* li.

Si i konsern en lot *mechanism* i ale. Me si i pa konsern en lot *mechanism* si in fini in ale i pa'n ganny en bon *feedback* ek sa *mechanism*, nou vwar poudir sa i vin en *complaint*. I annan tou son bann papyè, nou anrezistre son *complaint*. I kapab *end up* kot nou.

Nou ekrir *Human Rights Commission* - nou ekrir sa landrwa nou demann zot en *response* an rezilta sa konplent.

E wi, la pou 2023 nou annan nou 24, me selman i plis bann *complain* konsernan *private*, bann keksoz, bann *properties*. An sa ki konsern *police* nou'n ganny 9, me selman i pa *related* avek bann keksoz militer.

E sa parey Mr Julie in eksplike, vi ki nou annan sa bon *partnership* sa bon ki nou pe koze avek *Internal Affairs*,

zot seksyon avek *Internal Affairs* pe travay lo bann ka lo larepons pou nou *responses*.

E ki nou pe fer dan kote *complains and investigation* ansanm avek *legal unit*, ki en pti pe anplis ki avan, nou kapab apel - apel sa lenstitisyon, vin kot *Human rights Commission*, vin donn nou en *feedback* direk lo rezilta serten sa bann keksoz ki pe arive. Serten sa bann konplent. E sa i en pe anplis ki nou pa ti fer avan, *ok?* Mersi.

MR DEPUTY SPEAKER

Mon pou envit Onorab... ou annan klarifikasyon?

CEO HUMAN RIGHTS COMMISSION ELVIS JULIE

Onorab, ti annan en pti bout kestyon ki mon ti dir mon a reponn apre.

MR DEPUTY SPEAKER

Anr zafer militer?

CEO HUMAN RIGHTS COMMISSION ELVIS JULIE

Wi. Annefe mon pa pou tro *comment* lo sa zafer militer, akoz parey zot konnen, i annan en *case* ki pe deroule lo sa size, lo sa *10th Amendment*. Me selman ki arive se ki, letan nou'n gannyen dimoun ki - mwan personelman mon'n ganny dimoun ki'n *call* mwan. I

dir mwan ki larme in antre se zot, in defons zot laport, in fer isi, in fer laba.

Me letan nou'n demann zot pou vini pou vin fer konplent *officially*, ziska ozordi - koriz mwan si mon mal Mr Cedras - nou napa en konplent ki nou'n resevwar ki nou'n *lodged* direkteman avek militer.

MR DEPUTY SPEAKER

Ou annan klarifikasyon?

HON FLORY LARUE

Mersi Mr Chair. Mr Chair, ou dir i annan 24 konplent, eski sa 24 konplent i sa bann *complaint* ki zot in *retain*, ki prezan i direkteman lye avek *human rights abuse*? E ki i bann statistik ki zot pou dir *these are human right abuses cases* ki'n ganny met devan zot?

Ouswa i zis konplent an zeneral? Dan sa 24 eski i annan bann ki spesifikman atitre avek *human rights*, idantifye *human rights abuses*. Mersi.

SENIOR INVESTIGATION OFFICER WINSLEY CEDRAS

Mersi pou ou kekyon siplemanter. A sa staz nou pou dir li i form par nou *investigation*. Akoz ler en konplent i vin kot nou, i en *allegation*. I en *allegation of sa abuse* dan Sapit 3 nou

Konstitisyon. I ankor dan staz *allegation*.

E parey zot tou zot tou zot konnen, dan *investigation there are 2 sides to a coin to*. Toultan ou bezwen annan en lot parti.

En konplenan letan i vini, i ganny ankouraze pou anmenn tou son bann dokiman, son bann papye, tou son bann keksoz. Letan i vini i kapab vin ek tousala. Me selman nou, nou bezwen al rod lezot ankor.

Sa lot parti i bezwen annan pou li nou pou al rode. E ler nou'n ganny sa, la nou a kapab apre nou ava i form par dan nou *investigation* pou nou ekrire nou rapor.

E wi, a sa staz mon pou dir li koman, mon pa pou kapab konfirm li ki vre i en *right* ki'n ganny abize. Me mon pou dir ki i en alegasyon, ki pe ganny trete koman dan staz lanket. E se lanket ki pou determinen.

CEO HUMAN RIGHTS COMMISSION ELVIS JULIE

Petet Mr Cedras, si ou ti kapab donn en pe bann diferan *rights* ki bann konplent i vize ver pou donn en pe plis klarite.

SENIOR INVESTIGATION OFFICER WINSLEY CEDRAS

Ok, mersi CEO. Ok, an zeneral bann *allegations of human rights abuse*, nou ganny for

bann *right to liberty*. Par egzanp kot i kapab annan pou fer avek lapolis, Imigrasyon, *ok?* La par egzanp kote i annan bann alegasyon kot dimoun i ganny detenir.

Ok, detenir malapropo, tousala nou bezwen fer lanket letan nou ganny sa bann konplent nou bezwen fer lanket. Parey mon dir i ankor alegasyon, akoz sa dimoun ki vin kot ou i *one sided*, nou bezwen rod sa lot bout.

Aprè nou annan... *ok*, mon pou lir en pti bout la – “ *most complains evolve around allegation of the right to liberty, the right to freedom of movement, the right to work and the right to property.* ”

Sa bann keksoz, sa ki plis. E *property*, mon osi dir ki dan nou bann konplent ki nou gannyen i annan ki *involved* lenstitisyon piblik, apre i annan prive. Nou ganny bokou prive osi.

I annan dimoun dan prive ki zis anvi vin koze, vin rakonte. Prezan ki nou fer, nou *go* - i annan en keksoz ankor ki *Human Rights Commission* pe fer en pe anplis ki i pa ti fer avan.

Nou asiste bann konplenan oubyen bann ki vin fer zis *inquiries legal aid form*. Nou ranpli sa pou zot osi, *ok?*

E mon annan detrwa konplenan ki'n satisfè, ki aktyelman la zot ka i Ankour avek *legal aid* pe pase zot satisfè, *ok?* Me selman sa ki pli enportan pou bokou konplenan, bann dimoun ki vin kot nou dan nou seksyon sa nou *unit*, se sa lekout. Sa lekout i vremen enportan pou zot. Zot kontan sa en kantite.

E nou pouvwar i permet nou anba seksyon 14 dan nou Lalwa. Si zot get nou Lalwa Seksyon 14 koman *subsection* (1) antye i annan en kantite konsernan bann keksoz ki *Human Rights Commission* i devret pe fer.

Me parey in ganny dir lo kestyon resours, nou annan serten limitasyon. Me selman nou pe sey nou mye avek sa ki nou annan pou le moman.

MR DEPUTY SPEAKER

Mersi *panel*. Mon ava envit Onorab Monthy pou kestyon.

HON PHILLIP MONTHY

Mersi Mr Chair. Bonn apre midi Mr Julie avek ou *panel*. Ler mon pe get anba *program 1, performance measures for program 1 level of compliance*, eski ou kapab dir nou ki bor Sesel i *rank* lo *ranking Human Rights* dan lemonn?

E osi petet ki manner sa Bidze pou ede swa mentenir sa *ranking* aktyel, oubyen menm fer pli byen pou *improve* nou *ranking* a lavenir? Mersi.

CEO HUMAN RIGHTS COMMISSION ELVIS JULIE

Mersi Onorab. I annan serten konvansyon ki letan nou'n komans fer sa travay, ki ti annan 10 an, 15 an pa'n zanmen rapor pa'n deza ganny prodwir dan lepase.

So, nou, nou pe travay avek sa bann lorganizasyon pou fer sir ki nou *conform*, nou *comply e we do become compliant at all times*.

Akoz nou'n ale, nou'n al siny sa bann dokiman. Nou'n agree ki nou pou onor sa bann keksoz.

E dan sa bann konvansyon mon kapab dir an zeneral, nou'n war en gran *improvement* sa detrwa dernyen lannen. 2 lannen, 3enm ki mon la, kot nou war kot i annan serten demars pou *comply*.

An zeneral mon pa pou kapab dir ki *ranking* nou ete lo kote nou bann *conventions*, me selman nou annan *good notes*. *As a country, as a nation*, nou ganny konsidere koman en nasyon ki *compliant*, an zeneral.

MR DEPUTY SPEAKER

Ou annan klarifikasyon Onorab?

HON PHILLIP MONTHY

Mersi Mr Chair. So, Mr Julie, sa ki ou pe dir nou se ki menm si ou napa en *ranking* la aktyel pou dir nou, Sesel pe fer pli byen deplizanpli lo sa nivo?

E eski ou kapab zis dir nou ki manner Bidze ki nou pe al pase la, nou pe al vote pou donn zot la, pou ed nou, pou ed Sesel mentenir sa *momentum* - si mon kapab dir - lo nivo *human rights* dan lemonn? Mersi.

CEO HUMAN RIGHTS COMMISSION ELVIS JULIE

Par egzanp, mon war i annan en kantite progre. Annou pran par egzanp bann *issues regarding to detention*, eksetera. Mon konpran poudir letan nou ti fer nou premye rapor, vizit bann *places of detention* petet i pa ti ganny byen ganny pran pou komanse.

Me sa ki enteresan pou vwar poudir ozordi ler nou'n fer nou *second visit* - sa lannen nou'n retourn en pe dan sa *places of detention*, zis pou pran en legzanp Onorab Monthy.

Nou vwar poudir in annan gran amelyorasyon lo bann fasilite, sirtou kot bann dimoun i ganny *detained*. E nou vwar

deplizanpli si i annan sa zefor e sa lanvi pou nou kapab mentenir sa bann standar.

E i annan par egzanp 2 nouvo *police station* ki'n fek ganny fer mon krwar Praslin avek La Digue, ki nou'n fer en zefor pou al vizite. E nou vwar poudir i annan gran, gran amelyorasyon *from the first time* nou ti ale 2021 mon mazine, 2021 ler nou ti ale.

So, i annan sa demars, i annan sa zefor. E bann lorganizasyon osi pe servi nou bann rapor, pou zot argimant zot ka letan zot pe rod Bidze pou zot fer serten amelyorasyon dan bann lenfrastruktir ouswa dan zot striktir li menm li.

So, i en travay ki *on going*. I pou pran en pe letan pou nou ganny tou keksoz drwat. Me selman mon war nou pe travay dan en bon direksyon.

MR DEPUTY SPEAKER

Mon ava envit Onorab Labrosse pou keston.

HON RICHARD LABROSSE

Mersi Mr Speaker. Byenveni Mr Julie ek ou lekip dan Lasanble ankor enn fwa. Mr Speaker, mon annan 2 keston pou Mr Julie. Premye mon pou komans kot Onorab Arissol in fini, konsernan *awareness* dan

bann landrwa travay e osi dan lekol.

Si mon pe ganny en konpran ou la, se ki si mon'n konpran ou byen ou larepons taler, prezan ki zot pe al komans sa travay pou al dan lekol ek landrwa travay. Zot in deza komanse depi avan.

CEO HUMAN RIGHTS COMMISSION ELVIS JULIE

Wi, pandan sa lannen nou'n fer, mon annan en lalis tou bann lekol ki nou'n ale. Pa zis lekol, nou'n al pos- segonder osi bann letablisman edikasyonnel lamazorite nou'n kouper. *Even private school* osi nou'n kouper.

HON RICHARD LABROSSE

Si ou'n kouper tousala, me selman mon pe remarke i annan en problem si ou'n kouper tousala. Savedir si nou pe ganny en konpran ou la, i pe *still* annan konplent dan lekol kot bann garson parey in dir taler pe ganny sa bann problem.

E osi nou konnen i annan bann landrwa travay osi ki annan bann msye ki ganny demande pou koup zot seve, spesyalman si ou rasta.

So, mon problem ki mon pe ler mon pe al vot pou Bidze la, mon ti a kontan konnen ki kantite serye ki bann lezot

lorganizasyon la deor i sipoze pe pran ou lenstitisyon serye? Parski i en lenstitisyon ki ler mon pe get i sipoze enportan dan pei.

E ki langazman ankor ki ou pe fer oubyen kekfwa si ou pe mazin pou revwar en pe ou Lalwa ki ou pe *operate* lo la, pou fer ki i vin en pti pe pli for. Konmsi ler ou tape parey bannla i dir zot tande laba deor.

E mon lot kestyon i zis en pti pe lo menm laliny, si fer krwar demen zot pa ti egziste dan pei koman en Komisyon, ki dezavantaz sa ti pou annan pou Sesel? Mersi Mr Speaker.

CEO HUMAN RIGHTS COMMISSION ELVIS JULIE

Mon a sey reponn ou bann kestyon Onorab. Ou premye kestyon ti vize lo...? Si ou kapab repet sa premye kestyon silvouple?

HON RICHARD LABROSSE

Mon premye kestyon ki mon ti pe demann ou, ki mon ti pe met lanfaz lo la i *create awareness*. Vi ki ou dir mwan ou'n deza al dan bann lekol, dan bann landrwa travay. Me nou *still* annan bann konplent ki pe antre, ki bann garson lekol, bann msye ki rasta pe ganny difikilte; ouswa ki annan

dreadlocks dan bann landrwa travay.

Konmsi mon ti a kontan konnen si i annan okenn travay ki ou pe fer, pou fer ou Lalwa vin en pti pe pli for, ki la deor ler ou koze bannla i ava tande. Mersi Mr Speaker.

CEO HUMAN RIGHTS COMMISSION ELVIS JULIE

Onorab, premye kestyon ki fason ki mon pou eksplik keksoz se ki, ou tande keksoz. Me nou *Human Rights Commission*, nou pa baz bokou nou bann travay lo sa ki nou tande.

Nou annan en *complaints and investigation process* ek *procedure in place*. Letan en dimoun i santi poudir son drwa pe ganny *aggrieved*, ouswa pe ganny abize parey nou servi sa term souvan, sa dimoun i kapab fer *officially* vin *formalized* en konplent kot nou.

E ler i vini, i annan en *process* i ganny en *form*, i ranpli i donn detay, i met tou son alegasyon ladan. E apre sa *inquiry* parey Mr Cedras in eksplike, ek sa *investigation* i komans i *take off*.

E la nou *go as far as go to* sa lorganizasyon, demann kestyon, demann en rapor, demann dokiman, demann *evidence*.

E sa i kapab fini par en *reconciliation*, i kapab pa fini. E dernyen rekour annefe, se ki ler tou bann lenstriman Leta in fini ganny servi, *still* nou *still* *Human Rights Commission* i santi poudir sa dimoun son drwa i ganny *violated* swa dan pratik, lafason ki keksoz i ganny *handle*, i toultan reste pou anmenn sa ka devan Lakour Konstitisyonnèl.

So, it does not stop there, it goes on. Nou pa ankor ariv bokou ka devan Lakour Konstitisyonnèl. Me nou manda i permet nou kapab fer sa. Me si nou pa ganny en konplent, i parfwa difisil pou nou *raise* sa bann *issues* pou nou *investigate* en keksoz. Nou bezwen baz sa lo swa en konplent swa en lobservasyon ki nou'n fer.

E en keksoz ki nou'n komanse sa lannen, se bann *clinics*. Nou'n komans *try out* nou bann *clinics*, nou'n fer 2 lo Praslin, 2 lo La Digue, 1 monpanse Anse Royale. I annan en lot ki nou'n fer dan rezyon nor Mahe. E sa se permet piblik, nou anvoy en lenvitasyon pou piblik. Piblik i vini, bann zofisyè *Human Rights Commission* i fer zot lekor *available*.

E la zot demann zot bann kestyon, zot fer zot bann *query*.

Si zot annan en konplent zot ranpli zot form ensidswit.

Sa i en legzersis ki nou'n komanse ki nou'n war i tre prodiktiv, akoz i en *outreach program*. E i en program ki nou oule entansifye lannen 2024 *and beyond* pou nou kapab *touch base* avek *the right population*. Mersi.

MR DEPUTY SPEAKER

Dezyenm kestyon si ou pa egziste demen bomaten, ki dezavantaz i anmennen pou pei?

CEO HUMAN RIGHTS COMMISSION ELVIS JULIE

I en pe difisil pou mwan reponn. Me mon ava seye. Mon santi poudir annefe nou fek ganny nou en vizit. Dezyenm vizit, me selman i en premye vizit formel sorti kot *UNHCR*. Mon mazine zot ti zwenn serten dimoun dan Lasanble, zot in *meet* avek *the Speaker of the Assembly*. Zot in *meet* avek *the Deputy e the Leader of the Opposition*. E osi zot in al dan bann diferan Minister pou koz avek diferan dimoun.

Sa vizit ti premye vizit pou nou fer *Unites Nation Human Rights Commission* vini pou vin gete si sa ki nou pe fer i anliny, i drwat avek *Paris Principle*. *Paris Principle* se sa

international norm ki diriz bann tou bann *National Human Right Institution*.

Akoz nou en nouvo - nou en nouvo lenstitisyon - pou vin get nou bann pratik. Nou pe atann rapor sa vizit. E sa ki nou'n ganny dir baze lo sa vizit preliminar, byensir i annan en kantite keksoz ki nou bezwen travay amelyore, pou nou ganny akredite.

Akoz i annan en *accreditation process* ki pou an plas, kot ler ou ganny akredite nimerò 1 enternasyonalmann, ou ganny en kantite benefis. Me nou pe travay *towards*, pou le moman nou pa *accredited*.

Nou pe ganny sipor *United Nation Human Rights Commission* ki baze *Pretoria* avek *Geneva*, pou ed nou dan nou bann demars pou nou kapab *move towards* sa.

Me sa ki zot in dir nou, se ki menm si ki nou en nouvo *Commission* ki fek komanse ki nouvo, nou pe fer bokou byen ki en kantite bann *Human Rights Commission*, ki'n egziste bokou letan pase.

E nou lo en bon demars, e sa i en gran lankourazman pou nou. I donn nou bokou kouraz malgre nou annan en pti gin *staff*. Nou annan bann pti, pti difikilte entern, nou war ki nou *on the right pathway*.

E mon pa krwar en sosyete ozordi, en sosyete modern pou kapab egziste si i napa en Komisyon ou kelkonk *of a body* ki protez, defann e edik son pep lo zot bann drwa.

So, en sosyete ki napa sa, i en sosyete ki pou parey nou dir an angle pe *regress*. E Sesel i en sosyete ki pe *progre, progress*.

E *Human Rights Commission*, o firanmezir an mezir lepep i konn li plis byen nou fer nou bann travay, mon mazine a lavenir pou annan son plas byen plase dan lasosyete, e pou donn nou koman en nasyon en bon *international standing* avek nou legzistans.

MR DEPUTY SPEAKER

Mersi *panel*. Mon ava envit Onorab Georges pou son kestyon.

HON BERNARD GEORGES

Mersi Mr Chair. Bonn apre midi *CEO* avek ou *panel*. Bonn apre midi tou dimoun ki pe swiv nou. Mr Chair, mon kestyon pou vin a lafen en pti kontrandi ki mon ti a kontan fer. *CEO*, ou lorganizasyon nou napa okenn problemm avek, *in fact* nou ti siporte ler Lalwa ti ganny met an plas.

E i en lenstitisyon ki byen valab, byen neseler. Ou menm ou, ou'n *allude to the fact* o komansman dan bokou ka, bann rapor ki *Human Rights Commission* in fer i ti annan en tandans negativ, oubyen i ti ganny war koman negativ. E mon pe koz lo kaso, mon pe koz lo sa zafer larme ek lapolis ki *on going*.

Mon pe koz lo trezyenm mwan ki zot ti kritike. E sa i zot rol nou napa okenn problemm avek sa. Me i ti ganny apersewar koman zot annan en tandans negativ, zot annan en tandans anti-gouvernmantal kekfwa dan en serten fason.

Mon konnen ki zot in osi annan plizyer rapor pozitiv ki zot in fer. Annefe yer mon'n aprann ki zot in fer enn lo *Parole and Pardon* ki mon pa ti okouran.

E ki ti en rapor byen reserse, annefe parey tou zot bann rapor. Zot, zot en lenstitisyon parmi bokoulezot, i annan *Ombudsman* li menm ki a enserten moman parey zot konnen i ti *one of the same* - i ti dan menm biro avek *Human Rights Commission*.

I ti ganny trete konmkwa tou lede pe fer menm travay, zot pe mars lo lipye kanmarad.

I annan Lakour Konstitisyonnèl ki ou fek

mansyonnen. E i annan osi nou rol isi dan Lasanble Nasyonal. E bokou bann konplent ki vin kot zot, i al kekfwa annan de fwa dan Lakour Konstitisyonnèl. E osi i vin kot nou.

Mon problemm mon *worry* plito, pa en problemm, mon *worry* se ki *Human Rights Commission* i napa sifizaman vizibilite. Lakour Konstitisyonnèl i annan, Lasanble aktyelman i annan nou lo televizyon toulezour. Me zot pe travay en pe *in the shadows*.

E mon krwar bokou bann kestyon in ganny demande apre midi la in fer referans avek sa. Ki mannyer zot kapab vin pli vizib? Ki mannyer zot kapab fer en travay ki vizib ki tous bann dimoun, e ki zot pa vin zis en lot biro kot ler dimoun i vini pou ranpli *legal aid form*, eksetera. Me ki zot vremen prepar bann rapor etoufe.

E dan sa konteks, eski zot krwar si zot pas en zizman lo zot lekor, ki bann rapor ki zot in pibliye ziska prezan depi zot formasyon i satisfè zot?

Eski zot krwar zot in fer ase, zot in tous ase *areas*? Mon konnen zot in dir parfètman rezon si en dimoun pa vin kot zot avek en konplent, zot pa pou neserman *investigate* li lo zot menm. Zot bezwen dimoun i vin

avek konplent, zot bezwen ki dimoun i *originate* sa bann keksoz.

Me eski zot satisfè premyerman avek zot vizibilite e sa i vin avek Bidze? Eski zot annan sifizaman Bidze, pou zot donn sa vizibilite ki zot bezwen? Eski zot satisfè avek lakantite ek kalite rapor ki zot in fer pandan zot manda? Mersi Mr Chair.

CEO HUMAN RIGHTS COMMISSION ELVIS JULIE

Mersi Onorab. Premyerman lo kote rapor ki nou'n fer, mon pou dir avek sa mendev ki nou annan, e mon krwar ou osi ou'n ganny sa sans lir en pe sa bann rapor, i bann rapor ki *of very good quality*, ki ganny bokou pran letan. E bokou *expertise* i ganny met ladan.

Mon santi nou'n fer ase bon travay lo sa bann rapor, e mon kapab dir nou satisfè avek sa bann rapor. Me mon panse i annan laveni e lespas pou fer en pe plis ankor.

Lo kote vizibilite, annefe bann dimoun *UNHCR* in fer sorti sa pwen. E in dir nou, be gete zot pe fer en kantite keksoz. Nou gete, nou war zot rapor, nou get tou sa ki zot pe fer, zot in anfen get tou nou bann resours, me zot silans tro bokou. Zot devret fer plis pou

showcase bann travay ki zot pe fer, pou piblik konnen ki zot la, pou piblik tann zot; pou piblik kapab swiv zot.

E la mon krwar nou annan en konsansis ki sa i leka. Petet ler nou'n komanse, nou travay bokou *in the background*. E nou'n ganny dir par *UNHCR* poudir *you need to come out, you need to come out stronger. You need to come out louder. You need to flex your muscle, when necessary*. Pou fer *the greater public* konnen ki zot la, ki zot pe travay, ki zot pe *achieve*, kalite sipor zot pou donner; kalite lasistans zot donner, ki mannyer zot ed piblik.

E sa nou'n agree pou dir sa i pou en *area* an term vizibilite ki nou pou bezwen donn pli gran latansyon dan 2024 e *beyond*. Akoz mon krwar nou'n etabli nou lekor, nou'n la prezan in ler in ariv sa staz kot nou bezwen montre plis sa ki nou pe fer.

Nou pe fer en kantite, me selman petet nou pa - koman nou dir sa - nou pa - wi, nou vizibilite i kapab ganny *improve significantly*. E nou dakor avek sa, e nou pare pou nou *move* dan sa direksyon.

MR DEPUTY SPEAKER

Mersi *panel*. Zot in anmenn nou...

CEO HUMAN RIGHTS COMMISSION ELVIS JULIE

Si ou kapab permet mwan, i annan en pti bout mon'n oublie dir an term vizibilite. Me nou'n osi dan nou nouvo batiman, *set up* nou *hearing room*. Sa i en keksoz nou'n fini *set li up*, zis enn de pti *technical appliances* pou met ladan kot sa lannen ki pe vini 2024 nou, pou komans ekout bann *hearing in the same manner* ki TRNUC i pe travay.

E nou pe ekspekte ki pou annan bokou bann ka ki nou a pe dir bann *overhanging cases* ki TRNUC pou *sort of pass on* to nou.

Nou'n fer serten provizyon dan *budget* pou nou kapab *deal* avek sa bann *case*. So, nou annan en *room* prezan, ki ou kapab dir en *designated room*, pou nou kapab komans ekout bann *complainants* e komans annan *propre hearing* koman en *quasi-judiciary Institution*. Mersi.

MR DEPUTY SPEAKER

Mersi *panel*. Kekfwa mon kapab ganny gidans Lasanble. Akoz i reste... get letan, in fini sot ler ki nou merit pran Bidze SBC. Me i annan 2 Manm ki ankor lo

lalis. Eski nou *extend*? Non, i annan enn ladan i dir *drop* son kestyon. I reste zis 1, *ok*. *Chief Whip* i dir nou koupe, nou koupe?

Ok. So, in arive ler pou nou pran en vot lo alokasyon pou *Seychelles Human Rights Commission*. Sa i trouve lo paz 130 a 134, pou en sonm R8 milyon 950 mil. Tou Manm ki an faver, endike silvouple? Mersi. Okenn Manm ki kont? Mersi Madanm Deputy.

Vot lo *Seychelles Human Rights Commission* pou en son R 9 milyon 950 mil, i annan 19 Manm ki'n vot an faver, napa Manm ki'n *abstain*, napa Manm ki'n vot kont. E baze lo kantite Manm prezan dan Lasanble Nasyonal, ki antyerman *Caucus LDS*, sa vot in pase par linanimite.

I reste mwan pou remerisi, remerisi bann zofisye *from Seychelles Human Rights Commission* ki'n zwenn nou apre midi pou sa enteraksyon. Delegasyon ti dirize par *Chief Executive Officer* Mr Elvis Julie. I ti akonpanyen par Manmzel Karen Jean-Baptiste *Senior Finance Officer* e Mr Winsley Cedras *Senior Investigation Officer*, e zot ti pe ganny asiste par nou 2 zofisye Minister Finans ki ankor avek nou. Nou ava eskiz zot parmi nou, pou

nou kontiny nou travay apre midi avek bann lezot antite. Bonn kontinyasyon lazournen. Tyek byen zot lepa, taler zot ava dir en problem drwa imen dan Lasanble. Nou pa anvi sa sityasyon.

(The Human Rights Commission delegation was excused from the House)

MR DEPUTY SPEAKER

Ok. Mon bezwen gidans. In annan en *oversight* letan *schedule* ozordi in ganny fer, ki napa *tea break*. Akoz SBC i la ziska 3 er ziska 4 er edmi. Apre lot antite i vini *Office of the Public Service Appeals Board* 4 er edmi ziska 5 er. So, eski nou travay en sel ouswa nou koup *half hour* dan SBC pou nou kapab pran *tea break* omwen 4 er?

Mon a ganny gidans, nou a koup en pti gin? Ok? Tre byen, kantmenm 15 minit, *ok very well*. So, *Parliamentary Hansard Reporter*, silvouple apel *panel*.

SEYCHELLES BROADCASTING CORPORATION

MR DEPUTY SPEAKER

Mon a dir bonn apre midi e *welcome* delegasyon sorti kot *Seychelles Broadcasting Corporation* ki fek zwenn nou. Delegasyon i dirize par *Chief Executive Officer* Mr Bérard Duprès, i akonpanyen par Manmzel Denise Horace ki *Financial Controller*.

Bidze SBC i trouve lo paz 71 a 78. E propozisyon son Bidze i R104 milyon 846 mil. So, nou pou envit Mr Duprès fer en *brief introduction* e apre nou ava pran enteraksyon avek Lasanble *on the floor*. *Please proceed*.

CEO BÉRARD DUPRÈS

Mersi Mr Chairman. Bonn apre midi Mr Chairman. Bonn apre midi tou Manm Onorab. E bonn apre midi tou bann manm piblik a lekout lo radyo e televizyon SBC. Mr Chairman, sonm total ki'n ganny propoze pour Bidze pour 2024.

Sonm total ki pe ganny propoze pour SBC pour 2024 i parey ou'n dir R104.85 milyon. Ladan 62.7 milyon, i pour *wages and salaries* e 42.2 milyon i pour *goods and services*.

Sa i en logmantasyon 827 mil, pour *wages and salaries* e 9.3 milyon pour *goods and services* konpare avek Bidze 2023.

Fodre fer kler ki sa logmantasyon R827 mil dan saler, i an rezilta revizyon saler dan servis piblik an 2023. E non-pa aköz demann adisyonnèl sorti kot *SBC*.

Mr Chairman, *SBC* pe mentenir son langazman ki i ti donn Minister Finans an 2021, pour kit son depans lo saler dan sa lanvlop bidzeter ki in gannyen.

Sa i dan konteks ki pandan sa bann dernyen lannen, saler ti reprezant anviron 2 tyer Bidze total *SBC*. Menm si sa proporsyon in desann, en pe pour 2024. Saler pour 60poursan alokasyon total.

Dan konteks bann kou signifikan ki asosye avek nouvo batiman *SBC*, i reste krisyal ki *SBC* i limit, ouswa mentenir son Bidze pour saler dan mwayen term.

Alors an 2024 e 2025 okenn revizyon *scheme of service*, okenn logmantasyon lapey pour bezwen ganny fer dan sa *ceiling* ki nou'n gannyen.

Mr Chairman, pour premye fwa depi 2018, napa en konponan *grant* dan Bidze *SBC*. Sa ti asosye avek *SBC House*. Sa dan li menm i en ledikasyon ki *SBC House*, pe finalman al konplete an 2024.

Mr Chairman, lannen pase, ler mon ti vin isi, pour Bidze 2023, mon ti esey sonn en alarm lo finansman pour *SBC*, pour bouz dan son nouvo batiman.

Pandan sa lannen ki'n ekoule, Gouvernman e zesyon *SBC* governans - (eskiz mwan) – e zesyon *SBC*, in fer legzersis konsekan pour fer sir ki sa kou pour deplasman *SBC*, i pli minim posib.

Nou'n osi prezant serten propozisyon avek Gouvernman pour minimiz kou lo kont piblik, pour sa deplasman. E lo kou operasyonnel e mentenans sa nouvo batiman.

An rezilta sa, son total ki nou ti prezant ek Minister Finans sa lannen, i bokou pli ba ki sa sif lannen pase. Mr Chairman, menm avek sa rediksyon, dan bann kou ki nou'n prezante, nou pa'n ganny ase alokasyon bidzeter ki pour permet *SBC* pour bouz dan sa nouvo batiman.

Dan en fason ki bann anplwaye, nou bann anplwaye, nou bann lopeyasyon e pli enportan nou bann servis ki nou donn nou lodyans, pa ganny konpromi.

Mr Chairman, lo sa note enkyetan, kot mon sonn en lot alarm. Mon ava termin mon lentrodiksyon e mon remersye

tou bann Manm pour zot lekout. Mersi.

MR DEPUTY SPEAKER

Mersi *CEO*. Aprezan lasal i ouver pour bann kestyon e premyer entervenman mon pour apele se Onorab Bastienne.

HON DESHEILA BASTIENNE

Mersi Mr Chair. Bonn apre midi ankore enn fwa Mr Chair. Bonn apre midi *CEO* avek ou lekip. Mr Chair, mwan mon pour avan mon demann mon kestyon, mon pour fer kler, wi. Mwan mon pour vote pour Bidze *SBC*.

Akoz personnelman a plizyer repriz kot mon'n *request* servis *SBC*, mon'n gannye zot prezans, zot in raporte. E osi i annan serten zournalis ek serten travay profesyonnel, ki mwan mon'n benefisye ler mon'n bezwen zot servis.

Bon ki mwan mon poudir, parfwa mon remarke ki dan Nouvel, i annan bokou Nouvel - annan kalite nouvel ki enn pti pe konsantre, ki annan en lenpak - ki kree lenpak negativ dan pei.

Alor mon ti a kontan demann sa kestyon, eski en zournalis i travay lo li tousel apre ki'n fini prepar son rapor? Ouswa eski i annan en lot dimoun ki verifie son raportaz

avan ki i ganny *broadcast* dan Nouvel nasyonal?

Ki i kapab ede pour pa kree bann move lenpak, pour Nasyon an zeneral. E osi pour zot menm zot bann travayer *SBC*. Mersi.

MR DEPUTY SPEAKER

Mersi Onorab. Mon ava envit *panel* pour larepons.

CEO BÉRARD DUPRÈS

Mersi Onorab pour ou kestyon. Mersi pour dan lavans zis dir ou pour donn ou sipor Bidze *SBC*. Onorab ti ava bon, dan sa konteks ganny detrwa legzanp. Me selman mon pa pour egzize ki ou fer li.

Avan mon reponn, mon ti ava dir ki dan bann nouvel swadizan negativ, i annan en ta nouvel pozitiv ki nou pase.

I annan en ta *human interest story*, i annan keksoz ki nou pase pour ki ase salere. Mon krwar avantyer ler mon ti pe get Nouvel ti annan 2. Enn en garson en zenn garson ki ti al vizit Lapolis, apre en koup ki'n annan 50 an.

So, i bon ki nou pa tro zeneralize. Me donn en lot perspektiv lo sa balans kekfwat ki annan nouvel negativ. E mon ti ava kontan petet nou, pour tou dimoun konpran ki nou pe dir ki lenpak negativ. E pour ki

e akoz. Par ler Nouvel i annan en lenpak negativ me selman i valid.

Kot i pa valid nou ti a kontan nou ganny *feedback* pour nou kapab dir, be la i pa valid. E ler nou ganny bann *feedback* koumsa, nou *take it on board*.

Lo kote ou kestyon. Wi i annan tout en *hierarchy* ki revwar Nouvel. Sa zournalis i fer son nouvel, i ganny revwar par *principal editor*. E si i nesese *chief editor* i antre, e si nesese *head of news* i antre.

Depi lannen pase nou'n met nou en kous *reviewing editors*, ki zot, zot la pour asiste dan zot - zot ankadre bann dimoun *part time* an deor. Ki zot endepandan avek *newsroom*, ki zot vini, pour zot vin regard bann nouvel avan i pase.

Nou'n konstate menm si i annan konplent ankor, in annan en rediksyon dan konplent. So i annan de fakter. Bann konplent editoryal. Savedir lo konteni ki nou pa'n zis, ki nou pa'n drwat, nou pa'n parsyel, nou pa'n enparsyal.

Aprè lo kalite teknik *audiovisual* pour sa bann nouvel. So wi, nou annan tout en lankadreman, napa *lone ranger*. Napa personn ki vini ki son nouvel i pase, i dir sa ki sa e personn napa *accountability*.

So, i annan e mon ti le asir ou ki nou pe fer ankor pour nou kapab fer ki *accountability* ler i annan - sirtou ler i annan konplent i ganny pase, refer avek sa zournalis pour li vwar petet kote in mal fer si, i annan kote ki'n amelyore si i valid.

Fotespere mon'n reponn ou kestyon Onorab.

MR DEPUTY SPEAKER

Mon pour aprezan pas laparol avek Onorab Woodcock.

HON WAVEL WOODCOCK

Mersi Mr Chair. Bonzour *CEO*. Bonn apre midi plito *CEO*. Mon kestyon i baze lo zot *current challenges*, lo “*delay in building of new SBC House*”.

Mon ti a kontan konnen ki bann defi ki zot in rankontre, pour *completion* sa batiman? E kan ki zot ekspekte ki sa proze pour konplete? E kan ki zot pe anvizaze bouz dan sa nouvo batiman?

E mon lot kestyon i, eski i annan. Mon bezwen demann sa akoz i annan sa deor la - eski i annan en lord ki *management SBC* in donn bann zournalis pour pa *interview* bann *MNA*, lo bann size ki konsern distrik?

Swa inogirasyon en proze, swa en *meeting* piblik, en *meeting* Gouvernman. Akoz i annan zournalis, ki per pour

interview bann *MNA* an ka zot ganny akize ki zot pe fer politik? Mersi.

MR DEPUTY SPEAKER

Panel proceed with an answer.

CEO BÉRARD DUPRÈS

Mersi Onorab pour ou kestyon. Defi in plito lo kote kontrakter Sinwan e sa in an deor nou lanmen. I vre ki 2018, oubyen 2019 pyer ti ganny mete la. 5 an tou kou nou pe dir nou pe bouze, nou pe bouze.

Me parey mon'n dir lo lentrodikeyon, mon vwar en pe laklerte ki nou kapab pour bouze. Dernyen estimasyon ki kontrakter in donn nou, pour *handover* sa *building* avek *SBC* i lafen Mars 2024.

E dan sa konteks mon kapab permete pou dir, prezan i sanble ki nou ki pour an retar aprezan. Apre tou sa retar, *SBC* prezan ki pour pe tay deryer pour li kapab. *Well*, mon pe dir *SBC*, akoz nou responsabilite pour nou kapab fer ki o pli kourt posib, nou, nou kapab okip sa *building*.

E sa i dan sa laliny alokasyon bidzeter ki mon'n mansyonnen o komansman. Pandan sa bann letan ki nou'n gannyen, mon krwar i ti en keksoz en pe pozitiv osi, pour nou kapab ede pour redwir

bann risk lo kote teknolojik, ki annan avek sa *building*. In donn nou en pe letan pour espire pour nou kapab fer ki bann keksoz i ganny fer pli byen.

E bann teknolozi en pe pli modern in kapab ganny mete dan sa batiman. E pour sa mwan, mon krwar nou lekip entern in fer en bon travay pour kontinyelman angaze avek kontrakter Sinwan.

Pour ki bann keksoz ki zot ti pe donn nou o komansman i ganny sanze pour li met alaoter, ler ou pe mazine 5 an ou'n siny en lagreman. I annan en ta keksoz ki'n depase nou, lo kote bann lekipman *studio* oubyen teknolojik.

Ou lot kestyon Onorab. Mwan mon pa'n donn lord, mon pa okouran si i annan en lord ki'n donner. E mon krwar vi ki ou'n met sa la devan, nou pour al get ladan. Setou ki mon kapab dir ou.

E mwan, zis pour mwan mon lopinyon. Mon pa pour donner en lord koumsa! So nou ava – nou ava al vwar.

MR DEPUTY SPEAKER

Mon ava pas laparol avek Onorab Romain. An, Mr Commettant i le dir en keksoz?

DEPUTY COMPTROLLER
GENERAL JUDE
COMMETTANT

Thank you, Mr Chair. Bonn apre midi tou Manm Onorab. Bonn apre midi tou dimoun. Zis mon ti le zis kontribye enn pti keksoz lo larepons ki CEO in donnen konsernan, pour move dan SBC House.

Akoz en diskisyon ki'n annan, en bon pe diskisyon annefe ki nou'n annan, annan lo sa topik. E enn bann keksoz kle i sa lefe pour fer sa *partitioning* dan sa *SBC House* li menm.

Ki pour permet lespas pour bann *staff* bouze. Akoz menm parey ler nou'n get *building*, nou'n fer detrwa vizit nou pe get groser *building* li menm. I gro wi, i annan bann gro, gro bann – (mannyer ou dir sa?) - bann gro, gro *studios*.

Bann gro, gro *studios* ladan me plito lo *office space* li menm mon kapab dir i en pe limite lo son grander.

E enn bann diskisyon ki'n fer pour fer sa *assessment*, pour sa bann *partitioning*. E en diskisyon ki nou'n fer *internally* se pour *SIA (Seychelles Infrastructure Agency)* fer serten *assessment*. Lo posibilite get, *best use* ki kapab ganny fer *with the building itself given it's specificity* li menm li.

E zis pour met a latansyon Lasanble osi. Ki menm si nou pa pe vwar sa Bidze, dan *PSIP* pour sa *partitioning*, i deza annan osi en *suspense account*, pour *SBC*. Ki annan R3.7 milyon *as at* Oktob, ki *essentially* in ganny *earmark*. I pour kapab ganny servi pour sa *partitioning*.

Me parey mon pe dir, sa i pour mars ansanm avek *assessment* ki pour bezwen ganny fer ansanm avek *SIA*. Pour gete ki mannyer nou pour kapab *if anything can be done* pour *improve*, lo *best use* ki nou kapab gannyen *out of the building itself*. *Thank you*.

MR DEPUTY SPEAKER

Mersi pour sa klarite. Mr Duprès?

CEO BÉRARD DUPRÈS

Mon remersi Mr Commettant pour sa klarifikasyon. Zis pour azoute e petet ler nou donn bann *fees*, bann sif, petet ava pli konpran. Lepas pour lofis, Hermitage i pli gran ki lespas pour lofis dan sa nouvo *building*.

Lepas pour lofis Hermitage i – *well* 13,150 met kare. Lepas pou lofis dan sa nouvo *building* i 981 met kare. Ki sa ki fer sa *building* pli gran? Parey Mr Commettant pe sey

dir, i annan lespas *studio* avek lespas prodiksyon.

E ladan ler ou pe gete i preski 4 fwa plis sa ki nou annan, pour Hermitage. E son *design* savedir ti pour fer li en *media house*, ki fer prodiksyon radyo ek televizyon dan menm landrwa.

E ki'n ganny entegre dan en fason, ki zot *link* ansanm avek kanmarad. E dan sa konteks la, ler nou pe koz sa finansman pour en *building* koumsa, fodre fer sorti ki i annan pozitiv dan sa, se ki ou *future proof* en batiman, en lenfrastruktir pour *years to come*.

E dan sa konteks, wi i gran. E – me mon ti le zis dir ki sa *partitioning*, nou pa pe neserman demann lespas an plis. Me pour nou prezan fer ki nou bann *staff* i ganny sa lespas byen, pour zot kapab fonksyonnen e delivre dan zot travay. Mersi Mr Chairman.

MR DEPUTY SPEAKER

Mersi. Ou annan klarifikasyon Onorab?

HON WAVEL WOODCOCK

I kler ki i annan gaspiyaz lespas dan sa *building*. Mon kestyon, eski ti annan okenn konsiltasyon avek *SBC*? Menm

avan ou vini koman *CEO*, pour *planning* sa batiman?

Akoz ki kler lafason ki'n ganny *design*, i annan en gaspiyaz lespas, e i pa ase pour *cater* pour *needs* ki *SBC* i annan.

Si ou kapab donn en pe lenformasyon. *Was there any consultation? Even as the building* ti pe ganny fer eski ti annan serten propozisyon pour fer serten azisteman, dan sa *building* an mezir ki sa *building* ki ti pe ganny konstrir? Mersi.

MR DEPUTY SPEAKER

Mon envit *panel* pour larepons.

CEO BÉRARD DUPRÈS

Mersi Onorab pour kestyon. Parey ou'n sey fer endike Onorab, ler nou, nou'n vini mwan en semenn, premye semenn ki mon ti dan lofis mon ti pe siny Lagreman avek Sinwan.

Akoz ti'n fini komanse sa, pour nou kapab ganny - pour kontinyen avek sa *grant*.

E mon kapab dir ou, zour nou ti pe siny Lagreman nou ti komans bomaten 9er, 4er nou ti ankor pe diskite avek nou bann *Board member*. Mr Tirant, Mr Lafortune pour sey fer serten lazistaz avek sa *building*.

Nou'n ganny serten konsesyon. Pour ... - in *fact*

pour fer li *fitter for purpose*. Me lamazorite nou pa'n gannyen. Ler ou'n ganny en *grant*, ou ganny en kado ou pa kapab tro, parey i dir, '*beggars cannot be choosers*'.

So nou, nou'n bezwen agree kantmenm nou'n ganny en pe konsesyon, agree ki mannyer sa *building* i ete. Antretan parey mon'n endike nou'n kontinyelman negosye, diskite. Avek lo kote Sinwan pour nou kontinyen ganny serten konsesyon, enkli sa bann rea-ranzman ki nou ti ava kontan.

Tou kou, mon krwar *fall back* se ki, i annan en lagreman ki'n sinyen, i annan serten kou ki vin avek sa pour kontrakter. E rezistans lo sa size. In annan en pe *give and take* nou pa pour kapab dir non, me selman i pa'n petet sa ki nou ti ava anvi fer.

Lo bout lo kote gaspiyaz lespas sa i *arguable*. Mon pa tro krwar ler son *design* in ganny fer ki i en gaspiyaz. Nou'n dir kontrè, napa lespas pour lofis. Prezan nou, nou anvi *re-purpose*.

Si pour sa gro *studio* akote i tro gro, i la. Nou, nou bezwen fer ki nou optimiz li, e fer ki nou servi li byen pour li kapab delivre lo sa groser ki i annan. Mersi.

MR DEPUTY SPEAKER

Mon pour aprezan apel Onorab Romain.

HON GEORGES ROMAIN

Mersi Mr Chair. *CEO* bonn apre midi avek ou koleg. Avan mon demann mon kestyon mon ti a zis kontan dir fer *CEO* konnen ki i annan bokou program lo *SBC* ki vreman enteresan.

Me par kont mwan koman en dimoun ki get televizyon, i annan enn de program osi ki i mank keksoz ladan, valer moral, lafason ki mannyer zot pas sa bann program.

Ler mon regard par egzantp nouvel, mwan *CEO* onnetman i annan bann nouvel ki byensir i direk, ou vwar ki zot pe sey montre.

Me par kont i annan nouvel ki bezwen ganny de kote, bezwen balanse. E ler ou bann zournalis i al lo semen, i demann dimoun kestyon baze lo sa nouvel, ou vwar mazorite, i al lo zis en kote.

E mon krwar tou nouvel normalman ler ou get bann gran lasenn enternasyonal, zot balanse zot nouvel lamazorite letan. E i donn ou en nide ki vreman sa nouvel i pe - ki dimoun deor pe vreman panse.

E ler ou pe regarde dan nou pei i annan bokou bann bon keksoz ki pe sorti. Parey

ou'n fer resorti ou menm ki sa pti garson ki malad, ki'n al – ti lo Nouvel sa i tre byen. E mon osi mon'n vremen kontan pou vwar sa.

Me par kont i annan bann lezot nouvel dan pei ki vremen enteresan, ki dimoun i merit konnen. E la nou pa vwar zournalis *SBC* al lo semen pour al *interview* bann dimoun, poudir ki zotpanse lo sa nouvel.

Nou get Bidze ki ozordi ki'n fek pase. I annan bann bon keksoz dan Bidze kot bokou bann *increase*, dan bann benefis pour bann dimoun.

E mon mazine si *SBC* osi ti kapab lo semen demann zot ki zotpanse. Me par kont bann Bidze avan ki annan detrwa keksoz ki dimoun pa kontan. Me selman i annan en lefe lo pozitiv lo pei pour pli tar, bokou dimoun i kritike e *SBC* i pas sa byen lo televizyon.

E mwan menm mwan enn ler mon enn pti pe vremen - mon demande si vremen mon pe get *SBC* menm. Mon pour permet mwan Mr Chair, resaman mon'n fek get en program ankore lo Bonzour Sesel, kot mon ti vwar de ners, e mon respe zot pour sa zot brav.

Zot ti met zis bann keksoz enn pti pe dan zot enn pti pe bann problem – konmsi

keksoz ki zot pa pe byen pase. E zot ti pour met tou zot problem deor.

E mon santi *SBC* i merit al rod en dimoun lasante, pour anmenn devan, pour kestyonn li lo sa bann size, pour gete si sa i vre aköz sa i sa sityasyon ki ou balanse.

E alors mon kestyon, Mr Chair, mon kestyon mon'n vwar dan *strategic priorities 2024-2026*. *SBC* i dir i pour kontinyen donn *training* son bann *staff*.

E zot pour kontinyen fer bann *recruitment*, pour zot kapab kontinyen deservi, donn en servis pour alaoter pour nou dimoun.

E alors mon ti a kontan ou donn mwan enn pti pe vremen ki kalite bann *training* ki zot kontinyen pour donner, pour kapab vremen donn sa valer zournalis *SBC*. Menm zot trale travayer pour kapab kontinyen dan sa bann bon program.

Epi mon okouran, mon krwar sa nou tou nou okouran. Mon vwar plizyer zot bann *staff*, bann ansyen *staff* ki ti vremen i annan en bon pe leksperyans. Ou vwar zot dan bann lezot lorganizasyon ozordi. E menm zot pe koze lo televizyon e zot in kit *SBC*.

E alors mon kestyon dan sa laliny ki vremen *SBC*, zot

management pe fer pour *avoid* perdi sa bann travayer avek leksperyans? Mersi Mr Chair.

MR DEPUTY SPEAKER

Mon a envit *panel* pour larepons.

CEO BÉRARD DUPRÈS

Mersi Onorab pour ou kestyon. Si mon pran sa enn dernyen. Ki nou pe fer pour anpes, pour fer *retention* sirtou lo zournalis ki pe ale ek leksperyans?

Si nou pe gete *over* - dan bann lannen ki'n pase bokou. Zournalis tou kou bann ki'n eksperyanse, ki'n *build* zot leksperyans, zot *caliber* dan *SBC*, zot ganny *poach* dan bann lezot travay kekfwa ki en pe pli mwen presyon.

E sa ki'n arive resaman. Sorti koman en zournalis ou al en *PR*, ou al en *job* kot ou pa pe ganny enpakte 8er-4er. Ou annan ou *weekend*, ou annan en pe *work life balance*.

E sa i difisil pour lager avek ler sa lapey pour sa pos i plis ki sa ki ou kapab ofer li. Lannen pase nou'n forse pour nou kapab, forse mon dir pour nou kapab pous *scheme of service* zournalis.

E li dan li menm i montre *still* nou ankor pe perdi. Mazinen si nou ti ankor pli

worst, ki nou ti ete - ki lannen pase.

E nou, nou konsern nou ler nou pe gete nou pe perdi sa bann *staff*. E nou kontan pour zot akoz zot pe fer zot *career development*, zot pe swazir sa ki bon pour zot. E nou respe.

Konsern se ki ler ou get dan - si i annan okenn pe vini dan *conveyor belt*, ou kapab dir pe vini dan - ou vwar poudir piblik. Sa lannen zis 5 nouvo *enrollment* pour nouvo Diploma dan *Journalism* kot *UNISEY*.

E si ou kapab fer enn pti *forecast*, petet 3 i ava *graduate*. Nou sityasyon zournalis dan pei i grav. E *poaching* pour kontinyelman arive. E i pa en karyer ki ou kapab dir i pe atrakte *the brightest and the best*.

Si nou zournalis i la, sa bann ki la se akoz vokasyon. Akoz zot anvil fer en travay ki zot kontan. E vokasyon, menm pa zis zournalis, dan tou lezot domenn i vreman rar konmela.

Mon pa pour konnen si nou ankor *Gen Z* - si *millennial* si kwa. Zot swazir kot zot santi zot *ok*. Napa sa *loyalty or commitment* e nou annan en konsern. E i bezwen annan en alarm lo sa size.

E nou konsernen. E petet sa i reflekte en pe dan sa ki ou'n

mete dan ou premye parti program - parti kestyon.

E nou'n fer en bon pe travay e mon ava reponn ou lo kote *training*. Enn mon'n nonm sa enn pli gran ki kapab donn ou en Diploma. Me dan *SBC* nou fer *training* kantite. *Internal* nou annan nou *Training Center*.

E pour lannen prosenn nou anvi os sa, pour nou kapab fer li ki – enn; nou komans al rod bann manrmay dan lekol dan *weekend* vin pas en pe letan kot *SBC*.

Sirtou si nou kapab bouz dan nouvo batiman, kot i annan fasilite pour vin seye fer enn pti gin nouvel, fer - zve avek bann lekipman. Pour ou kapab konmsi sey annan en lot *thusiast* pour *content creation*.

I annan en lironi selman dan sa konteks, se konmela dan nou pei. En ta dimoun i kapab *edit*, fer program al lo *online*, fer zot prop pti *YouTube* eksetera. Bezwen demann ou lekor, be akoz dimoun pa le vin zournalis?

Enn fakter mon krwar se sa presyon. E dezyenm sa sosyete ki nou ladan, kot senp ti keksoz zot fer zot ganny kritike, zot ganny kalonmnyen. E zot pe viv dan sa pti kominote ki nou tou nou ladan e pa tou dimoun ki kapab alez avek. Sa i zis en fakter.

Travay zournalis i difisil, presyon i toulezour pour zot kapab ganny sa lanons drwat. I vre ki nou bezwen ganny sa bann kritik, ler zot pa pe ganny li drwat.

Mwan mon krwar selman zeneralizasyon e mon kontan ler ou'n *sandwich* en pe, ler ou dir i annan program ki bon. E nou, nou vremen *open* pour nou kapab fer ki ler i pa bon, pour nou amelyore, pour nou ankouraz nou bann zournalis pou fer pli byen.

E enn bann *training*, *learning* se *learn from the mistakes that you have done*. E pour sa nou fer sa tre byen, nou *share* bann konplent, nou *share* nou bann *learning points*.

E mon ankor kontan ki nou annan en group dimoun ase eksperyans ki fer sa, ki fer ki nou bann zournalis i kapab *do better*. Mersi Onorab.

MR DEPUTY SPEAKER

Mon ava envit – Onorab. Ou annan klarifikasyon?

CEO BÉRARD DUPRÈS

Mersi *CEO*. Mersi Mr Chair. *CEO*, mon apresye, pour bann larepons ki ou'n donn mwan. Mon apresye ou pa'n pran li dan en fason negativ. Akoz sa i mon fason ki mannyer mwan mon'n vwar li.

E selman en, kekfwa enn pti kestyon siplemanter. Par egzantp enn ler, ler mon vwar bann program - Espesyalman parey mon dir ou dan Nouvel, ler zot pe koz lo en *issue* – zot dir ti fer – ou zournalis i dir be nou ti fer kontak avek sa tel antite. Me par kont nou pa'n ganny zot.

Sa i byen, aköz mon konpran zot ti anvi pas lot kote sa lot bout ki pour - ki annan pour fer avek sa nouvel. E la mon santi kekfwa sa zournalis en lot zour i merit vin lo televizyon e dir be nou ti gannyen sa – lala larepons.

Me par kont i resanble zis sa zour i dir sa e nou pa tann ankor nanryen. E prezan i kit ou dan dout. E mwan mon santi lo sa bout i merit annan enn pti pe plis progre lo la. Mersi Mr Chair.

MR DEPUTY SPEAKER

Panel proceed.

CEO BÉRARD DUPRÈS

Mersi Onorab. I vre sa i lye en pe avek ou bout lo sa bout kot i *one sided*. E ler in dir en keksoz parey kot i annan en *increase* dan Bidze, petet oubyen parey sa legzanp ki ou'n donner kot sa de *quest* lo sa program in vini in donn tou sa ki negativ.

Kot *SBC* i manke. Mon pour dakor ek ou kekfwa i annan sa *follow up* petet i pa *as robust. It must*. Mon pa pour donn leskiz aköz i pa leka. Me selman resours i enn.

Me selman lot bout ki mwan mon pour demande, ma servi sa legzanp pour ilistre. Dan sa ka kot sa de dimoun in vini in koze in donn negativ. Prezan *SBC* parey ou ti dir bezwen al rod sa dimoun lasante pour donn sonn pwennvi.

Be annou sey *flick* sa *coin*. Annou dir aköz lasante pa dir *SBC*, nou le en *Right of Reply*. Nou krwar sa pa'n byen dir nou vini nou fer. Ou – mon pa prezimen ki *SBC* poudir ou non sorti la ale.

So, i bezwen annan sa kolaborasyon e nou, nou pe sey fer ki sertennman nou medya Nasyonal, medya piblik pour piblik, pour tou *stakeholder*. Kot si an ka, i annan sa de-balans i annan en louvertir pour sa *Right of Reply*.

E mwan mon santi ki menm dan bann lorganizasyon parey, kot bann *PR* pe fer en *job* ase proaktiv poudir be la nou lorganizasyon pe ganny sa. Aköz nou pa fer en *statement*? Aköz nou pa ale fer en *soundbite*?

Dir avek *SBC* non sa pa vre, sa pa kategorikman byen. E mon krwar i ava fer en bon pe progre dan donn en pe balans pour nou. I annan en serten lekspektasyon ki nou zournalis pour *run around*, pour ganny tou sa larepons, sa lenformasyon ki i bezwen.

I annan en lot parti ankor. En mank lanvi pour *engage* avek *SBC*, par bokou *MDAs*, bokou lorganizasyon ki pa le donnen *interview*.

So mwan mon anvi zis met li dan sa konteks, pa koman en leskiz pour nou balans en pe tou bann fakter ki anmenn ou pour fer sa rezonnman poudir kekfwa i *one-sided*. *Thank you*, Mr Chair. *Thank you* Onorab.

MR DEPUTY SPEAKER

Bon, mon aprezan pas laparol ek Onorab Philip Arissol.

HON PHILIP ARISSOL

Mersi Mr Chair. Bonn apre midi *CEO* avek ou lekip. Mon kestyon i koumsa. *Under 'strategic priorities', e mon vwar i annan, "Undertake a comprehensive human resource review, to include review of schemes of service and performance management system, to enable meritorious remuneration and retention of performing staff."*

CEO mon ti a kontan demann ou, eski sa revi pour ganny fer par seksyon? Konmsi olye ki nou pe get zis *newsroom*. Akoz en kantite dimoun i krwar ki zis *newsroom* ki egziste lo televizyon.

Pour ou get bann lezot seksyon parey, *programming*, prodiksyon avek *technical operator*.

E si sa revi pour ganny fer par seksyon e kan nou ekspekte vwar sa revizyon ganny fer? E ki dele letan nou annan? Mersi.

CEO BÉRARD DUPRÈS

Mersi Onorab pour ou kestyon. Pertinan, *timely*. Wi lannen pase nou ti fer pour zournalis. Mon krwar dan konteks bann kestyon ki'n vini, ki mon konnen pour vini zournalis nou ti bezwen fer premye.

Sa - lannen pase nou ti komans pour radyo avek *engineering and technology*. Nou ti fini, me nou pa ti kapab enplimante nou ti napa larzan.

Sa lannen nou'n fini fer pou *TV production*. Nou'n fer pour *TV production*, ti annan radyo, e nou'n komans pour loperasyon.

Wi, zis pour *answer* ou *shortly*, nou bezwen fer li par faz. Akoz nou pe fer li nou menm. E nou bezwen fer li byen e nou napa kapasite, entern

pour nou kapab fer li en sel kou.

Alors i byen ki, mon krwar kekyon i pertinan. Ler mon dir kekyon i pertinan akoz *reviewing of the scheme of service* pa neserman vedir ki nou annan larzan pour enplimant li.

Annefe sa *Public Service Salary Review in allow*, in fer, in fors nou pour nou kapab dir be *ok* lala ki'n arive. Annou reget nou bann tou nou bann *scheme*, get si nou bann dimoun pe ganny peye *above or below*.

E sa bann ki *below* ler nou'n *benchmark*, i pour bezwen ganny *aligned*. Dan mon lentrodiksyon Onorab, zis pour met en lot kontrent lo la, *SBC* i bezwen *cap* son *business staffing*.

Pour sa lannen. Pour lannen 2024, pour 2025, i bezwen *cap* sa. E nou'n gannyen aprouvasyon *within ceiling*, pour nou al ek *TV production*.

Avek radyo tou, nou pa ankor enplimante pour radyo. I annan radyo avek *engineering and* teknolozi ti ganny aprouve pour sa lannen. Nou pa'n kapab enplimante. Akoz si nou enplimante nou pour en defisit sa lannen ek lannen prosen. Nou, nou bezwen responsab,

pour nou. Nou'n fran avek nou *staff*, poudir wi nou'n fer, lala dokiman, lala kote bann *band* i sipoze ete. Me nou pa'n kapab fer.

On top of that mon krwar, en soulazman en pe ki'n vini, se sa *public salary review*, ki'n arive sa lannen. Mon krwar nou bezwen konpran e apresye sa koman en soulazman.

Alor nou pa kapab taye pour fer tou en sel, apre pour lafen lannen 2024, pour nou vin kot Minister Finans poudir nou dan nou bezwen *supplementary budget*.

E ki pour fer nou mont 2 tyer an menm tan pour annan en lot det, sepa konbyen milyon pour nou gete pour *SBC House*. So, mon krwar i ase eksplike pour nou bann *staff* e pour tou e nou. E nou'n fer dan *staff meeting*, nou'n fer kler e nou'n eksplike, nou'n met an ekrir poudir nou pe fer.

E nou pe *hope*, nou pe fini avek radyo, televizyon, *TV production* ek en *engineering* e nou pe sey enplimante pour sa lannen. Tout an *être* responsab ki nou pa pet sa plafon. Mersi Onorab.

MR DEPUTY SPEAKER

Bon, mon pou aprezan pas laparol avek Onorab Samynadin.

HON KELLY SAMYNADIN

Mersi Mr Chair. Bonn apre midi *panel*. Mon kestyon i baze lo zot ‘*strategic priority*’. I dir ki, pour “*Maintain continued engagement with Government and other stakeholders on the strategic objectives of the Corporation and its challenges.*”

So lefe ki Sesel pe pas atraver en transformasyon ekonomik depi sanzman Gouvernman an Oktob 2020, eski *SBC* pandan sa dernyen 3 an, in aziste son Polisi atraver bann Bidze ki in gannyen, enkli propozisyon pour 2024?

Pour ede dan sa transformasyon koman en *public broadcaster*, pour promouvwar lepanouisman sak Seselwa. E sirtou par pran zot responsabilite personnel anliny avek lobzektif Gouvernman ki o pouvwar?

E dezyenmman mon ti ava kontan konnen; mon ti a kontan ganny lenformasyon lo *maintenance cost of SBC House*, eski zot in pran kont son – *the running cost of the building* li menm li? An sa ki konsern *aircon*, elektrisite e delo. Mersi.

CEO BÉRARD DUPRÈS

Mersi Onorab pour ou kestyon. Mon ava pran *SBC House* premye. Wi, byensir enn rezon

nou pe lev alarm, se kou mentenans pour *SBC House* i pour o.

Me selman i pa - nou, nou travay ki nou'n fer nou'n fer ki i pa - nou *mitigate*, nou pa fer li sitan efreyan. Si nou ti poudir tou le 5 an nou pour penn sa *building*. Nou pe koz en ta milyon, par egzanp.

So dan sa ki mon'n mansyonnen pli boner, se nou'n propoz avek Gouvernman. Parey nou ti dir lannen pase, nou'n kontinyen dir avek Gouvernman, pou dir nou reveni ki nou gannyen avek *advertisement* e byento avek *OTT service*.

Sa i bezwen ganny rebran, ganny remete dan fer program. Sa nou rezondet, nou la pour sa nou. Me selman annou gete ki sa *building* i annan pour ofer, pour li zener larzan. Ki kapab ganny, enn met akote pour pey en pe sa bann *incidental* lenvestisman pour nou bouze.

E apre met akote tou sa ki nou gannyen ler nou pe dir nou pe *rent Training Center*, fer *available* nou *studio for recording*, fer *available* nou *auditorium*; fer *available* nou kantin pour bann levennman.

E tou bann lezot fasilite ki nou annan ki *open in up to public for a low rate*. E petet

donn en pli bon pri pour bann keksoz ki annan pour fer avek prodiksyon odyo vizyèl.

Larzan ki nou gannye ladan, nou met li akote dan en kont poudir be sa i pour *maintenance* sa *building*, bann *periodic maintenance*.

Byensir deza *SBC* i annan en *maintenance budget*. Dan nou profil ki nou'n met avek Minister Finans pour sa enn ki nou pe fer *anear*. Mon pa pe dir ou sa bann ki pe vini ler pour nou al penn.

Of course, nou pour pran sa ki annan Hermitage, nou pour azout ek sa pti gin ki nou'n demande, pour nou kapab fer ki nou keep sa *building up to standard*. E sa i tre enportan, ki nou pa les li deteryore. E sa i en pli gran preokipasyon pour nou.

Ler nou'n fer nou, *forecast on the recurring budget of SBC* pour sa, dan sa konteks. Savedir son *increase* dan *annual cost* ki *SBC* pour annan. I vre kou elektrisite pour preski double.

So deza nou pe depans apepre 4 milyon, nou *forecast* en *minimum* 3 milyon an plis. Sa *building* son bann *roof* i o, i annan en ta *air-conditions*. So nou pe dir 7 milyon.

So, 4 milyon ki nou'n deza annan, 7 milyon *at least*

minimum. Petet i kapab o. E nou, nou dan sa ka nou pe dir be *ok* annou met *solar panel*.

Estimasyon ki nou'n fer nou kapab *save* nou en demi milyon tou-le-z-an, i pour kout nou 1 milyon. Akoz i pa ava pey li pour 5 an bann keksoz, bann nide koumsa.

So apard *from* redwir sa kou elektrisite, nou pe dir ki mannyer nou pour fer ki bann *recurring cleaning services*, bann *maintenance services* i ganny fer dan en fason pli byen pli efikas. E sa nou ankor pe etidye.

So wi. *Overall* nou pe *foresee* ki pour annan apepre - total elektrisite avek *maintenance per year*, apepre en 6 milyon an plis lo Bidze *recurrent*, ki nou napa, pour lemoman.

Lo kote, korperasyon avek Gouvernman. I enteresan ou kestyon Onorab. Mon ti dan regroupman *SABA* kot enn bann rezolisyon. *SABA* i regroupman bann *broadcaster* Nasyonal dan *SADC*.

Premye rezolisyon se pour fer pli bon relasyon ant bann *broadcaster* avek Gouvernman. So, i kapab montre ou poudir nou pa - nou pa diferan avek bann lezot *broadcaster* dan *SADC*.

E en ta rezon akoz i annan en nesosite pour amelyor sa relasyon profesyonnel. Premyerman nou *public service broadcaster*. E mon krwar i bezwen apard nou rol lo katriyenm pilye sosyete, i bezwen konpran - nou tou nou bezwen konpran poudir nou annan en rol pour nou pas lenformasyon piblik, en servis piblik.

So, i annan en lenformasyon dan nou manda. Ki nou ganny kritike par ler ki nou *too government-centric*. Apre nou ganny - par ler nou dir, nou dir nou - parey pe ganny dir – pe sey – nou tro rekilyav avek anba sa ki keksoz ki Gouvernman pe fer.

Mwan mon krwar nou pe sey ganny en balans avek tou resours ki nou annan. Pli boner sa lannen nou ti angaz nou avek bann *MDAs*. E tou le lannen nou fer nou *stakeholders meeting*, pour nou vwar e diskite ki mannyer nou kapab byen deservi zot.

Akoz i en servis sa. Dan sa konteks bidzeter, dan bann konteks politik osi. Ki nou fer ki tou an mentenan nou lendepandans editoryal, ki servis nou kapab fer pour nou bann *public service entities*.

Ankor Onorab, mon pour bezwen dir, i en *two-way street*

sa. Laplipar lorganizasyon i annan *PR* kominikasyon. *Ostensibly* mon pa pe fer en gran – pe ganny pli byen peye ki nou bann zournalis.

Alors, zwenn nou, byen pour promouvwar zot program. E mon pa krwar nou pour frenm laport. Kontrer nou poudir mersi pour vin donn en koudmen.

So responsabilite, *SBC* i en *relay of* mesaz ek lenformasyon. Kot i sorti sa bann mesaz ek lenformasyon? Kot sa bann antite, kot Gouvernman, kot bann *NGOs*.

I annan ki fer sa byen. Mon pran legzanp Minister Ledikasyon. E i annan ki fer sa pa tro byen, mon pa pour nonmen. Alors, laport i ouver pour nou *do better together*. Mersi Onorab.

MR DEPUTY SPEAKER

Mon pour demann on Onorab Labonte pour demann son kestyon.

HON ANDY LABONTE

Mersi Mr Chair. Bonn apre midi, *CEO* avek ou *panel*. Mr Speaker mon annan zis enn pti leklersisman. Me selman avan ler mon demann sa leklersisman mon le zis dir avek *CEO* poudir mon pour vot an faver sa Bidze.

Akoz ou konnen mon annan bokou *staff SBC* ki *constituents* La Riviere Anglaise. La mon mazin parey, Lindy Servina, Solana Athanase avek madanm Asba ki zot donn bokou dan sa letablisman. Alor i enportan ki mon siporte. Osi anvi felisit lekip *marketing sales and marketing*.

Akoz menm dan zot letan manze, si ou vini ou pe vin rod en servis, zot toultan pare pour ed ou. So mon dir zot kontinyen lo sa bon semen.

Me si non-mon anvi ganny en klarifikasyon *in regard to* sa *parking* enterim, pour sa 2 milyon ki'n ganny mete. Si in ganny *build* kote ki'n ganny fer? Akoz mon konnen poudir *SBC building* li menm li, mon pa pe vwar okenn fasilite *parking*.

Vi ki i la dan English River *district*. Petet mon kapab ganny plis klarifikasyon. Akoz i annan demann avek zabitan kote *parking* pour ete pour *SBC House*? Mersi.

MR DEPUTY SPEAKER

Panel?

CEO BÉRARD DUPRÈS

Mersi Onorab. E i rekonfortan ki ou pe rekonnet ki annan en ta *staff* ki pe donner. E mon profite pour mwan dir. Nou apresye. E vre i annan laplipar

staff pe travay tre dir, dan nou lorganizasyon.

Lo kote *interim parking*. I byen ki nou klarifye nou – *parking* enterim apre i annan *parking* a lonterm.

Parking enterim ki nou'n propoze, i zis akote *SBC*, lo menm kote. Kot konmela bann kontrakter pe servi pour met zot bann materyo konstriksyon.

Nou'n ganny prete sa bout later avek Minister Lagrikiltir, la kot ti annan sa vye karantin la, pour lisyen. Yes. So nou'n demande, pour nou servi li. E par lot kote semen akoz li i pli gran i demann en bon pe travay pour fer li vin en *parking* adekwa.

Plizanpli nou vwar sa bout later akote kot nou, kot sa bout ki nou'n ganny prete avek Lagrikiltir. I konvenab pour bokou rezon.

Enn, nou pour napa larzan pour nou fer sa *parking* lot kote semen sa i enn.

Dezyenm i lo menm kote. E semen La Riviere Anglaise pe agrandi. E ou kapab mazin bann *safety, road safety issue*, ki pour annan pour *staff* avek viziter pour *SBC* pe koup sa semen, ki la pour annan 3 *lane*.

E sa i en konsern pour nou, i en konsern pour nou *staff e of course* nou bann kliyan. So wi i nou lentansyon,

nou pa ankore ganny permisyon. Nou pe demande, si nou kapab ganny sa bout later pour fer sa *parking* enterim.

E dezyenm mon kapab dir, nou napa larzan pour nou menm fer sa *parking* enterim, ki'n garanti la, pour fer pour *SBC House*. Ki pour pezibleman pare lafen Mars.

Pourtan en *parking* i *part of the* kondisyon *Planning*, ki lo kote Sesel. Sinwan i annan pour li, son lobligasyon. Menm bann lobligasyon lo kote *the Seychelles side*, se pour *provide* en *parking*.

So kekyon i ankore pa tro kler lo la. So nou pa kapab dir wi nou pe al ganny sa bout. Mon krwar i – mon konnen i annan en ta ki pe *eye* sa *piece of land*.

Me pa nou desizyon ki pou dir kote e menm ler ou napa larzan, ou pa tro kapab lager poudir nou le sa bout.

MR DEPUTY SPEAKER

Fer li vit.

HON ANDY LABONTE

Mersi Mr Duprès pour larepons. Eski petet *SBC* pe mazin vi ki mon parey ou pe dir i annan bokou dimoun ki pare pour investir pour travay avek *SBC* dan lentere piblik.

Akoz i demande *parking* dan sa *area*. Eski ou pe mazin petet *public private partnership*, si i annan nou bann dimoun ki pare pour *invest* ladan ki i kapab vin en *pay parking*? Zot pe mazin vwar dan sa lir osi. Mersi.

MR DEPUTY SPEAKER

Panel?

CEO BÉRARD DUPRÈS

Mersi Onorab. Totalman. Mon krwar mon ti mansyonn sa dan lannen pase. *Public private partnership*, nou'n met devan. *Even* devan *Cabinet* poudir zis konsidere kekfwa lot kote, a *multistorey carpark*, avek komersyal pour en fantastik solisyon pour sa *area*.

Mon krwar *issue* i finansman. Me mon krwar nou bezwen petet ou ava ede dan *visualize* sa *area*, ki en *multistorey carpark*.

Menm akote *SBC*, menm lot kote, avek bann lezot fasilite pour ede pour lev e donn valer sa *area*. E petet tir en pe konzasyon *parking* dan Victoria li menm. Mersi Onorab.

MR DEPUTY SPEAKER

Mon pour envit onorab Zialor.

HON NADDY ZIALOR

Mersi Mr Chair. Bonn apre midi CEO, avek bann dimoun ki lo *panel*. Koman en Manm medya dan Lasanble Nasyonal.

Mon osi mon a profite pour mwan remerci zefor travayer *SBC* depi sa drayver, sa dimoun dan prodiksyon, sa dimoun dan Nouvel, sa dimoun dan kantin, sa dimoun dan *housekeeping* ki ede pour *run SBC*.

So, mon kestyon i lo *Program Expenditure* latab 7. Mon vwar en logmantasyon ase signifikan, dan *minor capital outlays*. Eski ou kapab donn enn pti leksplikasyon avek ki i relye sa logmantasyon silvouple? Mersi bokou.

CEO BÉRARD DUPRÈS

Mersi Onorab. Mersi pour ou bann rekomandasyon pour nou bann *staff*. Touzour i a ganny apresye. Sirtou ler zot pe ganny kritike bokou par ler.

Wi dan *minor capital outlays*, nou annan en logmantasyon. Dan nou diskisyon avek Gouvernman lo *SBC House*, nou'n nabou ganny zot *understanding* ki nou bezwen en *nouvo headend digital* pour *DTT* lo sa nouvo *building*.

E 6 milyon pour al pour sa. 1 milyon pour al en sistenm *telephone* modern. E nou krwar

menm dan sa 1 milyon nou pe fer fason ki nou pe redwir sa kou pli ba posib.

E nou ki nou anvi ek sa larzan, *minor capital outlays* ki nou'n gannyen, maksimiz li pour ganny otan servis ki nou, ki nou kapab. Pour ki i fer ki sa *building* i operasyonnel e *future proof*.

So, wi sa *increase* i la. Me dan nou lalis demann i pa tou. E petet i ava annan kestyon akoz nou bezwen en *digital headend* la apre ki 2018, nou ti lans *DTT*.

I domaz wi nou bezwen premyerman, sa *Grant Sinwan* pa pe donn nou enn. Teknolozi osi pa ti pour konpatib. E kou pour tir sa lekipman ki deza komans *obsolete* Hermitage pour anmenn dan nouvo batiman, i signifikan li osi.

So alor nou bezwen, nou pe dir nou bezwen annan en enstalasyon pour sa. So sa i sa *increase* ki nou'n gannyen. Nou'n ganny nou zis 6 milyon pour en *headend*, avek 1 milyon pour sistenm telefonn.

E parey mon'n dir nou anvi servi sa pour nou kapab *achieve* en pe plis. E sanmenm sa nou pe negosye, nou pe ankor pe serse, nou pe rod tou alternativ, *for the most cost-effective solution* pour *SBC House*. Mersi Onorab.

MR DEPUTY SPEAKER

Nou pour envit Onorab Roucou pour son kestyon?

HON MICHEL ROUCOU

Mersi Mr Speaker. Bonn apre midi a tous. *CEO*, si ou kapab dir nou zis an pasan. Eski ler zot in *move* dan zot nouvo *building* La Riviere Anglaise, e eski sa *building* pour retourn avek Gouvernman? Ki pour arive avek?

Apre mon lot kestyon ki mon pour demann ou. Eski bann direkter ler zot fer program, zot ganny en *allowance* apard ki – ler zot fer en program, eski zot ganny en *allowance* apard ki zot saler?

Si wi, eski bann *cameramen*, bann lezot *staff* ki la avek zot. Parey *cameramen*, *soundmen*, teknisyen eski zot osi tou zot gannyen en *allowance*? Sa an ka wi, bann teknisyen – bann direkter i gannyen. Mersi.

CEO BÉRARD DUPRÈS

Mersi Onorab pour ou kestyon. Mon'n konpran. Sa enn dernyen mon konpran en pe i bann realizater.

Bann realizater ki ganny peye ekstra e prezan i annan sa konsern. Be mwan koman *cameramen* ek *soundmen* akoz

mon pa pe gannyen. Mon ava eksplike.

I annan diferan term ek kondisyon lanplwa. Pour realizater, ou annan ou en kota program pour fer.

E si ou pe fer mon pa konnen, nou lanvironnman, *whatever* ki nou prodwir, i annan en ta dan nou levantay. Ou ganny *assign* koman realizater pour ou fer sa. Sa ou kota.

Ou ganny ankouraze, pour ou fer plis ankor *through commissioning*, koman realizater. Me ler ou fer li koman realizater, tou sa bann program ki ou fer, ou fer li avek diferan *cameramen*, diferan *soundman* sa ki *available*. Se pa - petet i pa tou kou atitre.

So si i annan ka kot sa realizater pe fer en program, kot ou pe ganny peye an plis, se dan sa lankadremman kot ou annan en Lagreman pour en program spesifik an plis, *above* ou *quota* e ou ganny peye pour *deliver* sa program.

Ou kapab ganny peye par erdtan, si ou pa *deliver* ou pa ganny peye. So, i annan sa. E nou pe ankouraze, in ede pour ed os lakantite program lokal ki nou pe fer.

I pa kapab menm parey. Akoz ou sa *cameramen* ek sa -

sa ou *shift* la. Me si ou fer *overtime*, ou ganny *commuted overtime*.

So over and above your contractual, tou dimoun i *entitled* pour li ganny en pe plis, e *incentivize* en pe plis. So, sa, sa diferans ki annan ant sa de.

Mon krwar mon'n sey met sa an kler. Si ou pe demann mwan sa *building* Hermitage si pour ganny - byensir mon ekspekte Leta pour pe espere pour li ganny sa *building back*. Mon pa konnen ki - olyaman pour ki pour sa.

Me nou annan en problenm Onorab. Mwan mon konsern se ki nou riske vwar nou dan de *building* pour en bon pe letan. Pe pey de elektrisite, de kouran, *aircon* eksetera, pe ale, vini.

Nou annan nou en travay enorm pour nou fer. Ler Depite Kontroler i dir poudir larzan pour *partitioning* i la dan en *suspense account*. Nou, nou anvi garanti e *by now* nou sipoze pe lans dan *procurement process* pour sa *partitioning*.

E nou ti ava kontan ki i annan sa *commitment*, pour nou kapab fer ki ler nou ganny *handover* sa *building*. Letan ki annan pour nou fer pour nou fer li *fit* pour en *purpose*, e *as short as possible*, ki nou kapab

rann Hermitage *as soon as possible*. Mersi Onorab.

MR DEPUTY SPEAKER

Mersi Onorab Georges. *Hold on!* Ou ti annan klarifikasyon?

HON MICHEL ROUCOU

CEO. Sorry – mon pour demann ou zis enn leklersisman, en? An term lo kote bann *soundmen*, teknisyen. Akoz zot pa dan menm kadre ansanm avek bann zournalis?

Akoz zot pa ganny ankadre. Konmsi dan menm kad li menm li, avek ansanm ek bann zournalis li menm? Konmsi dan menm – (ki mannyer mon kapab dir ou) kadre. Bann menm *training* an menm tan. Konmsi ansanm?

CEO BÉRARD DUPRÈS

Mon pa tro konpran Onorab. Eski ou pe dir menm *scheme of service*? Oubyen...

HON MICHEL ROUCOU

Konmsi dan menm kad. Akoz zot ...

CEO BÉRARD DUPRÈS

Bon. Onorab, en zournalis avek en *cameraman* ek en *soundman* i ganny sanmenm pa menm kad. De diferan profesyon diferan.

Sepandan ki nou, nou pe fer. Nou pe ankouraze dan loptik ki i pour bezwen ki nou *focus* nou dan *content production*, koman en *content making enterprise*, nou pe ankouraz tou dimoun, *cameraman* si ou anvi aprann *editing*, nou pour donn ou *training* pour al fer *editing*.

Si ou anvi fer - ou en drayver ou anvi fer *camera*, nou pour donn ou sa *training* pour ou fer *camera*. So ki nou fer. Dapre ou *skillset* ek ou lanvi nou pe revwar bann *scheme*.

E sa nou pe lo la poudir si ou, ou anvi fer plis, ou pour gannyen peye plis. Me i bezwen ganny mezirab avek *output* ki oule.

So nou pe rearanze, wi. Nou pe ankouraz bann *technical operator* nou apel zot, *cameramen*, *soundmen* pour kapab antre dan *content production*.

Pa tou ki kapab vin zournalis e li, sa mon kapab - mon bezwen fer diferansye ant responsabilite etik en zournalis, ki li i annan pour li kapab fer ki sa ki i prodwi i byen e dwat. *Versus* ki nou pour mete dan responsabilite *day-to-day* pour en *cameramen* ki li i bezwen fer ki son *audiovisual quality* i bon.

So. Mon pa tro konpran sa bout, met zot dan menm kad. Ki

nou anvi. Nou anvi fer ki tou i ganny *incentivize*. Kapab dir *commensurate* avek sa travay ki zot pe fer. Sa i nou bi tou kou. Mersi.

MR DEPUTY SPEAKER

Onorab Georges, ou kestyon?

HON BERNARD GEORGES

Mersi Mr Chair. Bonn apre midi *CEO*. Bonn apre midi. Mr - Mr Chair *SBC* pour mwan i en - i *still* reste en *enigma*. *At the same time* en ekselan *public broadcaster*.

Vreman *up to the mark*, zot prodwi bann programm ekstraordiner tanzantan. Ou reste emerveye devan en programm ki *SBC* i prodwi lo bann Zil Elwanye, bann dokimanter istorik ki zot fer. Ekstraordiner.

E en lot moman ou vini ou asiz devan Nouvel 8er, e ou ganny nou zoli Sesel pour 5 minit pour 10 minit. E, e ler Nouvel i vini i debalanse, napa serten -.

La par egzantp yer ek avan yer, nou'n annan nou Minis Gouvernman Lokal ek Devlopman Kominoter ki'n vin devan sa Lasanble ki'n pas en *matinée* ek nou.

E se en Minister ki tous tou Sesel antye e in reponn

kestyon *right across* tou distrik Sesel, SBC pa'n pas li ditou.

Sa bann mankman i fer ki zot *status* ki devret vreman alaoter zot les zot lekor *down*. E se toultan *the same culprit*, selon sa ki mon pe tande la ozordi, se toultan *newsroom*. Se toultan *newsroom* ki defayans.

Nou konpran! Nou konpran ki *newsroom* i annan zis en zournen pour li prepare en bilten, eksetera.

I travay plis anba presyon, i napa letan pour li fer en dokimanter, en det kontinyen. *We understand that*.

Me, ou vwar, dan sa profesyon ki mwan mon egzerse. Dan Lalwa Kontra i annan en keksoz ki apel obligasyon de rezilta ek obligasyon nou mwayen.

Ler en dimoun i vin kot mwan, pour defann li Ankour, set en obligasyon de mwayen, sel keksoz ki mon fer mon dir li, *"I'll do my best"*, mon pa kapab garanti ki ou pour ganny ou zafer.

Me ler i vin fer en lavant later devan mwan, i en obligasyon de rezilta, i pa vin. I pa anv i ki - *I'll do my best*; i anv i ki mon anrezistre son later lo son non.

E SBC i egzakte man parey. Zot pa la koman en landrwa *to do your best* zot. Zot

en lorganizasyon *that has to be the perfect public broadcaster*. E zot ganny *let down*, par sa bann pti-sa bann pti defayans, parey sa enn ki mon fek mansyonnen.

E pa zis sa. Ti annan en zoli, en zoli program lo *Tsunami Watch*, ki zot in kouver. Zot in kouver tou keksoz, sof mansyonnen ki Sesel ti reprezante, e ki nou ti annan en par ladan.

Se sa bann keksoz kot SBC i merit *pull up the socks*. E ou tann mwan tou le-z-an, tou le-z-an mon dir sa. I pa en kestyon siporte oubyen pa siporte. I en kestyon nou pa devret koman en Nasyon pe kritik SBC *year in, year out*.

Nou devret, nou devret kapab dir *yah!* *This organization is the best*. E nou'n vwar, nou'n vwar en *improvement*. So, CEO mon annan en problem. E mon annan - toultan mon'n annan sa problem.

Eski mon dir ki *SBC is a great organization?* Oubyen eski mon dir ki *SBC is not a great organization?* *And that is the problem*.

Eski mon siport zot Bidze oubyen, eski mon dir non. Mon pour *withhold* sipor, akoz *it's the only way i have to get through to you*, poudir zot, *get better*.

Of course nou pour siport zot Bidze! E sirtou mwan mon bezwen siport zot Bidze, akoz mon la isi.

Se Bidze Gouvernman, mon pe defann zenere Gouvernman e mwan mon pe defann zentere Gouvernman.

Me mon ti a kontan si mon ti kapab ozordi dir, non, *I withhold my support because i want you to be better*. Mon anvi ki zot delivre *on all, all the points*. Mon pa anvi *ki certain things are great*, e lezot i defayan.

So, dir mwan. dir mwan silvouple. *Why should I vote* apard lefe ki mon *LGB*, mon bezwen fer li -akoz ki mwan koman Manm Lasanble Les Mamelles mon bezwen vot, vot pour sa Bidze? *Convince me that I should*. Mersi.

CEO BÉRARD DUPRÈS

Mersi Onorab. Mon vin lo konvenk ou en pe. Me selman mon konpran ou *conflicted*, me petet dan sa *conflicted* mon osi prezan mon vin *conflicted*.

Me ou'n *single out newsroom*, ankor. Ou'n dir poudir nou'n fer bann bon lezot program. Pour mwan i pour vin en dekourazman pour nou bann zournalis.

Akoz mwan mon santi zot pe fer zot mye. I annan de kote

nou bezwen - sa vre bann keksoz teknik - mon pran responsabilite pour sa.

Mon pa pran responsabilite pour dir ki zournalis i bezwen fer bon nouvel. Parey mon'n *accountable to the Board* lo sa size, mon santi poudir petet tou kou nou pe bouz dan *SBC House*, nou pa pe investir dan lekipman ki devret ekip nou teknikman oubyen anndan.

Akoz nou dir dan nou pti gin larzan annou gete ki nou kapab fer byen. So nou'n ale nou'n depans larzan ki fer nou byen dan *life broadcast*. E mon krwar nou fer sa ase byen. Prezan anndan nou pe vwar sa. E mon krwar i en *choice*.

So teknik, annou pa blanm zournalis, zis pour nou fer kler. Nou, nou ti anvi dan sa *enigma* kot ou'n mete, sey konpran sa, sa pa dakor *to the point* ki akoz ou bezwen *withdraw* ou vot?

Akoz mon persepsyon i pa zis mwan, *Board* e en pe an zeneral. Bann pti pa, pti pa. Kekfwa i pa bann pa ki ou ti ava vwar parey ou'n dir *to be the best*. Mon pa ti a kontan osi ou vini ou dir *the great*. Akoz *great* i fer nou *complacent*, nou *nowhere near great*.

Me mon krwar ou bezwen realize ou menm poudir nou'n

fer progres, pandan sa bann letan. Menm avek *news*, pour fer li drwat e parsyel pour donn en pe plis sa lenformasyon e ledikasyon pour nou pep.

If ou iritasyon is avek sa bann *glitches*, oubyen sa bann ler i vini, i pa pe donn sa ki ou, ou anvi, Sa i en konsiderasyon plis editoryal ki kapab petet ou kapab dir i *arguable*. E nou ti ava kontan ganny li en pe pli pwen ti lo –

Dan sa ka, *it's not acceptable. Whether is a news report or not.* Mon pa pe dir sa bann zoli Sesel *interlude* mwan. Sa i mwan responsabilite.

Mon pe koz lo nou Nouvel, ki avek lentrodiksyon *reviewing editors*. E nou annan defayans la, nou'n perdi 4 zournalis pandan sa detrwa dernyen mwan. 2 ladan *senior*, 3 ladan *senior*.

Pour nou kapab *train* e *bring then*, nou pe *still* pe donn, kapab dir en konparezon avek en *restaurant*, en *daily staple of news*.

Wi, i pa goute parey ou ti a kontan, i pa'n petet byen kwi par ler. I annan zour sa feyte i bon, i annan zour in bril en kote, oubyen ou pa kapab i mank disik. Mon kapab *extend* sa analozi. Akoz ou pour bezwen *redraw* ou, ou *support*

si sa i le ka. Mwan mon krwar, i pa ankourazan e se tou.

Si nou anvi en lorganizasyon avanse, nou bezwen konpran li, e konpran son bann defi. E nou'n met li byen kler dan *PPBB documentation*. E donn li sa sipor pour li *do better*.

Onorab apropriyasyon Bidze pour *SBC*, i en apropriyasyon bidzeter. So, i annan en vot poudir, nou pour donn ou larzan pour ou fonksyonnen e fer.

I konsern mwan, in konsern mwan depi komansman depi ler mon'n vin dan sa pos, ki kontrerman avek model *BBC* ki i ganny en *spending review* tou le-z-an. Kot *politician of the day*, pa kapab enfliyans laliny editoryal en lorganizasyon.

Ki i annan posibilite, si ou ti kapab imazinen ki *CEO SBC* i ale i dir ek son bann koleg editoryal. “La fer sir fer byen, nou pa ofans bann politisyen, akoz nou bezwen ganny zot vot pour nou kapab ganny Bidze pour lannen prosen”.

Mon pa pe met li dan sa konteks ki ou'n dir mwan, Onorab. Be mon krwar mon bezwen profite pour nou get en pli gran *picture as to, what is this process about?*

Tou le lannen mon'n vin la, mon krwar i fer setyem fwa. Kot parey ou'n dir, ou'n dir poudir *news* e i annan lezot rezon, i annan lezot protestasyon *about* nou laliny editorial.

Eski vote pour Bidze *SBC should be solely about the editorial?* Eski ler nou *step back SBC*, annou pran li analozi restoran. Kot i annan diferan prodwi pe donner, *news* ki pa ase, en fraksyon *of* tou bann program ki ou menm ou'n admet e lezot i zistifye, *to withdraw the support*. Mon a les ek ou Onorab.

MR DEPUTY SPEAKER

Ou annan klarifikasyon?

HON BERNARD GEORGES

Yes, Mr Chair. *CEO*, kek fwa ou pa'n konpran mwan. Mon pa'n dir ou mon pou *withdraw* mon sipor. Mon'n dir ou ki annan defwa nou demann nou lekor. E efektifman, mon ti a kontan ou reponn mwan lo sa kekyon senp.

Si sa Bidze ki zot annan pa sifizan pour ou *be the best that you can be*, ki Bidze ki ou bezwen *to be the best that you can be?* E se sa, sa travay ki nou pe fer la ozordi.

Se pa en kekyon; zot vini otomatikman, nou *vote* zot

Bidze. *We want you to be the best, but you need to also satisfy us, ki zot annan sa kapasite to be the best. Of course, zot annan staff ki travay ekstraordinerman byen. E mon'n rekonnet sa.*

Me sa ki nou anvi *from the CEO - from the man in charge of the organization* se, kisisa ki zot bezwen *for you to be the perfect public broadcaster?* Se sa ki mon anvi konnen pour mwan kapab donn ou mon sipor. Mersi.

CEO BÉRARD DUPRÈS

Mersi Onorab. Mon krwar la mon en pe pli soulaze. Mon'n mansyonnen, *journalism is in crisis*. E pa zis Sesel. Partou atraver lemonn. E i pe ganny *eroded by* tou kalite *journalism* ki annan. *Home – whatever*.

E si nou pa fer sir, sa bann problem ki ou pe dir lo kote *the quality ek the reporting, its going to continue. The spiral is down*. Si nou anvi, annou ankouraz zournalis.

Premyerman, nou'n gete. E *in fact*, en konversasyon ki mon'n gannyen avek *Chairman*. Mon pa pe pa rekonnet ou konsern. Nou – e mon'n mete dan mon *recent appraisal* avek *Board*, nou bezwen re get *news from scratch*. E si nou pa fer, kot nou'n arive, nou pa ni pou

kapab mentenir, nou pou regrese.

Kestyon kapasite; kapasite pour nou kapab annan plis zournalis, e plis zournalis de kalite. Kapasite pour nou pey zot menm larzan ki nou kapab pey sa *PR*, sepa *Communication Director* ki al lot kote laba.

E *Chairman* in dir sa. I dir, be sa ki nou bezwen anmennen. Dir avek bann parti prenan pou dir, be *look*; si nou anvi – nou konnen nou annan enn ou de ki bon, dan anndan.

Nou dir; be *look*, si nou anvi bann parey sa, nou bezwen kapab ale pey zot sa. Mon larepons i senp dan sa *context*. *We need to attract and retain calibre journalist*. Akoz la nou pe *focus* zis dan sa rezyon *newsroom* la, en?

Nou annan en lot *issue*. *Leadership and succession planning of the news team*. *Over the years, nou'n depleted*. E nou pe *build the leadership capability*. Me ou pa pe gannyen the *leadership breath – depth and breath*.

Ok, mon kontan ou'n konpran mwan Onorab. Mersi.

MR DEPUTY SPEAKER

Mon ava apel Onorab Larue.

HON FLORY LARUE

Mersi Mr Chair. Bonn apre midi *CEO* ek ou *panel*. *CEO*, letan nou pe get dan Bidze, nou vwar anba manda premye laliny la, i dir ki zot la pour zot *conduct broadcasting services in order to inform, educate and entertain the public*. Sa i lo kote zot manda.

Mon pran sa lokazyon, si Mr Chair i permet mwan, pou tir en laliny osi dan zot *Strategic Plan 2019-2021*. E zot dir “*The major objective of the SBC’s 2019-2021 strategic plan is to ensure that Local Content attains its rightful place as the Corporation’s paramount Unique Selling Point*.”

Si nou retourn dan Bidze, anba *Strategic Priorities*, zot dir ki zot le *improve the quality*. Zot *strategic priorities* i pour lannen prosenn 2024-2026, zot bann target is; “*to improve the quality and audience appeal of SBC’s output*”.

E mon ti a kontan mete la ki i ti annan en serten moman kot, letan nou konman en Manm Medya *Committee*, nou ti ganny ganny dir ki *SBC* i santi ki Nouvel 8er i enn zot program pli *watched* par popilasyon Sesel. Sa fodre ou dir mwan si mon korek ouswa non, *CEO* silvouple?

E nou'n tann bokou Manm in fer en kantite referans

avek Nouvel 8er. So, mon krwar an relasyon avek sa *statement* ki'n deza ganny fer, ki Nouvel 8er i enn bann pli *watched program* lo SBC, mon krwar i annan en kantite merit dan sa ki Manm in dir, anver ki manner nouvel i ganny *perceived* par popilasyon piblik. Lefe ki SBC i en *public funded organization*. I ganny peye avek *taxpayers' money*. So annou *extend* sa pou vwar ki piblik seselwa i panse lo Nouvel 8er, lefe ki ozordi i annan en konpetiter, tel ki Télésésél. E mon kapab dir ou onnetman CEO, ki i annan en kantite Manm isi dan *Chamber* ki nepli gete Nouvel 8er lo SBC. En kantite manm piblik osi pa fer li.

So, mon krwar pour nou bouz devan parey ou pe dir, *to make SBC greater*, e olye regrese pour nou bouz devan, i en keksoz ki bezwen ganny pran serye. Akoz mon pa krwar ki nou pe *relate* lenportans sa program an faver ki manner SBC i fonksyonnen. Manner piblik Seselwa i regard li.

Si nou pou get dezyenm *Strategic Priority*; “*Reinforce SBC’s role in the fourth pillar of our democracy*”. E sa i en keksoz lo kote LDS ki nou'n lager pour *freedom of speech*. E pou nou kapab *improve* ki

manner dimoun i eksprim zot lekor dan nou demokrasi, anba sa Gouvernman.

So, letan mon pou demann mon kestyon, mon ti a kontan demann ou, lefe ki prezan zot annan zot 2 *channel* televizyon depi 2018 – *Juin* 2018. E nou annan en *channel* numero 1, e ki montre Nouvel 8 er lo la.

E nou vwar ki sa *News Extra*, ki li i annan plis detay. Li in ganny bouze lo SBC 2. E 9 er *usually* nou pou war nou avek *Telenovela*.

Lefe ki zot manda i koz lo – letan nou pou dir, *inform, educate*. E nou bezwen get *content* kalite program nou pe mete, eski lafason ki nou pe donn *News Extra* son plas, par met li 9er lo SBC 2, olye direkteman apre nouvel pou dimoun kapab apresye *primary program* ki sipoze pas premyerman lo SBC 1.

Eski nou krwar ki nou pe donn valer sa *content* ki'n ganny prodwir pa zot, kot sa Bidze i ganny mete pour *production* - Espesyalman pou enform piblik lo ki pe arive dan pei? Mersi.

MR DEPUTY SPEAKER

Panel?

CEO BÉRARD DUPRÈS

Mersi Onorab. Onorab, ou'n fer referans ant nou manda. I annan 3 ladan. *Inform, educate and entertain*. Nou bezwen *provide* balans. Si nou ti pou zis *inform*, nou ti ava pe pas *news* kot – met li partou. E nou ti *become* en *news channel*.

We're not. We are the National Broadcaster ki bezwen *provide* tou le 3 sa balans. *Plus, the fourth pillar*. Pour mwan, *News Extra* lo *SBC 2* is a *click of a remote*, byen *advertised to whoever wants to watch*. Pa tou ki anvi *watch*. Nou donn en swa. Sa enn ki anvi get son *Telenovela*, i ganny sans war pou li get son *Telenovela*.

Nou'n ganny sa diskisyon avan avek kote program – mon'n bliye, avek bann lezot parti. Mon krwar kote program parti politik pou ete, akoz nou'n *relegate* li to *SBC 2*, 9 er. Nou kal li. Nou kal *News Extra* 9 er. Akoz? Nouvel i *extend* par ler. *Sport* i vini, i pa fer... Rezon nou kal li, se ki sa dimoun i konnen 9 er, mon pe al get *News Extra* lo *SBC 2*. Nou'n donn li son lenportans.

Onorab, ou ekspoze lo gete – pa get *SBC* par bann Onorab. Mon a pran en analozi; dan en kominote si ti annan zis en *takeaway*. La kot i annan 2, i donn plis swa.

I byen ki par ler – *hopefully*, ou ava al dan sa *takeaway* ou ava konsonm sa ki dan sa *takeaway* ki la. E ou ava konsonm dan sa *takeaway* ki laba. I donn ou plis swa.

Mon pa – bann metrik ki mwan mon annan - sa ki mon'n kapab servi pou gete si vre nou'n deklinen oubyen nou pe avanse.

Lodyans *survey* ki nou'n fer sa lannen, nou'n fer li dan en fason tre endepandan dan lesans ki, nou pa'n dir sa ki i mekontan vin dan nou pwennvi *online*. Nou'n pase *randomly* nou'n demann kestyon.

Me mon war li i ankourazan poudir an zeneral nou pe fer en bon travay. Nou pou fer ankor lannen konmanse. E sa i en fason kot nou ganny *feedback*. Enkli bann ki nou pe gannyen la.

Ler mon get nou bann *metrics* konman en lorganizasyon ki nou pe pous nou bann konteni *online* - nouvel ki nou mete *online*. *Viewership* sa bann reportaz inik e nouvel li menm, in monte.

E se pour sa rezon ki mon krwar enn bann rezon se ki nou annan nou 60 mil *followers* lo *Facebook*, e 35 mil *subscriber* lo *YouTube*. *If it was that bad, we would be not having that kind of*

growth. E mon konnen i pou kontinyen.

Mon bezwen fer sa *counterpoint* akòz ankor enn fwa, parey in ganny dir, persepsyon – e sirtou pour mon *staff* ki pe sey travay dir, nou pa pe get bann kontrent. I dekourazan.

Mwan mon ti ava pli kontan si ti annan legzanp spesifik, e letan akòz nou pa pe gete *SBC – Nouvel*. Eski nou mekontan ek sa ki pe pase, akòz i pa petet sa ki nou ti a kontan i dir?

Me i annan en tan ki nou pase ki balanse, ki drwat, ki byen. E dan mon *context* mon war li lamazorite. Byensir, eski nou kapab *improve*? En kantite. Be annan get bann fakter. Mon'n fek donn Onorab Georges enn bann fakter.

Nou pa pe ankouraze dimoun pou vin travay konman zournalis dan *SBC*. Mwan bann komantr ki ganny fer avek nou, ek mwan, ek nou bann zournalis an prive e parfwa lo rezo sosyal, ou pa pou tro etonnen si en pep *or* lezot pe dir mwan pe ale, oubyen mon pa pou vini.

Eski nou rekonnet pour nou kapab *improve* nou *Flagship Program*? Wi, Onorab. I nou *Flagship Program*, wi. I ganny pli gete. Nou *aware* sa. E

nou bezwen kontinyelman fer, ki nou reste e *host* li.

Si ou al anba *BBC website*, la ozordi, *pick any news*. Ou pou tann detrwa komantr; *BBC* in regrese. I pa bon. In ler pou aret *fund* li par *taxpayer*, eksetera. *Even the best get this kind of feedback*.

Nou, nou bezwen kapab fer ki nou ganny li dan en fason ki pa demotivan, dekourazan. Ki dan en fason ki kapab ankouraze, pour nou kapab fer pli byen. E osi nou standar.

Mwan mon war i byen ki i annan en lot *takeaway* dan sa kominote – pou servi sa analozi, ki fer ki nou kontinyelman bezwen kapab – nou bann prodwi i kapab osi ganny vann avek konsonmater. Mon kontinyen servi sa analozi.

I domaz ki napa bokou konsonmater dapre ou, la, ki pe konsonm nou bann program. Pourtan mon'n tann en pe *otherwise*. Me nou ava fer nou zefor pou kontinyen fer ki zot konsonmen. E sa i nou manda. Sa i nou travay toulezour. Mersi Onorab.

MR DEPUTY SPEAKER

Ou annan klarifikasyon?

HON FLORY LARUE

Mersi Mr Chair. Mr Chair, mon byen apresye ki *CEO* in reponn.

Mon santi ou dezapwentman CEO. E mon vreman senpatiz avek ou.

Me selman nou la pou reprezant piblik. E mon ti a kontan kekfw ki nou regarde dan sa Bidze, si nou kapab kekfw retourn kot sa piblik. Akoz zot ki pou dir ou kwa ki ou bezwen al regarde, pou fer ki ou lorganizasyon i vin en landrwa ki atiran pour dimoun vin travay.

Akoz si sa i pwennvi zeneral, nou pa kapab *pretend*. E mon bezwen siport Onorab Georges ki'n sey met sa devan dan en fason diplomatik, pou dir ki i annan 2 kote. E *as much* ki konman en – *the public entity* ki reprezant medya lo kote Gouvernman, ki nou *fund* zot, nou ti a kontan kapab fer serten komanter.

Me, kot nou'n arive prezan – *yes, content of* sa ki pe ganny met devan, sirtou dan nouvel, i vin en problem pour popilasyon. E la nou bezwen viv avek realite piblik ki deor, CEO. E i pa en plan pou denigre ou ek ou lorganizasyon.

So, mon krwar i plito en keksoz konstriktiv ki nou pe met devan. Anfe ki nou pou bezwen pas sa Bidze pou kapab siport bann *staff* ki travay laba.

E i annan bokou zoli program; *LinkUp*, Lopinyon,

Tête à Tête, Kwen Legal, Kwen Tapi, Zil Pros an Mouvman, *Tremolo*, *My Retro*, *4 Degrees South*. I annan en kantite program.

Me, nouvel i reste enn bann program ki preski tou dimoun i regarde. E i lopinyon Seselwa ki nouvel pa balanse. E yer nou'n vwar zis 2 Manm US pase apre en zournen travay, lo nouvel. I pa balanse, CEO.

I annan en kantite travay ki'n ganny fer dan sa Lasanble pour piblik, akoz i Bidze ki nou pe pase pour pei. Me i pa balanse sa ki ganny montre avek piblik. Mersi.

MR DEPUTY SPEAKER

CEO?

CEO BÉRARD DUPRÈS

Onorab, mersi. Mon apresye ou senpati. Ler ou'n fer ou dernyen *statement*, “nouvel pa balanse”. La nou pe fer en pe progre *as to* akoz pa pe get nouvel. La. Ou'n donn legzanp la. I ede.

Nou, nou ti ava kontan sa bann legzanp i pli *pointu*, akoz zeneralizasyon mon pa war li i ede. E nou retournen kot lodyans nou. Nou pa – kekfw mon larepons i verdir nou pa divorce avek *aware* ki nou bezwen *improve news*.

Wi, nou bezwen *improve news*, me mon pa pou kapab

agree persepsyon ki i pa'n *improve*. E ki i sitan *bad* ki i annan en refi - i annan en *refusal* pou gete.

Si nou pou fer en fran konversasyon, *the refusal* pou gete petet, ler nou santi poudir i pa balanse. Kot nou nou'n war legzanp spesifik ki i pa balanse. Or nou'n ganny konplent, nou'n al *investigate*.

E Onorab, dan laplipar ka, nou ti ava voudre kapab *share* sa aköz – piblikman, aköz en bon pe sa bann lakizasyon pa balanse, pa tro *valid*. Pa mwan ki al *investigate* ki dir ekrir koumsa. Nou pran en bon pe letan.

E pwen ki mon ti le fer sorti se ki, en bon pe kritik, menm ki pase dan Lasanble lo SBC, konman i pase, nou *log*. Nou dir tel Onorab in dir sa. Ou'n dir in mal ganny reprezante eksetera, eksetera. E nou al *investigate*. So nou pa pe sourd lo sa bann konsern. Menm si i pa'n vin ofisyelman.

Mon krwar petet nou bezwen fer en legzersis pou kapab pas sa bann *learning point back to the consumer*. Be selman dan en fason ki ase konfidansyel, aköz i annan ladan serten pwen pour nou *improve*.

Mwan ki mon pe sey dir; *continuous improvement* i

bezwen *re-meet* tou lorganizasyon medya. Pa zis Sesel. Atraver lemonn. E dan sa *context* sa diskisyon ki'n arive ek SABA, i vre. Politisyen Lafrik, bokou, pe deside pou al poz zot *private radio station* aköz *broadcaster* nasyon al pa pe donn zot sa ki zot bezwen *consume*.

Pwen ki ou'n demande, ki ou'n dir, ki nou kapab *go back*. Nou'n fer li bokou dan bann 6 an ki mon'n la. Donn nou en pe plis *funding* ek resours ki nou kapab – pour nou kapab atrakte. Annan sa lespas pour nou *train, bring up, nurture*, E les ale si fodre. Kote. Selman nou kapab *at least* mentenir sa *staple while we are improving*.

Mon nepli fer sa lapel mwan, aköz nou pa'n ganny tande. E mon'n komet dan konteks la ki nou bezwen prezan *cap*. Mon ti a voudre kapab vin dir, mwan mon'n ganny dir pou dir Bidze SBC 100 mil – in sot 100 milyon. I ankor bokou. I tro bokou. Nou bezwen *cap* li.

So, mon pa pou kapab vini dir ou nou bezwen plis larzan pou nou atrakte zournalis, eksetera. So, pour mwan mon war li nou travay konman zesyon SBC, difisil, si ou napa sa lespas fiskal pou kapab *train and retrain* sa ki la. Me atrakte

larelev. Mon aret la Onorab.
Mersi.

MR DEPUTY SPEAKER

Mersi *CEO*. E mon osi mon krwar nou bezwen aret la. I annan ankor 5 Manm i le demann keston. Me malerezman, mon pa pou kapab permet sa arive. Donk in ler pou nou pran en *vote* lo Bidze *Seychelles Broadcasting Corporation*, ki trouve lo paz 71 a 78, pour en sonm R104 milyon 846 mil.

Mon a demann tou bann Manm ki an faver pou endike silvouple? Mersi. Okenn Manm ki kont? Mersi. *Vote* lo *Seychelles Broadcasting Corporation* pour en sonm R104 milyon 846 mil. I annan 16 Manm ki'n *vote* an faver, 4 Manm in *abstain*. Napa Manm ki'n *vote* kont. Alors sa *vote* i pase.

I reste mwan pou remersye zofisye sorti kot *Seychelles Broadcasting Corporation*, dirize par son Sef Egzekitif Mr Bérard Duprès avek Manmzel Denise Horace *Financial Controller*, ki'n zwenn nou apre midi. Nou ava remersi zot pour zot partisipasyon e swet zot bonn kontinyasyon lazournen. Mersi pour zot prezans, e nou ava eskiz zot parmi nou.

(The SBC delegation was excused from the House)

PUBLIC SERVICE APPEALS BOARD

MR DEPUTY SPEAKER

I reste nou en dernyen antite pou konsidere. Menm ler nou ti'n tonm dakor lo en plan avan, me apre zot in bliye zot ti'n fer en plan avek mwan. Donk, nou pou kontinyen pour nou fini sa travay ozordi. Nou ava demann *Hansard Reporter* pou kriy lot *panel*.

Non, parske, mon pou bite avek letan sansan. Zis asire mon annan *quorum* ler zot pe al pran – balanse antre zot. Organize.

Mon ava dir bonn apre midi e byenveni *panel* ki fek zwenn nou. Bann zofisye sorti kot *Office of the Public Service Appeals Board* ki dirize par *Chairman PSAB* Mr Bryan Julie. I akonpanyen par 2 lezot manm *Board*. Sa i Mr Gerald Julie e Ms Louise Belle. E osi Ms Christa Denis ki *Accounts Officer*.

Nou touzour annan nou 2 zofisye finans avek nou. La ki nou pou dir, Mr Julie ou fer ou *brief introduction*. E apre nou ouver lasal pour enteraksyon. E sa sesyon i sipoze ale ziska 5er

apre midi. Bidze pour *PSAB* i trouve lo paz 117 a 118. Mr Julie, *proceed*.

CHAIRMAN PSAB BRYAN JULIE

Mersi Mr Speaker. Bonn apre midi Mr Speaker. Bonn apre midi tou Manm Onorab. Ankor enn fwa i en plezir pour nou vin devan zot, pou fer en pti prezantasyon lo Bidze 2024.

Si zot pas lo sa ki'n ganny soumet, zot a vwar ki i pa'n annan okenn gran ogmantasyon dan nou Bidze. Aktyelman in annan mon krwar en pti rediksyon. Napa okenn aktivite nouvo ki nou'n *entertain* pandan lannen.

E sa ki nou kapab dir se ki, serten keksoz ki nou ti'n *plan* pou fer sa aktivite, nou pa'n ganny sans *plan*. Nou pa'n ganny sans akonplir akoz nou'n bezwen travay lo en pe *training*. Sirtou lo kote *accounts*, akoz nou ti napa en *accountant*. Sa dimoun ki ti pe fer *accounts* ti bezwen arete.

E la nou'n bezwen ganny lasistans avek Minister Finans. E osi en lot antite ki'n ed nou pour nou kapab *train* en nouvo *accounts officer*. Sirtou ti annan en sistenm ki Gouvernman pe enplimante, i apel *TIS*. Sa i permet Minister Finans *keep*

track of tou bann depans ki nou'n annan.

En keksoz ki mon ti a kontan osi enform Lasanble ki, ler nou ti *take over* an lafen 2021, nou ti demande ki i annan en *audit* pour nou kapab konnen ki mannyer bann depans in arive dan lepase.

Nou pa ti ganny en *audit* pour lannen presedan. Be selman par azar, nou, nou ti al apros *Auditor General*. Nou ti demann li akoz pandan sa 28 an, pa'n zanmen annan en *audit*? Akoz larzan i pour *taxpayers*. Repons ki nou ti ganny se ki zot pa'n deza ganny demande.

E la nou ti demande. Nou dir fodre i annan en *audit*. E sa *audit* in ganny fer. E rapor in pare. E atraver serten prosedir, nou a fer sir i ganny soumet kot bann dimoun konsernen.

An term bann ka, mon krwar pandan sa 2 dernyen lannen; 2022, milye 2023, nou'n kapab *entertain* apepre 80 *case*. Sa i paret bokou. Me selman bokou sa bann *case*, laplipar pa ti devret tonm kot nou.

Me selman nou ti adopte en prosedir ki ler en dimoun i vin kot nou, nou pa zis dir li poudir; sa *case* pa devret vin kot nou. Nou ekout li. Apre nou donn li en let. Nou dir li

koumsa, ou *case* pa devret vin kot nou, alor si an ka i le al pli devan, nou ava war ki omwen - si pou al fer *appeal*, then i a kapab servi sa konmen en *appeal*.

So an term – zeneralman, nou'n osi konsantre en pe lo *training*. Nou bann *staff* pe annan *ongoing training*. E dan milye lannen pase, nou ti ganny en antretyen avek Minister Finans. I ti donn nou en *advice*. I ti osi *advise* nou si nou kapab anploy en dimoun avek *background* legal pou asiste nou, pou kapab donn lanmen ekrire bann rapor.

E osi pandan depi milye lannen pase ziska la, mon 2 koleg manm *Board*, zot in – zot menm - san mon lasistans, ekout bann *case*. Sa ti en *form of training* pour zot kapab dil avek bann *case* zot tousel. E mon satisfè ki la prezan zot kapab – si an ka mon pa la, zot pou kapab *take over*.

Parey mon'n dir, dan nou – sa *submission* ki nou'n fer, i annan en serten keksoz ki manke. Ki'n arive lannen pase letan nou ti pe get nou Bidze...

(Interruption)

CHAIRMAN PSAB BRYAN JULIE

Pou annan kestyon. Mon pe azout en pti keksoz. En fot ki nou'n fer. Tou bann manm *Board*, up until 2021, zot ti pe ganny zot sa ki apel en *allowance – Board Allowance*.

Be par azar nou ki nou'n fer. Letan nou'n war sa dan Bidze, nou pa'n konnen pour kwa. Alor nou'n tire. E Minister Finans in osi – i pa'n enkli dan nou Bidze.

En lot keksoz ki mon'n ganny demande pou demann Lasanble; an sa ki konsern gratwite. Anba Lalwa i dir koumsa gratwite i ganny donnen anba en Lalwa pour tou bann *Constitutional Appointees*.

Sa ki nou, nou pe demande; akoz ki *PSAB* li i bezwen – i bezwen fer laplikasyon pou li ganny son gratwite? Kan tou lezot *Constitutional Appointees* zot ganny sa otomatikman.

E i menm annan en manm ki dan ansyen *PSAB*, ki toulezour i koz ek mon. In menm port a latansyon serten Manm Lasanble, pou dir pandan sa 28an in la zanmen in ganny son gratwite.

Alor, en demann ki mon pe demande lo lapar mon 2 koleg, plus lezot dimoun ki pa'n gannyen se; eski nou pou bezwen swiv sa prosedir?

Akoz nou'n deza demann Minister - demann avek Atorni Zeneral. E nou ganny dir ki en Lalwa pe ganny anmennen dan Lasanble. Nou'n aprann sa dimoun prezan ki ti pe travay lo la, in fini kit pei.

So, mon krwar mon pou aret la. Si i annan okenn kestryon, mon ava reponn. Mersi Mr Speaker.

MR DEPUTY SPEAKER

Mersi Mr Julie. Onorab Naddy Zialor.

HON NADDY ZIALOR

Mersi Mr Chair. Bonn apre midi *panel*. Sel *challenges* ki mon vwar, malgre dan lentrodiksyon ou'n fer resorti serten – bokou defi. Sel *challenges*, sel pwen ki mon vwar se labsans en *website* pou ogmant piblisite ek *awareness* fonksyon zot *Board*.

Alors, par lefe ki ou'n dir nou ki ou Bidze i plizoumwon parey. E ki sa i lo rikord. Ki ou pe fer konman sa *Board* pou, si oule, lannen prosenn rektifye sa defi ki ou pe rankontre?

E ankor, al plis ver piblik. Sirtou bann dimoun ki pe travay dan servis piblik, pou zot konnen egzaktaman ki rol e fonksyon sa *Board*? Mersi Mr Chair.

MR DEPUTY SPEAKER

Panel?

CHAIRMAN PSAB BRYAN JULIE

Mersi Mr Speaker. Mersi Onorab. Parey mon'n dir, sa ti en keksoz ki nou ti'n *plan*. Me, i pa'n posib aköz nou ti pe travay lo lezot keksoz. Parey zafer *TIS*, ti enportan ki nou fer li.

Ki nou annan en antretyen avek *DICT* pou nou kapab fer sa, aköz Minister Finans a en pwen ti'n blok tou nou depans. Nou pa ti ganny drwa annan nou *disbursement* aköz sa pa ti annord.

E zot dir nou koumsa, si napa sa – aköz atraver sa sistenm ki Minister Finans i *monitor* tou nou depans. E apre osi parey mon dir, ti annan *training* pour nou bann *staff*. *Staff* ki nou annan, personn pa ti annan okenn *training* dan *accounts*. E nou ti bezwen fer en fason fer *training* pour zot.

E aktyelman la osi, i annan i kontinyen pe fer *training*. E nou bezwen pran en dimoun kot – mon koleg kot *CAA*. Se li ki'n anvoy en dimoun kot nou pou kapab ed nou pour nou rikord nou *accounts*.

Onorab, mon konpran i en defi. I en *challenge*. E parey mon pour dir, mon'n dir lannen prosen nou pou fer sir *at least*

sa i retourn lo nou azanda.
Mersi.

MR DEPUTY SPEAKER

Mersi. Mon ava apel Onorab Arissol.

HON SANDY ARISSOL

Mersi Mr Speaker. Bonn apre midi Mr Julie avek ou lekip. Mon kontan letan mon vwar sa 2 - Mr Julie dan PSAB, vin devan Lasanble enkli Mrs Didon, pour nou kapab demann zot serten kestyon.

Mon ti a kontan 2 kestyon. Premye kestyon ki mon ti a kontan demande se, menm kestyon ki ou'n demann nou Mr Julie, *in regards* zot benefis ki zot devret gannyen. Ki ou santi zot devret gannyen. Kekfwa mon ti ava adres sa kestyon avek Mr Commettant - Mr Chair, ki la. Ki a kapab kekfwa adres sa size *in regards* zot benefis ki ou'n koz lo la. Kekfwa ki ava enportan pour nou konnen ki mannyer i marse. Ki si i annan pour zot.

En fason ki nou ava kapab enkorpor li dan prosen Bidze ki ava pe vini. En fason ki zot osi zot ava azour parey ou'n dir, avek tou larestan, an relasyon avek bann benefis pour travay ki zot pe fer.

Dezyenm kestyon ki mon ti a kontan demann zot se; eski

zot satisfes avek bann travay ki zot in fer pandan Bidze ki nou donn zot? Eski zot satisfes avek bann travay ki zot in fer? Par egzanp bann *hearings*, zot zwenn.

E letan mon pe get bann lezot – dan zot latay, anba - zot in osi zwenn sa konplenan enkli son anplwaye. Konmsi zot in met 2 group dimoun asiz ansanm pou fer serten travay zisteman lo sa laliny.

Eski zot satisfes avek sa pti Bidze ki nou'n donn zot, pou fer sir ki sa Seselwa ki annan sa *grievance* ki vin kot zot, i satisfes *at the end* avek travay ki zot, zot in fer konman PSAB? Mersi bokou Mr Chair.

MR DEPUTY SPEAKER

Panel?

CHAIRMAN PSAB BRYAN JULIE

Mersi Onorab. Parey mon'n dir, nou pa zanmen demann an plis ki nou bezwen. Nou pa kontan gaspiy *taxpayers' money*. E parey ou'n vwar, nou Bidze i pa – napa en gran diferans ant sa de.

Wi, nou satisfes avek sa ki nou'n fer. Sa Bidze ki nou'n gannyen nou kapab travay avek. E 2 fwa; lafen 2021 e lafen 2022, larzan ki ti reste dan Bidze, menm i ti an plis. Nou pa

ti ganny sans servi tou. Nou ti rann Minister Finans. Nou ti rann, e sa i montre ki mannyer nou *manage* byen fon ki zot donn nou.

Onorab, ou premye kestyon mon pa konnen si i en kestyon oubyen si en *statement*?

HON SANDY ARISSOL

Non, mon premye kestyon sa ki mon ti demande se an relasyon avek sa kestyon ki ou'n anvoy kot nou Lasanble Nasyonal. An relasyon avek zot benefis la, ki ou ti pe dir konman bann manm *PSAB*.

So, prezan mwan mon'n retourn sa kestyon avek Minister Finans, parske se pa *panel* ki demann kestyon Manm Lasanble. Manm Lasanble ki demann kestyon *panel*.

Be prezan mwan mon bezwen demann avek Mr Commettant si i kapab dir nou en pti keksoz lo la, si i annan lenformasyon. Pour ki an menm tan nou pe siport zot dan sa travay ki zot pe fer, pour nou konnen kote zot ete. Mersi bokou Mr Chair.

MR DEPUTY SPEAKER

Mr Commettant?

DEPUTY COMPTROLLER GENERAL JUDE COMMETTANT

Thank you, Mr Chair. Thank you Onorab. Thank you ankor pou kestyon ki'n ganny leve. Annefe PSAB i en pti pe diferan, akoz en bon pe bann benefis ki zot gannye, i pa neserman anba zot Bidze direk. I anba en central line ki anba Constitutional Appointees Emoluments ki ganny centrally managed. So, ou pa pou neserman war li anba son Bidze.

E parey tou bann lezot antite parey, prosedir i reste parey pour bann kalkilasyon, bann keksoz koumsa. Me, kekfwa diferans ki zot pa pe war, akoz i pa pe war li direktman anba son Bidze. Me, *rest assured* i ganny provizyonnen.

MR DEPUTY SPEAKER

Mersi. Be selman mon krwar sa ki Mr Julie ti pe koz lo la se ki, zot pansyon, bann keksoz koumsa. Mon krwar anba Lalwa bann *Constitutional Appointees* i fer provizyon zis pour *Chair*. *And this is something* ki fodre ganny adrese dan Lalwa. I pa aplike pour bann manm.

Mon konn sa akoz i annan en – wi, parey i dir, ansyen

manm in apros plizyer Manm Lasanble. Zot in deza apros mwan. Mon ti ekrir Minister Finans avek *AG's Office* lo sa size. I en keksoz pou fer avek zot Lalwa ki bezwen ganny amande. Onorab Hoareau?

HON JOHN HOAREAU

Mersi Mr Chair. Mr Chair, mon ti le zis konnen si *PSAB* i pran *grievances* pour bann *part time employees*? E si non, akoz? Mersi.

MR DEPUTY SPEAKER

Panel?

CHAIRMAN PSAB BRYAN JULIE

Onorab, mersi pour ou kestyon. Mon krwar dan Konstitisyon, i spesifikman pour *The Public Service*. *Public Service* ou bezwen anploye. En dimoun ki anploye i vedir ou anploye a plen tan. Ou pa pou kapab pran *grievances from part time workers*.

Pour bann *part time*, i pe bezwen annan en lot antite ki *entertain* son bann *grievances*. Pour nou i spesifikman dan *public service*. I mete dan Konstitisyon. Yes.

MR DEPUTY SPEAKER

Nou ava...

CHAIRMAN PSAB BRYAN JULIE

Les mwan kontinyen. Parfwa i annan serten *overlap*. Par ler zot al kot Minister Lanplwa. Lanplwa i dir zot koumsa vin kot nou. Ler i vin kot nou, nou dir zot koumsa; non nou pa kapab al tou kot Minister Lanplwa.

Me annan de fwa ki nou ekoute. Apre ler nou fini ekoute, nou dir zot ki i pa sipoze tonm kot nou. Mersi.

MR DEPUTY SPEAKER

Onorab Monthy?

HON PHILIP MONTHY

Mersi Mr Chair. Bonn apre midi Mr Julie e – le 2 Mr Julie e sa madanm ki pe akonpany zot.

MR DEPUTY SPEAKER

Madanm Belle.

HON PHILIP MONTHY

Madanm Bellard.

MR DEPUTY SPEAKER

Belle.

HON PHILIP MONTHY

Belle. Mersi Mr Chair. Madanm Belle. Bonn apre midi. Byenveni.

Parey Onorab Zialor in fer sorti, mon war zis en *challenge* ki napa en *website*. Napa

mwayen pour zot fer plis piblisite. Mon rapel byen ansyen *Board PSAB*. Landrwa osi ti en pe en kontrent, *ok*.

Kot bann *hearing* ti ganny fer dan *Board Room Independence House*. Kot en dimoun ki annan en *grievance* i annan son *case* pe pase. Sa lot ki pe esper pour li pase i lanmenm la, i tann problemm – i tann *case* sa lot dimoun ki pe deroule.

So, ti napa vreman *privacy*. E pour mwan mon ti vwar sa konmsi, i mank en pe profesyonnalizm. Eski sa sityasyon i ankor parey konmela avek nouvo *Board*? Oubyen in annan en *improvement*?

Si i ankor parey, kwa ki zot pe fer, kwa ki zot pe diskite ek Finans pour ki sa landrwa kot zot fer zot bann *hearing*, i vin en landrwa en pe pli *private*, en pe pli profesyonnel? Mersi.

MR DEPUTY SPEAKER

Panel?

CHAIRMAN PSAB BRYAN JULIE

Mersi Onorab pour ou kestyon. Aktyelman mon pa rapel si mon – mon krwar mon'n deza mansyonnen ki dek konman nou ti *take over*, *PSAB* ti *move* dan *Premier Building*. E par

azar mon ti ganny sans ganny 2 biro akote mon *Chambers*.

So, Sekretarya in *move* dan en biro akote mwan. Apre i annan en biro pour *Board*. Apre nou annan osi en biro – pa en biro. En lasanm ki parey en *Tribinal*. So nou'n ganny 3 biro.

E parey Onorab – i annan *privacy*. Zis bann dimoun ki *implicate* dan sa *case* ki ekoute, ki antre. Lezot i annan en landrwa ki zot asize.

So, i pe fonksyonn parey en *Tribinal*. Mon pa konnen si i annan zot ki'n deza vin devan. Onorab Georges in deza vini. So, i parey en *Tribinal*. I annan *privacy*. E i pa parey bann avan.

Mon aprann – mon'n deza ale ava mannyer ti ete. Be la in sanze. I en landrwa ase byen e i konfortab. E parey mon dir, i annan *toute privacy* ki ou bezwen. Mersi.

MR DEPUTY SPEAKER

Mersi *panel*. Dan milye la, Onorab Mondon ou pa ti'n lev ou lanmen ou? Non. *Ok*. Si sa, mon krwar pa si i annan okenn lezot lanmen ki mon'n manke.

In anmenn nou lafen nou enteraksyon avek bann zofisyé *Office of the Public Service Appeals Board*, ki zot Bidze i trouve lo paz 117 a 118 pour en sonm R1 milyon 169 mil. Mon ti ava demann tou bann Manm ki

an faver pou endike silvouple?
Mersi. Okenn Manm ki kont?

Vote lo Bidze Office of the Public Service Appeals Board pour en valer R1 milyon 169 mil. I annan 19 Manm ki'n *vote* an faver. Okenn Manm pa'n *abstain*. Okenn Manm pa'n *vote* kont. Baze lo lakantite Manm prezan dan Lasanble Nasyonal, ki antyerman *Caucus LDS*, sa *vote* in pase par linanimite.

I reste pour mwan remerisi bann zofisyé ki sorti kot *PSAB* ki'n zwenn nou la apre midi, dirize par *Chairman PSAB* Mr Bryan Julie. Ti akonpanyen par 2 *Board members*. Sa i enkli; Mr Gerald Julie, Ms Louisette Belle e osi Ms Christa Denis ki *Accounts Officer*.

Mon a permet zot fer zot depar. Mon a swet zot bonn kontinyasyon lasware, sirtou en bon *weekend*. Me i annan ankor detrwa *headings* ki nou pou dil avek. So, le 2 zofisyé Minister Finans ava reste. Me *PSAB* i a kapab fer zot depar. Mersi.

(The PSAB delegation was excused from the House)

OFFICE OF THE AUDITOR GENERAL

MR DEPUTY SPEAKER

I reste nou ankor 5 *headings* pour nou dil avek. Dabor, premye *vote* i pou lo Lofis Oditer Zeneral ki trouve lo paz 109 a 112, pour en sonm R21 milyon 846 mil. Nou ti ava demann *Deputy Comptroller General* Mr Commettant, pou zis enform nou *anything specific about* sa alokasyon, silvouple?

DEPUTY COMPTROLLER GENERAL JUDE COMMETTANT

Thank you, Mr Chair. Pour Office of the Auditor General, Bidze ki pe ganny propoze i R21 milyon 846 mil. Si nou pou get diferans konpare avek son revised budget, i en logmantasyon R2.4 milyon. E pli gro diferans i annefe dan wages and salaries.

Annefe i pa vreman en logmantasyon akoz sa logmantasyon pe vin selman akoz i annan en *budget cut* ki ti ganny efekte an 2023 – dan Bidze 2023.

Alors, si nou pou get li *against the original budget 2023, the increase is very minimal*. Si i pa vreman en gran logmantasyon.

MR DEPUTY SPEAKER

Mersi Mr Commettant. Donk in ariv ler pour nou pran en *vote* lo sa *heading* pour *Office of the*

Auditor General pour en sonm R21 milyon 846 mil. Tou bann Manm ki an faver, endike silvouple? Mersi. Okenn Manm ki kont? Mersi.

Vote pour Office of the Auditor General lavaler Bidze R21 milyon 846 mil, i annan 20 Manm ki'n *vote* an faver. Napa *abstention*. Napa *vote* kont. Donk baze lo lakantite Manm prezan dan Lasanble Nasyonal ki antyerman *Caucus LDS*, sa *vote* in pase par linanimite.

OFFICE OF THE OMBUDSMAN

MR DEPUTY SPEAKER

Lot Bidze i pour *Office of the Ombudsman*. E li i trouve lo paz 113 a 116 pour en sonm R4 milyon 424 mil. E mon ava envit Mr Commettant pou fer en komanter lo sa enn Bidze.

DEPUTY COMPTROLLER GENERAL JUDE COMMETTANT

Thank you, Mr Chair. So, pour *Office of the Ombudsman*, Bidze ki pe ganny propoze i 4.4 milyon – *well*, R4 milyon 424 mil. Ki si nou pou konpar li avek *Revised Budget 2023*, i en logmantasyon 548 mil.

E sa logmantasyon i *mainly* dan *wages and salaries*. Kot i annan provizyon ki'n

ganny fer pou *cater* pour serten bann *allowances* ki pa ti enkli dan *ceiling* ki ti'n *issue*.

So, parey nou pe dir, *the increase* i zis 548 mil. Konpare avek *the budget itself from revised 2023*, which was only 3 million 875 thousand. *Thank you*.

MR DEPUTY SPEAKER

Mersi Mr Commettant. Donk nou ava pran *vote* lo *Office of the Ombudsman* pour en sonm R4 milyon 424 mil. Tou bann Manm ki an faver, endike silvouple? Mersi. Okenn Manm ki kont? Mersi.

Vote lo Office – Bidze pour *Office of the Ombudsman* pour en sonm R4 milyon 424 mil. 20 Manm in *vote* an faver. Napa *abstention*. Napa *vote* kont. Baze lo lakantite Manm ki dan Lasanble Nasyonal ki antyerman *Caucus LDS*, sa *vote* in pase par linanimite.

CURATELLE OFFICE

MR DEPUTY SPEAKER

Prosen *vote* i pour *the Curatelle Office* trouve lo paz 141 a 143 pour en sonm R5 milyon 638 mil. Nou ava envit Mr Commettant pou koz lo sa enn alokasyon.

DEPUTY COMPTRROLLER
GENERAL JUDE
COMMETTANT

Thank you, Mr Chair. So, pour Curatelle Office total being proposed i sa R5.6 milyon. Ki, si nou konpar li avek Revised Budget 2023, i en logmantasyon R184 mil.

E dan sa logmantasyon – pli gro logmantasyon i dan *wages and salaries*, kot ankor nou pe *cater* pour serten bann *allowances*. E logmantasyon dan *goods and services* i 83 mil. Ki *main increase* ladan anefe i en *Service Agreement* kot pe *cater* pour *maintenance* pour en *website*.

E, an zeneral *basically*, logmantasyon i *very* minim, konpare avek *the revised budget*. *Thank you*.

MR DEPUTY SPEAKER

Mersi Mr Commettant. Donk, nou ava pran *vote* pour *the Curatelle Office*. So sonm i R5 milyon 638 mil. Tou bann Manm ki an faver, endike silvouple? Mersi. Okenn Manm ki kont? Mersi.

Vote pour *the Curatelle Office* pour en sonm R5 milyon 638 mil. I annan 20 Manm ki'n *vote* an faver. Napa *abstention*. Napa *vote* kont. Baze lo lakantite Manm prezan dan Lasanble Nasyonal ki

antyerman *Caucus LDS*, sa *vote* in pase par linanimite.

CONSTITUTIONAL
APPOINTMENT AUTHORITY

MR DEPUTY SPEAKER

Prosen *vote* i pour lo *Constitutional Appointment Authority*, ouswa CAA. Son Bidze i trouve lo paz 119 a 121. E li son propozisyon Bidze i R2 milyon 169 mil. E mon ava envit Mr Commettant pou donn en kontrandi lo sa enn *heading*.

DEPUTY COMPTRROLLER
GENERAL JUDE
COMMETTANT

Thank you, Mr Chair. The CAA Constitutional Appointment Authority, proposal i pour en Bidze R2 milyon 169 mil. Ki en logmantasyon 293 mil konpare avek son *revised budget of 2023*. E pli gro logmantasyon i trouve dan *goods and services*, kot i annan diferan bann laliny ki'n ogmante.

Me si nou pou pran pli gro logmantasyon dan bann diferan laliny, nou kapab war par egzantp *under adverts*, i annan en logmantasyon 104 mil, konpare avek son *Revised Budget*. Kot in fer provizyon pour serten bann *adverts* ki bezwen ganny fer pour bann nouvo pozisyon ki ekspekte.

Annefe, sa i pli gro laliny dan diferan bann logmantasyon. Mersi.

MR DEPUTY SPEAKER

Mersi Mr Commettant. In ariv ler alor pour nou pran en *vote* lo *Constitutional Appointment Authority* - setadir zot Bidze, pour en sonm R2 milyon 169 mil. Mon ava demann tou bann Manm ki an faver pou endike silvouple? Mersi. Okenn Manm ki kont? Mersi.

Vote lo Bidze *Constitutional Appointment Authority* pour en sonm R2 milyon 169 mil. I annan 19 Manm ki'n *vote* an faver. I annan en Manm in *abstain*. E napa Manm ki'n *vote* kont. Sa *vote* in pase.

Dernyen *heading* ki nou pou konsidere...Anr wi, lo mon papye ti annan en pti lerer aköz dernyen ti *PSAB*. Be zot a rapel *PSAB* nou fek dil avek.

Donk, sa in anmenn nou lafen nou sesyon travay pour ozordi. Mon ava remersi partikilyerman le 2 zofisye Minister Finans ki'n avek nou depi bomaten. *Deputy Comptroller General* Mr Jude Commettant e osi Ms Agnes Madeleine ki *Senior Finance Analyst*.

Mon ava demann *Sergeant-at-Arms* pou remet

nou dan staz Lasanble silvouple. *Ok, so zis en dernyen pti lenformasyon konsernan matter of privilege* Onorab Loze.

E parey mon ti ekspekte e ki mon ti dir yer; *by 5pm* ozordi, mon ti konnen poudir nou pa pou kapab *still* donn en determinasyon lo sa sityasyon.

Nou'n resevwar *statement* Onorab Loze. Nou'n resevwar *statement* Onorab Adelaide. Nou pa ankor ganny *video footage* ki *Sergeant-at-Arms* i bezwen donn - tou bann dokiman pe rantre dan lofis Deputy Clerk. E apre ki ava fer lofis Speaker gannyen.

E konman nou konnen – Speaker pe rantre dan pei dan *weekend*. E alor, sa *matter* i ava ganny transfer avek son lotorite. E donk, vwala. Sa ki mon ti kapab *update* Lasanble lo la.

Onorab Adelaide, mon vwar ou lanmer i anler, be selman ou konnen ki mon'n *rule* lo sa size avan. Mon pa oule ki i vin en zafer *on the Floor*. *You are being accused of something. Anything you say, can and shall be used against you. So, be mindful.* Ou le koze, Mon a donn ou laparol.

HON FRANCOIS ADELAIDE

Yes Mr Speaker. Mon pa pou al naryen pou dir lo sa *case*. Me

mon ti a kontan ki dokiman, *ok*, dokiman ki nou'n donner – i en dokiman ki konfidansyel. E pour lemoman mon napa bokou konfyans.

Mon ti a kontan ki nou de *Leaders'* zot ti a ganny en kopi, pour ki napa okenn *statement* ganny sanze, swa demen, swa apredmen. E ki sa zafer i reste en keksoz ki otantik ziska ler zizman i ganny donner. Mersi.

MR DEPUTY SPEAKER

Pwen in note Onorab Adelaide. Mon kapab reasir ou poudir nou pe apros sa size avek tou – *the highest level of professionalism and ethics* ki nou Lasanble i rekomannde. E alor se sa rezon ki nou pe fer li pas atraver Sekretarya ki sipoze non-partizan.

Donk, pour lemoman mwan, ki form parti *Caucus*, mon pa ankor war okenn *statement*. *And I've not been involved with any* ranmas okenn levidans. Donk, mon reasir ou lo sa pwen.

Alor mon ava remersi tou bann Manm pour travay ki nou'n fer pandan sa semenn. E mon pou retourn lo *Floor* Lendi. Mon ava dir zot mersi pour zot korperasyon ki zot in donn mwan. *It's been a long week*. E alor bonn rantre zot tou. Pas en tre bon *weekend*. Nou pou

re pran travay Lendi bomaten 9er.

(ADJOURNMENT)

